

1343

1

\$ -95

06 SEP 2013

~~10-11~~

BW
07 JUL 2006

Ե. ՅՐԱՆԳԵԱՆ

ՊԵՍՄԻՄԻԶՄԻ ՓԻԼՍՕՓԱՆ

(Շօպենհաուէրի նկարով)

Աշխարհն իմ կամքն է և
պատկերացումը
Շօպենհաուէր

1
\$-95

ԵՐԵՒԱՆ
Ս. Ս. Յակոբեանցի և որդիք
1911

1
Ֆ-85

20495-80

Գ Ն Ե Ր

Շտեմբերի 1919 թ. հունիսի 19

(ԽՍՀՄ ԿՏԵՐԻՍՏԻԿԱ)

4138

1089.

10411

1343

Այս սեպտեմբերին լրացաւ Շօպենհաուէրի մահուան 50 ամեակը: Իսկ ամբողջ մի դար ունի իր թիկունքին նրա գլուխ-գործոցը, «Աշխարհը, որպէս կամք և պատկերացում»:

Բայց չնայելով մեզ բաժանող այդքան երկար ժամանակաշրջանին, այժմ մեր փիլիսոփան ոչ միայն չի մոռացել, այլ դեռ պատկանում է ժողովրդական և կարդացւող փիլիսոփաների շարքին:

Բայց ինչն է տալիս նրա փիլիսոփայութեանը մնայուն հայտնիութիւնը:

Պատասխանելով դրան՝ պէտք է ասել, որ մենք արդէն ինքնըստ ինքեան ընտրեցում ենք նրա նշանակութիւնը և գնահատում նրա արժէքը, ինչպէս և ցոյց տալիս նրա ինքնուրոյն տեղը փիլիսոփայական սիստեմների մէջ:

× Շօպենհաուէրի հիմնական թեման կազմում էր կեանքը: Այդ էր նրա գերազայն

հ. Կ. Կ. 199.

204



28650.60

խնդիրը, որին նւիրում է իր ամբողջ աշխատանքի լաւագոյն բաժինը:

«Կեանքը—դա առեղծւածայինն է և կասկածելին, և ես վճռել եմ իմ ամբողջ կեանքում խորհել այդ մասին»:

Այսպէս է յայտարարում երիտասարդ, դեռ ուսանող Շօպենհաուէրը յայտնի բանաստեղծ Վիլանդին:

Դեռ մանուկ հասակից սկսած՝ Շօպենհաուէրի ուշադրութիւնը բնեռել էր իր վրա բացառապէս կեանքը, կեանքի գժւարին խնդիրը: Եւ նա նպատակ է դնում լուծել կեանքի առեղծւածը, յայտնագործել գերագոյն ճշմարտութիւնը:

Եւ նա որոնում է. նրա ամբողջ կեանքը անսահման որոնումների, խորունկ մտորումների և խիզախ հետախուզումների մի գեղեցիկ հիւսւածք է կազմում:

Այդպէս էր Շօպենհաուէրը, միշտ էլ ճշմարտութեան ծարաւի և պրպտող. այդպէս էր և՛ պատանի Շօպենհաուէրը, և՛ ծերունի փիլիսոփա—Շօպենհաուէրը: Այդպէս է Շօպենհաուէրը երևում մեզ թէ կեանքի մէջ, իր անհատական սպրումների մէջ, և թէ իր գրւածքների մէջ: Միշտ պրպտող, միշտ հետախուզող:

Եւ որքան Շօպենհաուէրն առաջ էր

գնում իր որոնումների և հետախուզումների մէջ, որքան նա հասունանում էր, այնքան աւելի կեանքն առեղծւածային էր երևում նրան, այնքան աւելի լուրջ բնաւորութիւն ստանում:

Եւ նա ապրում է, տանջւում, փորձում, խորհում: Նա դիտում և մանրազննին վերլուծում կեանքը՝ իր բազմազան կողմերով: Նրան գերում են մի շարք հարցեր, կեանքի էութիւնն և արժէքը շօշափող հարցեր:—Ի՞նչ է կեանքը, ո՞ւնի նա խորհուրդ և իմաստ, և եթէ ունի, սրտեղ որոնել այն, կամ ո՞րն է կեանքի գերագոյնը, որին պէտք է բովանդակ մարդկութիւնը փարէ:

Ի՞նչ է կեանքը, մարդու գոյութիւնը:

X —Այդ յաւիտենական տանջանքն է, արցունքի հովիտը:

Ահա Շօպենհաուէրի վճռական պատասխանը: Սա նրա փիլիսոփայութիւնն էր կեանքի մասին:

Ունի՞ կեանքը, մարդու գոյութիւնը որևէ արժէք և խորհուրդ:

—Ոչ. լինում է բնականօրէն Շօպենհաուէրի պատասխանը: Նրա այս ժխտողական խօսքը արամարանական հետեւութիւնն է առաջին գրութեան:

Ստեփանն Լ

Այդ վճռական «ոչ»-ը բնորոշում է արդէն ինքնին Շօպենհաուէրի փիլիսոփայութիւնը, տալիս նրա կենսահայեցողութեան ընդթափը:

Ժխտելով կեանքի արժէքը, մեր գոյութեան իմաստը, դիտելով այն մի հսկայական և յաւիտենական տանջանք, Շօպենհաուէրը դառաւ պեսսիմիզմի փիլիսոփան, յոռետեսական փիլիսոփայութեան հանճարեղ ջատագովը և տաղանդաւոր հիմնադիրը: ✕

Շօպենհաուէրը զրաւ այդ միտքը, զարգացրեց, խորացրեց այն և տւաւ նրան մի փիլիսոփայական սիստեմի բնույթ, ելակէտ ունենալով, իհարկէ, մի հիմնական և ընդհանուր գրութիւն: Եւ պեսսիմիզմի փիլիսոփայական սիստեմն անքակտելիօրէն կապւած է Շօպենհաուէրի անւան հետ:

Ահա ամենաճիշտ տեսակէտը, որով պէտք է մօտենալ Շօպենհաուէրին, նրա արժէքը գնահատելու և նրա մնայուն տեղը փիլիսոփայութեան պատմութեան մէջ որոշելու:

II

Բայց ո՞վ էր Շօպենհաուէրը, ինչ ծագում, ինչ ճակատագիր է ունեցել նա:

Արտուրը—այդպէս է մեր փիլիսոփայի

անունը—ծնւել է Դանցիգ քաղաքում, 1788 թւի փետրւարի 22-ին: Արտուրը հարուստ և բարեկեցիկ ընտանիքի զաւակ էր: Նրա հայրը յայտնի առևտրական էր, իսկ մայրը յայտնի գրականագէտուհի Իօաննա Շօպենհաուէրն էր: Այնպէս որ նա ամեն կողմից նպաստաւորւած էր առաջ գնալու, զարգանալու: Ծնորձիւ հօր զբաղմունքի, Արտուրը հէնց փոքր հասակից հնարաւորութիւն է ունենում ճամբորդել շատ երկրներ, Բելգիա, Ֆրանսիա, Անգլիա, Գերմանիայի գաղան կողմերը, իսկ աւելի ուշ, Իտալիա, Հոլանդիա և այլն: Եւ նա շնորհիւ այդ հանգամանքի կարողանում է սովորել մի քանի լեզուներ:

Հէնց սկզբից փոքրիկ Արտուրի մէջ երևան են գալիս այն գծերը, որոնք բնորոշում են ապագայ մեծ պեսսիմիստին, գեղարեստագէտին և մտածողին: Բայց նրա հայրը այդ չէր նկատում: Նա չէր նկատում, որ իր փոքրիկ Արտուրը բոլորովին այլ բանի համար է ծնւած, քոն այն, ինչ տեսնում էր կամ ուզում էր տեսնել նրա մէջ: Նա որդու վրա նայում էր օրպէս իր առևտրական գործերի կարող զիկավարի և շարունակողի վրա: Բայց հայրը սխալւում էր: Հայր և որդի տարբեր տիպեր էին, տար-

բեր ձգտումներով և հակումներով: Եւ թէև սկզբում Արտուրը մտնում է մի խոշոր բանկերի մօտ, բայց շատ շուտ, արդէն 1804 թւին, երբ նա միայն 16 տարեկան պատանի էր, խորապէս համոզուում է, որ նա «րոլորովին այլ բանի համար է ստեղծւած»: Եւ այդ համոզմունքը քանի գնում, այնքան աւելի ամրանում և խորանում է: Նա արդէն այդ ժամանակ ընդգրկում էր լայն ճանաչողութիւն և խորունկ դիտողութիւն կեանքի և աշխարհի մասին: Արտուրը պատկանում էր այն մանուկներին, որոնք ժամանակից շատ աւելի շուտ են հասունանում և այնպիսի խնդիրներ են դառնում նրանց մտորումների և խոհերի նիւթ, որոնք շատ բարձր են նրանց համար: Նրա կուրծքը և հոգին շատ վաղաժամ սկսեցին փոթորկւել: 16 տարեկան հասակում նա գրում է մօրը կեանքի տանջանքի մասին, աշխարհի դատարկութեան մասին: Եւ այս բոլորը չէր նկատում հայրը. չէր տեսնում նաև յայտնի գրականագէտուհի մայրը Արտուրի, նրա տգեղ և տարօրինակ արտաքինի մէջ բուն տրոյ և արագ զարգացող գեղագիտական զգացումը, ինչպէս և փիլիսոփայական միտքը: Նկատենք, որ Շօպենհաուէրը բաւականին փոքր էր մարմնով, բայց նա ու-

նէր մարմինն անհամապատասխան խոշոր գլուխ, նա ունէր նոյնպէս մեծ բերան, լայն և տափակ քիթ, մեծ ու կապոյտ աչքեր:

Այսպէս, ուրեմն, գեղագէտ և մտածող Արտուրը չնկատելով ծնողների կողմից, դրա համար էլ վերջիններս այդ տեսակետից ոչ մի զարկ չեն տալիս Արտուրի զարգացման: Ինքը՝ պատանի Արտուրն է դառնում իր բախտի տնօրինողը, իր կեանքի պայմանները դասաւորողը: Նա հետևում է իր ներքին ձայնին, իր բնական հակումներին և թելադրութիւններին: Նրա հայրը շուտով, 1805 թւին, մեռնում է և նա ստանում է մի լաւ գումար հօր թողած ժառանգութիւնից, մօտաւորապէս 19,000 թաւեր (թաւերը—1 ր. 30 կ.): Իսկ այդ գումարով նա կարող էր իր ուսումնս առաջ տանել: Եւ նա նւիրում է գիտութեան, թողնելով մի անգամ ընդմիջտ առևտրական գործը: Հօր մահից յետոյ Արտուրը մօր և քրոջ հետ տեղափոխւում է Վայմար: Այդտեղ Արտուրը պատրաստում է համալսարանի համար: Իսկ մայրը գառնում է այդ ժամանակւայ մեծութիւններին, գրական դէմքերին կապող օղակը. իր տան դուռը բացելով նրանց առաջ և դարձնելով մշտական գրական—ժողովատեղի: Գէօթէ, Վի-

լանդ և այլն դառնում են տիկին Շոպենհաուէրի մշտական յաճախորդները: Եւ նա իրեն շատ լաւ էր զգում: Նա լինելով կենսախինդ և աշխարհիկ կին, շատ սիրում էր ճոխ կեանք, հիւրասիրութիւն և նման հասարակութիւն: Իսկ այդ բոլորի համար նա ունէր բաւականին առատ զրամ և նա, ինչպէս Արտուրն է վկայում, շոայլօրէն ծախսում էր:

Արտուրը յամառօրէն և մեծ եռանդով շարունակում է իր գիտական պատրաստութիւնը: 1809 թւին նա մտնում է Գէօթինգենի համալսարանը, ուր ուսանում է շորս սեմեստր, մինչև 1811 թիւը: Նա այդտեղ սովորում էր բժշկութիւն յատկապէս բնագիտութիւնների համար: Արտուրի առաջնորդն էր սկեպտիկ Շուլցէն, որը նույնպէս զեկաւար է հանդիսանում Կանտի փիլիսոփայութեան ուսուցիչութեան մէջ: Շուլցէն առհասարակ շատ լաւ ծանօթ էր Կանտի փիլիսոփայական սիստեմին և համարւում էր իր ժամանակին Կանտի ամենահոգակաւոր քննադատը: Ահա այդ ժամանակից Արտուրը դառնում է Կանտի հետերդը և նւիրում է ամբողջապէս փիլիսոփայութեան. նա արդէն տարիք առած էր, 22 տարեկան էր:

Գէօթինգենից Շոպենհաուէրը փոխադրում է Բերլին՝ յատկապէս ծանօթանալու Կանտից յետոյ հղած փիլիսոփայութեան հետ, այսինքն Յիխտէի փիլիսոփայութեան: Նա առանձնապէս ուզում էր, ուրեմն, լսել Յիխտէին, որը կազմում էր կենտրոնական անձնաւորութիւնը և մտածողը Բերլինում: Նա լսում է նաև Շլայերմախերին: Բայց Արտուրը չստացաւ այն, ինչ սպասում էր. նրան չբաւարարեց ոչ մէկը և ոչ միւսը: Եւ նա իրեն նւիրում է Պլատօնի և Կանտի փիլիսոփայութեան լուրջ ուսումնասիրութեան, իսկ յետոյ Արիստոտելի և Սպինոզայի, ինչպէս Իւմի և Լոկկի, որոնցից այնքան սնունդ էր ստացել Կանտը, նամանականդ Իւմից:


1813 թւին նա ստանում է փիլիսոփայութեան դոկտօրի տիտղոսը. և նրա առաջին փիլիսոփայական գրածքը լինում է այդ դոկտօրական դիսերտացիան:

Իրանից յետոյ Արտուրը վերադառնում է Վայմար: Նա արդէն ծանօթացել և մօտիկ յարաբերութիւն ունէր Գէօթէի հետ և նրանից բաւականին ազդեիլ: Ծանօթ էր նաև Վիլհանգի հետ: Բոլորն էլ տեսնում էին նրա մէջ տաղանդը և նրանից սպասում էին «տաղաղայի համար մի խոշոր բան» (Վիլհանգ):

28650-66

к / 0
г / 01

7010
41344



Բայց Վայմարում Արտուրը չի կարողանում երկար մնալ: Նրա և մօր մէջ եղած տարածայնութիւնն աւելի ու աւելի սուր ընդթ է ստանում. և նա թողնում է Վայմարը հէնց 1814 թւին, միանգամայն բաժանելով մօրից և քրոջից: Նա գնում է Դրեզդէն և այնտեղ մնում է ամբողջ 4^{1/2} տարի: Նա նւիրում է իրեն ամբողջապէս գրական գործունէութեան: Դա մի խիստ բեղմնաւոր շրջան է համարւում Ծօպենհաուէրի կեանքում գրական աշխատանքի տեսակէտից: Նա այստեղ սկսում է գրել իր գլուխ-գործոցը, «Աշխարհը, որպէս կամք և պատկերացում», որի մէջ մարմնացած է ինքը Ծօպենհաուէրը, ուր գրւած է նրա ամբողջ էութիւնը: Բայց դեռ գիրքը չվերջացրած, Ծօպենհաուէրը 1818 թւին անցնում է Վիեննա և ապա Իտալիա: Այդ ժամանակ Իտալիայում էին «աշխարհի երեք ամենամեծ պետքի միտաները», նկատում է Ծօպենհաուէրը. այսինքն, Բայրօն, Լէօպարդի և ինքը:

Բայց նա երկար չի մնում Իտալիայում: Նա լսում է, որ Դանցիգի այն առևտրական տունը, որի մօտ էր իր բաժին դրամը, ինչպէս և քրոջը, սնանկացել է: Նա մուրհակներով զինւած՝ շտապում է Դանցիգ և գը-

նում իր պահանջը: Նա սպասնում է «ապացուցանել ըստ կանտի ապացուցութեան, որով ապացուցւում է մարդու բարոյական ազատութիւնը, այսինքն, հակադրութեան եզրակացութեան միջոցով՝ դէպի կարողանալը»: Դրանով նա ուզում է ասել, եթէ չես տայ կամովին, այն ժամանակ մուրհակը կբողոքէ: «Տեսնում էք, բացականչում է Ծօպենհաուէրը խրոխտօրէն, կարելի է փիլիսօփա լինել, բայց ոչ յիմար՝ առևտրական գործերի մէջ:

1818 թւին լոյս է տեսնում նրա գլուխ-գործոցը: 1819 թւին նա դառնում է Բերլինում դօցենտ, բայց յաջողութիւն չի գտնում: Բերլինում նրա կեանքն առհասարակ արգասաւոր չի լինում: Էնդունելութիւն չի գտնում նոյնպէս նրա գլուխ-գործոցը: Եւ այս բոլորը խիստ ազդում են նրա, առանց այն էլ տխուր, յոռետես տրամագրութեան վրա: Բայց չճանրանանք այս կէտի վրա, այդ մասին մենք յետոյ երկարօրէն և հանգամանօրէն կխօսենք, տալով նրա անձնաւորութեան էական կողմերը:

Սրանից յետոյ նա ամբողջապէս նւիրւում է գիտական-փիլիսօփայական աշխատանքին, հաստատելով փրանկֆուրտ քաղաքում (Մայն գետի վրայ): 1844 թւին նա

տալիս է իր գլուխ-գործոցի երկրորդ՝ յաւել-
 ւածով ճոխացրած՝ հրատարակութիւնը:
 Իրար հտեից հրատարակում են նաև մի
 շարք գրւածքներ, որոնցից ամենանշանա-
 ւորներն են «Էթիկայի երկու հիմնական
 պրօբլէմները», «Կանտի փիլիսօփայութեան
 քննադատութիւնը» և «Parerga und Pa-
 ralipomena»:

Շօպենհաուէրը երկար, շատ երկար
 ժամանակ միանգամայն անուշադրութեան
 էր մատնւած: Եւ միայն 1850 թւից, երբ
 նա արդէն իր ծերութիւնն էր ապրում, նրա
 վրա ուշադրութիւն են դարձնում, կարգում
 սքանչանում և ազբում: Եւ իրաւունք ու-
 նէր նա թախծութեամբ ասելու. «ծերութիւ-
 նը ինձ վարդեր բերաւ, բայց միայն սպի-
 տակ վարդեր»:

Այժմ Շօպենհաուէրն արդէն մօդերն
 փիլիսօփա էր: Թէև շատ ուշ, բայց նա դար-
 մանալի արագութեամբ է տարածւում և
 հանրածանօթ դառնում:

Իրանից յետոյ նա ապրում է միայն
 10 տարի. 1860 թւին նա խաղաղ մեռնում
 է կաթլաձից, առանց հիւանդ պարկելու:

Ահա ընդհանուր գծերով նրա, այսպէս
 ասած, չոր-ցամաք կենսագրութիւնը, յիշած
 նրա կեանքի գէպքերը յաջորդաբար:

III

Բայց անցնենք Շօպենհաուէրի կեան-
 քի, նրա անձնաւորութիւնը բնորոշող գը-
 ծերին. և մենք կանգ ենք առնելու յատկա-
 պէս այն գծերի վրա, որոնք դիւրացնելու
 են նրա փիլիսօփայութեան ըմբռնումը:

Յոռետես տրամագրութիւնը բնածին
 էր Շօպենհաուէրի մէջ: Նրա նկարագրի այդ
 գիծը գեռ մանկութիւնից աչքի է խփում և
 քանի գնում այնքան ցայտուն է դառնում
 ու խիստ որոշիչ գեր խաղում նրա կենսա-
 փիլիսօփայութեան մէջ:

Արտուր Շօպենհաուէրը շատ զգայուն
 հոգի ունէր. նա գիտէր հեշտութեամբ և
 խորունկ կերպով ազդել: Առհասարակ գըր-
 գիռը շատ ուժեղ կերպով էր ազդում և խո-
 րը տպաւորութիւն թողնում: Նա կրքոտ էր
 և ապրում էր ջգերով. ամեն մի գէպք ադ-
 գում էր նրա ամբողջ նեարթերի սխտեմի
 վրա, և դնում իր խորն, անջնջելի դրոշմը
 նրա հոգու վրա: Բայց այստեղ բնորոշն այն
 է, որ նա տպաւորում էր առանձնապէս
 կեանքի տխուր, մոռյլ, սև և տանջալից
 երևոյթներից: Նրա հոգին իսկոյն այդ էր

ընդգրկում:

Այդպէս էր փոքրիկ Արտուրը. այդպէս էր և հասուն փիլիսոփա-Շօպենհաուէրը:

Դեռ շատ փոքր հասակից նա առիթներ է ունենում ճանապարհորդելու նոր երկրներ, նոր աշխարհներ: Նա դիտում է ամենուրեք կեանքը. և միշտ էլ նրա հոգու վերև շեշտած գիծն է երևան գալիս, նրա աչքին միշտ էլ և ամենուրեք զարնել են յատկապէս կեանքի մութ կողմերը, մարդու դժբախտութիւնը, տառապանք և ցաւ, վիշտ և կոկիծ: Եւ կեանքի, գոյութեան այդ ըստւերային, պեսսեմիստական կողմը ցնցում է փոքրիկ Արտուրին և գերում նրա հոգին: Եւ հէնց այդ ժամանակից մանուկ Շօպենհաուէրը լցում է մի տեսակ կարեկցութեամբ դէպի մարդ-արարածը, դէպի մարդու գոյութիւնը: «Իմ 17 տարեկան հասակում այնպէս էի տառապանքից բռնւած, ինչպէս Բուդղան իր երիտասարդութեան ժամանակ, երբ նա դիտեց հիւանդութիւնը, ծերութիւնը, վիշտը և մահը... ճշմարտութիւնը շուտով յաղթանակեց և ես եկայ այն եզրակացութեան, որ այս աշխարհը չէր կարող մի ողորմած էութեան ստեղծագործութիւնը լինել, այլ աւելի շուտ մի սատանայի» ...

Եւ այդ դիծը հեռզհեռէ աւելի է խրտանում, աւելի գունաւորւում և հիմք դառնում նրա կենսափիլիսոփայութեան, նրա հայեցողութեան՝ կեանքի մասին: Ինչպէս Բայրոնը և Լէօպարդին, այնպէս էլ Շօպենհաուէրը կանգնած էր վերջնապի կեանքի անարժէքութեան տեսակէտի վրա: Կեանքը անիմաստն է: Այդ էին ասում փոքրիկ Շօպենհաուէրի տեսածն ու դիտածը ճանապարհորդութիւնների միջոցին: Նա արդէն այդ ժամանակ ունէր լայն շրջահայեցողութիւն և խորը ճանաչողութիւն աշխարհի և կեանքի մասին: Նա բաւականին ասրել և տեսել էր: Տուլօնում, օրինակ, բանտարկեալների թշւառ կայութիւնը ցնցող տպաւորութիւն է թողնում Շօպենհաուէրի վրա: Նա վերջիշում և պատկերացնում է Դանտէի, միջնադարեան այդ հոշակաւոր բանաստեղծի ստեղծած դժոգքը այստեղ, այս երկրային աշխարհում փոխադրած: Բայց սա եզակի դէպք չէր. նա ամենուրեք տեսնում էր դանտէան դժոխք: Աւելի վաաթար դժոխք էր ներկայացնում ստրուկների կեանքը: Եւ Շօպենհաուէրը ընդհանրացնում է այդ դրութիւնը և վերագրում ամբողջ մարդկային գոյութեանը: Կեանքը դժոխք է:

Ասացինք, որ պեսսիմիստական տրամադրութիւնը Շօպենհաուէրը կրում էր իր կրճքում, դա բնածին էր: Այդ ժառանգական էր, հօր աւած պարզեր:

Արտուրը հէնց մանուկ հասակից շատ մեղամաղձոտ էր: Բացի այդ երևան են գալիս նոյնպէս հիւանդագին գծեր, աննորմալ երևոյթներ: Այդ երևոյթը հայրենական ընտանիքում սովորական է եղիլ: Շօպենհաուէրի հայրը յաճախ ընկնում էր, հօրեղբայրը խելագարուել է, նոյնպէս և տատը: Եւ այդ բոլորի հետքերը և նշանները երևում են Արտուրի մէջ: Հէնց սկզբից նրա մէջ երևան են գալիս հակումն և տրամադրութիւն գէպի ցնորական իդէաները. նրան յաճախ պատկերանում էին վտանգալից, սպառնական պատկերներ, նա տեսնում էր ամեն տեղ վտանգ: Ահա նրա բնատրութեան այս հիւանդագին կողմի արդիւնքն է լինում սարսափի և վախի զգացումը: Նա ամեն կրգմից վտանգ էր սպասում: Նրա այդ հիւանդագին երեակայութիւնը, որը միաժամանակ խիստ վառ էր, հետզհետէ ամբողջ-

ջապէս դերում է նրա էութիւնը: Նրան տանջում էին զանազան երեակայական կրքեր: Նա երազում տեսնում էր գողութիւններ, սպանութիւններ և անհաւատարմութեան դէպքեր: Նրա մէջ զարգանում և ամբանում է կասկածոտութիւնը, մի գիծ, որը երբէք չի բաժանում նրանից: Նա ըսկսեց սարսափել մարդկանցից, նա ամենից շատ վտանգ էր սպասում մարդկանցից: Եւ հէնց սրա անմիջական արգասիքն է նրա մէջ զարգացող այն զգացումը, որ նա դեռ մանուկ հասակից ձգտում է հեռանալ մարդկանցից և կղզիանալ: Սրանից արդէն մի քայլ էր մինչև ատելութիւնը: Եւ նա բսկտում է ատել մարդկանց: Նա նայում էր մարդկանց վրա, որպէս իր թշնամիների վրա: Նա ոչ մի լու բան չէր սպասում մարդկանցից: Նրա մէջ ամբանում է այն համոզումը, որ բոլորը նրա կորուստը, նրա մահն են ուզում: Եւ օր-աւուր, աւելի ու աւելի զարգանում, խորանում և սուր բնոյթ է ըստանում այդ թշնամական տրամադրութիւնը: Նա կորցնում է հաւատը գէպի մարդիկ: Նա վախճում է մարդկանցից, ապրում է միայնութեան մէջ առանձնացած իր խոհերի և որոնումների աշխարհում:

Անհետաքրքրական չի լինի, կարծում

ենք, եթէ յիշատակենք նրա կեանքից մի քանի դէպքեր:—Մի անգամ նրա ծնողները գնում են զբօսնելու և բաւականին ուշանում են: Արտուրը մենակ է մնում տանը: Նա ամբողջ ժամանակ սարսափի մէջ է լինում և նրան թւում է, որ նրա ծնողներն այլ ևս չեն վերադառնալու, և նա միշտ էլ կմնայ միայնակ: Քիչ էր մնացել, որ նա խելագարէր ճնշող դրութիւնից և սարսափելի երկիւղից. ասես այս բոլորը զիտամբ էին մարդիկ որոգայթում նրա կեանքի դէմ:

Նրան այնպէս էր թւում առհասարակ, կարծես թէ նա միշտ էլ թշնամիներով է շրջապատւած, կարծես թէ նրան միշտ էլ և՛ բոլորը, հետեւում են: Ծօպինհաուէրը արդէն 60 տարեկան մարդ էր, երբ մի երեկոյ, երկաթուղու ճանապարհին զբօսնելիս, տեսնում է իր դիմացը մի անծանօթի Ծօպինհաուէրին բռնում է սարսափի երկիւղը և նըրան թւում է, թէ անծանօթը հէնց իր համար, իրեն սպանելու համար է յայտնւել այստեղ: Եւ նա գոռում է. «հեռացէք»:— «Եթէ ես այնպէս վախկոտ լինէի, ինչպիսին դուք էք, վաղուց ինձ ստտանան տարած կլինէր», լինում է անծանօթի պատասխանը: «Ինձ ևս, պատասխանում է Ծօպինհաուէրը, ես ևս վախկոտ չեմ»:

Վախը և սարսափն ամենուրեք հալածում էին Ծօպինհաուէրին, իսկ նա գողում էր մահւան երկիւղի առաջ: Նա փախչում էր այնտեղից, ուր նկատում էր թէկուզ մի աննշան, հազիւ հաւանականութեան բնոյթ կրող վաանգ: 1891 թւի օգոստոսին նա վատ երազ է տեսնում: Նա երազում տեսնում է հօրը և մի մեռած ընկերոջ: Շատ վատ նշան էր դա Ծօպինհաուէրի համար. և հրբ մանաւանդ լսում է, որ խօլերան մօտենում է Բերլինին, նա խկոյն հաւաքում է իրերը և օր առաջ փախչում այդ վայրից:

Վախն այնքան հիւանդագին էր դառել նրա մէջ, որ նրան թւում էր, թէ այդ վտանգը հէնց իր համար է, թէ խօլերան գալիս է յատկապէս նրա կեանքը խլելու: Եւ հէնց դրա համար էլ նա միշտ իրեն պատրաստ էր պահում վտանգի հանդէպ, վտանգից խուսափելու համար: Ծօպինհաուէրը, ինչպէս հազորդում են ժամանակակիցները և մօտիկ մարդիկ, միշտ էլ ունէր բարձի տակին ատրճանակ: Նա ունէր սեփական մըկբատ՝ մագերը խուզելու համար: Նա միշտ էլ հետը ջրաման ունէր հասարակական հիմնարկութիւնների մէջ ջուր խմելու համար: Նա չէր վստահում ոչ վաբսավիրի մկրատին, ոչ էլ ուրիշների ջրամաններին. նա կարող

էր վարակել: Մահեա՛ն ստւերը ամենուրեք հալածում էր նրան: Եւ իզուր չէ, որ նա գառաւ մահու ամենանշանաւոր հետազօտողը: Նա, միւս կողմից, համարում էր մահեա՛ն երկիւղն ամենասարսափելին, իսկ ինքը մահը՝ ամենամեծ չարիքը:

Այսպէս էր ահա Շօպենհաուէրի տրամադրութիւնը, նրա հոգու կազմը: Շատ պարզ է, որ այդպիսի տրամադրութիւնից և հոգեկան գրութիւնից չէր կարող ծագել մի փայլուն, կենսախինդ և լաւատես կենսահայեցողութիւն, այլ կծագէր այն, ինչ կազմում էր Շօպենհաուէրի հոգու հետևողական թելադրութիւնը—յոռետես, կենսամերժ և մռայլ կենսահայեցողութիւն: Այստեղ, անտարակոյս, անհրաժեշտ էր զօրեղ երևակայութիւն, ուժեղ և ընդգրկող հայեացք, խոշոր հոգի, որպէսզի ընդունակ լինէր ձուլելու առանձնակի ապրումները, տպաւորութիւններն ու իրողութիւնները մի ընդհանրացման, մի անբողջական միութեան, կարճ, մի փիլիսօփայական սխտեմի մէջ: Իսկ այդ անհրաժեշտ յատկութիւնն ունէր Շօպենհաուէրը: Նա սովորական միտք՝ չէր և ոչ էլ սովորական տանջւող: Նա չէր լալիս իր վիշտը, մարդու վիշտը, և ոչ էլ ողբում այդ: Նա փիլիսօփայօրէն ուսումնա-

սիրում էր այդ: Եւ շնորհիւ հէնց այդ յատկութիւնների, նա չի ներկայանում մեզ մի սովակեան յոռետես մտածող, որոնց թիւը շատ-շատ է այս կեանքում, այլ նա գուրս է գալիս անհատական ապրումների սահմանից, նա ընդգրկում է բովանդակ իրականութիւնը և իր կենսահայեցողութեանը, իր ապրումներին տալիս է համաշխարհային, համայնապարփակ ընոյթ:

V

Այդ տրամադրութիւնը, աչքի զարնող այդ դժերը ընաւորութիւն են դառնում Շօպենհաուէրի մէջ և ձևակերպում նրա անհատականութիւնը:

Շօպենհաուէրը զարմանալի դիտող հայեացք ունէր: Նրա նայւածքից ոչինչ չէր վրիպում, մանաւանդ մարդկանց յարարութիւնների մէջ: Նա ամեն բանի վրա նայում էր կասկածոտ կերպով, ինչպէս և յոռի, հարւածող և արհամարական հայեացքով: Իսկ այդ ոչ միայն հեռաւորների, այլ և իւրայինների համար անտանելի էր գառնում: Նա ունէր անհաշտ բնաւորութիւն: Նրան անձանօթ էր համակերպելու զգացումը: Նա արտայայտւում էր նամանա-

ւանդ ազատ, առանց քաշելու և որևէ բան թաքցնելու: Իսկ այդ շատերի համար յետ մղող էր և ատելի: Ամենից շատ Արտուրն անտանելի էր իւր մօր համար: Նրանք մի-անգամայն տարրեր բնաւորութիւններ էին: Սկզբում այդ կատարում էր խուլ, ծածուկ կերպով, առանց բացորոշ արտայայտելու, բայց հետզհետէ ստանում է սուր բնաւորութիւն, և վերջիվերջոյ անհնարին է դառնում միասին ապրելը: Այդ արտայայտում է գլխաւորապէս Վայմարում:

Մենք գիտենք արդէն, որ տիկին Շօպենհաուէրը, ամուսնու մահից յետոյ, վերջնականապէս հաստատեց Վայմարում (1805 թ.ին): Այստեղ էր նաև Արտուրը և նրա քոյր Ադէլէն: Արտուրը պատրաստում էր Պասովի մօտ, ապրելով նրա տանը, բաժան իր մօրից:

Տիկին Շօպենհաուէրը հէնց սկզբից, որպէս կենսախինդ և աշխարհիկ կին, ինչպէս և յայտնի գրականագէտուհի, կարողանում է իր շուրջը հաւաքել գրական մեծութիւններին, ինչպիսին էին Գէօթէ, Վիլլանդ, և այլն Նա կազմակերպում է գրական երեկոներ, լինում էին խորհրդակցութիւններ գրական-փիլիսօփայական հարցերի մասին, կարգում իրենց գրամաները և զբը-

ւածքները: Բեղմնաւոր գիշերներ էին, իսկ կապող օղակն էր տիկին Շօպենհաուէրը: Նա իրաւունք ունէր ասելու, «նման շրջան, որպիսին իմ տանն է հաւաքւում, չի եղել անգամ ամբողջ Գերմանիայում»: Նա առհասարակ անօրինակ տաղանդ, ինչպէս և սէր ունէր յարաբերութիւն, կապ հաստատելու գործում: Եւ նա շատ լաւ էր զգում իրեն Վայմարում: Նրան բաւարարելու և զւարճութիւն պատճառելու բոլոր յարմարութիւնները կային: Իրա համար նա ներքին պահանջ ու կարիք ունէր:

Արտուրը նոյնպէս երբեմն մասնակցում էր այդ երեկոներին և յաճախ լինում էր մօր մօտ, իհարկէ, սկզբներում: Նա լուռ էր. և ոչինչ չէր վրիպում նրա հետախուզող հայեացքից մօր յարաբերութիւնների մէջ: Նա կասկածանքով էր նայում ամեն անցած-դարձածի վրա: Արտուրին դուր չէր գալիս մօր թեթևութիւնը և նամանաւանդ չէր կարողանում տանել մօր և Ֆրիդրիխ Գերստենբերգի ինտիմ յարաբերութիւնը:

Արտուրը յաճախ նկատողութիւններ էր անում, նամանաւանդ նկատում էր լուռ հայեացքներով: Իսկ այդ սպանիչ էր մօր համար: Մայրը վերջ ի վերջոյ պարզ-որոշ յայտնում է նրան. «ես հետզհետէ համոզ-

ուում եմ, որ մենք չենք կարող իրար տանել. դա դժւար գործ է»: Նա հրաւիրում է որդուն միայն մասնակցելու երեկոներին միաժամանակ չի մոռանում զգուշացնել, որ խուսափի վէճի բռնելուց: Արտուրը իր կողմից ևս խուսափում է մօր հասարակութիւնից: Միայն Գէօթէի հետ նա մօտիկ ծանօթանում է, թէև բաւականին ուշ, և ուժեղ կերպով ազդուում է մօնիստական տեսակէտից: Գէօթէն կարողանում է հասկանալ և գնահատել երիտասարդ մտածողի տաղանդը ու նրան առաջ է քաշում, իսկ մայրը չէր կարողանում նսխատեսել և գնահատել որդու մէջ տենչացող և անյայտ միտքը, և միայն հալածում էր նրան: Այդ ատելութիւնը գէպի որդին կար հէնց սկզբից: Այս վերաբերմունքը շատերը բացաղբում են նրանով, որ տիկին Ծօպենհաուէրը կապւած չէր իր ամուսնու հետ սիրոյ կապերով և հէնց սկզբից խորթ աչքով էր նայում այդ ծնունդի վրա: Անցնենք: Յամենայն գէպս անդամնալիօրէն և վերջնականապէս վճռուած էր թէ տիկին Ծօպենհաուէրի և թէ Արտուրի համար, որ նրանք անկարող են միասին ապրել: Մէկը միւսի համար տանջանքի ազբիւր էր ներկայացնում: «Մենք երկուսս բոլորովին տարբեր մարդիկ ենք»,

նկատում է Արտուրը մօրը: Եստ ընտրոյ է թէ իրեն և թէ Արտուրի նկարագրի համար տիկին Ծօպենհաուէրի հետեւալ նամակը: «Եւ ազատ շունչ եմ քաշում միայն քո հեռանալուց յետոյ: Քո մշտական մռայլ կերպարանքը, քո տարօրինակ դատողութիւնները և, միւս կողմից, քո յամառ բնաւորութիւնը, որ չես ընդունում ուրիշների առարկութիւնները—այդ բոլորը վանում են ինձ... Իմ «երեկոների» բոլոր օրերին կարող ես ինձ մօտ ընթրել, եթէ միայն դու կարող ես քեզ յետ պահել քո արգահատելի վէճերից, որ բարկացնում է ինձ. եթէ կարող ես, միւս կողմից, թողնել քո մշտական մղկտոցը՝ յիմար աշխարհի և մարդկային աղքատութեան մասին, որովհետեւ այդ բոլորը փչացնում է իմ գիշերները և պատճառում է վատ երազներ, այն ինչ, ևս սիրում եմ լաւ քնել»...

Մօր շատ գիտողութիւններից երևում է, որ Արտուրը շատ էր խառնուում մօր գործերին և յաճախ նկատողութիւններ էր անում: Արտուրը չէր կարողանում, օրինակ, հանդուրժել, որ մայրը անազին փողեր էր շռայլում և ծախսում: Դրամական հարցի շուրջը ևս յաճախակի տարաձայնութիւններ և վէճեր էին առաջանում: Այնպէս որ այդ

բոլորը գալիս էին միմիանց վրա բարդե-
լու և անհնարին դարձնելու նրանց միասին
ապրելը, անգամ ներկայութիւնը:

Արտուրն էլ համոզուեմ է, որ ինքն
այս ուրախ և կենսախինդ հասարակութեան
մէջ մի խանգարող և անհաճոյ հիւր է, քա-
նի որ նա իր «կասկածոտ հայեացքով բոլոր
իրերի ընթացքին էր» հետևում:

Անա 1814 թւին Արտուրը վերջնակա-
նապէս թողնում է Վայմարը, հեռանում մո-
րից և այլ ևս նրա հետ երբէք չի տեսնուում,
թէև նրա մայրը դեռ երկար ժամանակ, ամ-
բողջ 24 տարի, ապրում է: Արտուրն ընդ-
հարում է նաև քրոջ հետ. և այսպիսով
հրաժեշտ է տալիս ամբողջ ընտանիքին:

Եւ նա հեռանում է ու դիմում դէպի
միայնութիւն: Միայնութիւնն է եղել նրա
անբաժան ընկերը:

VI

Շօպենհաուէրը մենակ էր բառիս բուն
նշանակութեամբ: Նա աւելի մենակ էր, քան
Նիցշէն: Օտար էր նրա համար իրեն շրջա-
պատող աշխարհը: Ոչ միայն օտար, այլ և
ատելի: Առհասարակ այս երկու մտածողնե-
րի, Շօպենհաուէրի և Նիցշէի կեանքում շատ

նման գծեր կան: Երկուսն էլ մենակ և ի-
րենց գերազոյն վայելքը տեսնում էին ի-
րենց որոնումների, իրենց հոգին փոթորիող
իդէաների և ճշմարտութեան մէջ:

«Իմ ամբողջ կեանքի ընթացքում ես
ինձ սարսափելի մենակ եմ զգացել և յա-
ճախ սրտի խորքից հառաչել եմ «այժմ կը-
գտնւի ինձ համար մէկը»: Բայց իզուր, ես
միշտ էլ մենակ մնացի»: Այսպէս է գրում
Շօպենհաուէրը: Դրանք խօսքեր են, որոնք
կարելի է ամենայն վստահութեամբ վերա-
դրել նոյնպէս Նիցշէին, առանց նշանախեց
անգամ իրականութեանը հակասելու: Նրանց
հոգու ապրումները շատ նման գծեր ունեն:

Ասենք Շօպենհաուէրը չէր էլ ձգտում
բարեկամներ գտնելու: Նա չէր որոնում, ո-
րովհետև գիտէր, որ չկան այդպիսիները:
Եւ նա կտրում է մարդկանց աշխարհից,
որոնք ատելի էին նրա համար, ինքն էլ
նրանց համար օտար: Պատահել են Շօպեն-
հաուէրի կեանքում շրջաններ, երբ նա ամ-
բողջ ամիսներով չէ տեսել ոչ ոքի և հետե-
ւապէս չէր խօսում մարդու հետ, օրինակ
Ֆրանկֆուրտում: Մի սարսափելի զրու-
թիւն:

Մարդկանց ատողը դառնում է ընա-
կանօրէն նաև կանանց ատող: Նա իր ամ-

բողջ կեանքում չէ ունեցել որևէ բարեկամ կին և ոչ մէկի հետ նա չի ունեցել մօտիկ, չենք ասում, սիրային յարաբերութիւն: Միակ բարեկամ կինը եղել է նրա քոյրը, որի հետ էլ, ինչպէս տեսանք, վերջի վերջոյ ընդհարւեց: Այս տեսակէտից էլ Շօպենհաուէրն աւելի ծայրայեղ էր, քան նրա աշակերտը. Նիցշէն: Սրանք երկուսն էլ իրենց կեանքում չամուսնացան: Շօպենհաուէրի՝ դէպի կանանց ունեցած ատելութեան մէջ քիչ դեր չի խաղացել նրա մայրը: Նա ամեն կնոջ մէջ ասես տեսնում էր մօր հոգին: Նրա աննպաստ տեսակէտը կանանց մասին, ինչ խօսք, ծագում է զլխաւորապէս նրա հիմնական աշխարհայեցողութիւնից: Նա կանանց մասին լայն հայեացք չունէր, աւելի վատ էր, քան Նիցշէի կարծիքը:

Թէ Շօպենհաուէրին և թէ Նիցշէին չէ գրաւել ոչ մի կին: Առաջինի կեանքում միայն, այն էլ խորը ձերութեան ժամանակ, պատահում է մի աննշան դէպք: Դէպքը պատահում է հետևեալ պայմանների մէջ: Այդ միջոցին նա արդէն մօզերն փիլիսօփա էր, հռչակաւոր մտածող: Մի նշանաւոր և հմուտ քանդակագործուհի ցանկութիւն է յայտնում վերցնել փիլիսօփայի մօզերը: Այդ քանդակագործուհին, մի ջանիլ և գեղեցիկ աղ-

ջիկ, յաճախելով Շօպենհաուէրի մօտ, առաջ է բերում վերջինիս մէջ մի «անձանօթ» գէսցում. ձերունի պետսիմիտը հրապուրում է այդ կենսալից, ջանիլ աղջկա՞ թովչութիւնից և առաջացած՝ «անձանօթ դգացումը» նրան մի րօպէ թւում է որպէս մի «անձանօթ երջանկութեան սկիզբ»: Ծերունու էութիւնը մի րօպէ սարսուում, նրա սիրտը բաբախում է հաճելիօրէն, բայց միայն մի րօպէ:

Ահա այս դէպքի առիթով է, որ նրա հակաապիտրոնից շատերը ուզում են հակասութիւն գտնել նրա կեանքի և գիտսիմիտական փիլիսօփայութեան մէջ: Բայց դա այնքան էլ իրաւացի և հիմնաւոր չէ, քանի որ դա, ինչպէս նկատեցինք, չի շարունակւել, և երկրորդ, որ ամենագլխաւորն է, ինչպէս պարզ տեսանք, նրա մանկութիւնը և հասուն տարիքի կեանքը միանգամայն համապատասխան են եղել նրա անհատական հայեցողութեանը և այդտեղ չի կարելի կոպիտ հակասութիւն մատնանշել:

Շօպենհաուէրը վերջիվերջոյ հաստատում է Ֆրանկֆուրտում և զրազում է գիտական աշխատանքով: Նրան չի գրաւում

այլ ևս ոչ մի պաշտօն, ոչ էլ փորձում է պրօֆեսօրութեան ամբիօն ստանալ:

Նա մինչև 50 տարեկան հասակը (1838) ապրում էր հիւրանոցներում. այնտեղ էլ ճաշում էր և ընթրում: Հետաքրքրական է և բնորոշ այն փաստը, որ նա միշտ էլ սենեակ էր վերցնում հիւրանոցի առաջին յարկում: Եւ ինչ՞ուր—Որովհետև նա աւելի հնարաւորութիւն ունէր հրդեհի դէպքում կեանքը վտանգից ազատելու: Ահա նրա գլխաւոր շարժառիթը: Նա սարսափելով մահից, ամեն հնարաւոր միջոցներ նախատեսնում էր նրանից խուսափելու համար: Արդէն այդ մենք տեսել ենք և այլ դէպքերում:

Մինչև այդ թւականը (1838) Շօպենհաուէրը ոչինչ չուներ, կահ-կարասիք, նա միշտ էլ ապրելիս է եղել պատրաստի սենեակում-հիւրանոցում: Միայն այդ թւականից նա ունենում է սեփական իրեր, կահ-կարասիներ: Նա այնպէս է դասաւորում և զարգարում իր սենեակը, որ ամբողջ իրերը իրենց էութեամբ մի գեղեցիկ ներգաշնակութիւն էին կազմում, իրեր, որոնք անմիջական կապ ունէին, սերտ յարաբերութիւն նրա ուսմունքի, նրա յոյզերի և մտորումները հետ, որոնք նրա հոգուց էին խօ-

սում: Գերմանիայի երկու խոշոր մեծութիւնները, Կանտ և Գէօթէ, բռնում էին նրա սենեակում ամենապատուաւոր տեղը: Կանտի նկարը ունէր թէ պատին և թէ ըլլատը սեղանի վրա: Մենեակը զարգարում էր նաև Բուդգայի, այդ պեսսիմիստական կրօնա-բարոյագէտի արձանը, յատուկ իր կողմից պատուիրած, ինչպէս և Դեկարտ և այլն: Բոլորը ծանօթ դէմքեր, նրա հոգուն բարեկամ, և բոլորն ապրողի հետ մի ներգաշնակութիւն էին կազմում: Բոլորն էլ երազող հոգիներ, անյադ, ճշմարտութեան խուզարկուներ:

Ահա այնպէս դասաւորելով իր կեանքը, նա շարունակում է իր գրական աշխատանքը: Այստեղ նա բոլորովն կենտրոնանում է և ունենում է բեղուն գրական աշխատանք: Նա տալիս է այդ շրջանում իր գլուխ-գործոցի՝ յաւելածով ճոխացրած՝ երկրորդ հրատարակութիւնը (1844 թւին): Նա գրում է նաև «Թիկայի երկու հիմնական պրօբլեմները», ինչպէս իր ամենածոզովրդական «Parerga und Paralipomena» Նա անընդհատ գրում է և հրատարակում. նա ուզում է ստիպել մարդկանց, որ կարգան, ուշադրութիւն դարձնեն:

Նրա մտքերն այնպէս էին բղխում,

այնպէս զարգանում, ասես մի ազրիւրից են ծորում: «Սխտեմն այնպէս էր ածում, ինչպէս երեխան մօր արգանդում, ասում է Ծօպենհաուէրը:» Ես չգիտեմ, թէ ինչն ամենից առաջ և ինչն ամենից յետոյ է ըսկիղըն առել, ինչպէս որ երեխայի վերաբերմամբ չգիտենք, թէ արգանդում նրա որ մասն ամենից առաջ և որն ամենից յետոյ առաջացել: Բայց ես տեսնում եմ մի մասը միւսի յետևից: Ես գրի եմ առնում բոլորովին անհոգ կերպով, առանց մտածելու, թէ այս կտորն ամբողջութեանը ինչպէս կյարմարէ: Ես չեմ մտածում, քանի որ ես գիտեմ, այս բոլորը մի էական հիմքից են ծագում»:

Սա յիշեցնում է ամբողջապէս Նիցշէի աֆօրիզմների գրելակերպը: Ծօպենհաուէրը, նման Նիցշէին, գրում էր անմիջական ապրումներից և անմիջական տպաւորութեան տակ. նա լինում էր հարազատ թելագրողը իր տրամադրութիւնների և խոհերի: «Իմ բոլոր մտքերն ես գրի եմ առել թղթի վրա, առանց մտածելու այն մասին, թէ որտեղ նրանց տեղաւորել, չէ՞ որ բոլոր շառաւիղները, գուրս գալով շրջագծից, միանում են մի կենտրոնում: Եւ այդ բոլոր մտքերը գրւած են գիտողութեան անմիջական տպա-

ւորութեան տակ»: Այսպէս է մի այլ տեղ արտայայտում Ծօպենհաուէրը: Այդպէս էր նաև Նիցշէն: Նրա ամեն մի հանձարեղ միտքը, նրա ամեն մի իմաստալից աֆօրիզմը մի ապրումի, մի անմիջական դիտողութեան արգիւնք է: Եւ նա գրի էր առնում, ուր լինում էր, և՛ լեռների ծերպերին թափառելիս, և՛ ծովի ափին խորհելիս, և՛ զրօսնելիս... Բայց այդ բոլորը ներգաշնակօրէն միանում են մի ամբողջական սխտեմի մէջ, մի հիմնական կենսահայեցողութեան շուրջը: Այդպէս էլ Ծօպենհաուէրի մօտ: Նրա ուսմունքը, յիշուի, մի ամբողջութիւն ունի, նրա մտքերը մի կենտրոնական և հիմնական աշխարհայեցողութիւնից են սկիզբն առնում, մի կիզակէտի շուրջը համախմբում: Եւ ուրիշ կերպ էլ չէր կարող լինել, քանի որ նրա ամեն մի խոհը, ամեն մի միտքը կազմում էր նրա էութիւնը, նրա հոգու մի մասը: Եւ նա ազգում է: «Ծօպենհաուէրը տպաւորութիւն է թողնում, նկատում է Նիցշէն, որովհետեւ նա տպաւորութեան համար չի գրում. նա գրում է, որովհետեւ պահանջ է զգում գրելու»:

Փրանկֆուրտում, ինչպէս նկատեցինք, Ծօպենհաուէրը ձեռնարկում է մի բեղմնաւոր և ստեղծագործական աշխատանքի: Ծօ-

սկենհատէքը իրեն շատ լաւ էր զգում: Եւ
երբ մի գարնանային օր, իր սովորական
զբօսանքից Շօպենհատէքը վերադառնում
էր՝ բեռնաւորւած թարմ ծաղիկներով, տան-
տիկինը գիմաւորում է նրան և ասում.
«Պարոն Դօկտօր, զուք ծաղիկի էք»: — «Իհար-
կէ, պատասխանում է նա, ծառերը պէտք
է ծաղիկն, երբ ուզում են պտուղ բերել»:
Շօպենհատէքի այլաբանական պատասխանի
իմաստն աւելի քան պարզ էր: Նրա ծաղի-
ման, արգասաւորման շրջանն էր, նա ու-
զում էր պտուղ տալ: Եւ նա տեսց:

VIII

Շօպենհատէքը երկար ժամանակ անձանօթ
մնաց. նրան չէին կարգում, նրա վրա ու-
շաղրութիւն չէին դարձնում: Նրա զուխ-
գործոցի, «Աշխարհը, որպէս կամք և պատ-
կերացում»-ի առաջին հրատարակութիւնը
միանգամայն անուշադրութեան մատնեց:
Գրեթէ ոչ մէկին յուզում և մտքերին լա-
րում չպատճառեց: Կարծես որ և ըսն չէր
զրւել, այն ինչ հեղինակն այն համոզմանն
էր, որ նա իր այդ գրւածքով նոր բան է
ասում, մի նոր գիծ մտցնում փիլիսօփայու-
թեան մէջ, և հետևապէս չպէտք է այնպիսի

անտարբերութեամբ և լռութեամբ ընդուն-
ւէր ժողովրդի, գոնէ գիտական-փիլիսօփայ-
ական աշխարհի կողմից: Ամբողջ 5 տարի
անցնում է գրքի հրատարակումից և ոչ ոք
չի խօսում նրա մասին: Այս հանգամանքը
զօրեղ կերպով ազգում է նրա տխուր և
յոռի տրամադրութեան վրա: Միայն 1823
թւին երևում են երկու քննադատականեր
Շօպենհատէքի գրքի մասին: Այդ քննադա-
տականները պատկանում էին ժամանակա-
կից յայտնի երկու մտածող-փիլիսօփաների
գրչին, Բենեկէի և Հերբարտի: Երկու քն-
նադատականներն էլ ընդհանրապէս ան-
նպաստ էին: Շօպենհատէքը խորապէս զայ-
րանում է այդ առիթով և լարւում նրանց
դէմ: Նա զայրացած էր նամանաւանդ իր
առաջին քննադատի, Բենեկէի դէմ, որով-
հետև վերջինս Շօպենհատէքի «մտքերը,
գրութիւնները դիտաւորեալ կերպով և չա-
րամտօրէն աղաւաղել էր և փաստերը խե-
ղաթիւրել»: Ահա այդ օրւանից, այդ նշա-
նաւոր դէպքից յետոյ Շօպենհատէքը խո-
րունկ ատելութեամբ լցւում է դէպի առհա-
սարակ ըողոր փիլիսօփա-պրօֆէսօրները (նը-
բանք երկուսն էլ փիլիսօփայութեան պրօ-
ֆէսօրներ էին): Այդ ատելութիւնը ստա-
նում է անգամ հիւանդոտ բնոյթ:

Այդ ամենութիւնը սկսել էր դեռ վաղուց, 1819 թւից, թէև ոչ ուժեղ կերպով: Ծօպենհաուէրը 1819 թւին դօցենա էր Բերլինում և դասախօսում էր «Աշխարհի էութեան ուսմունքի և մարդկային հոգու մասին»: Նա բացարձակ անյաջողութեան հանդիպեց: Նա լսողներ չունէր: Ինչքան: Այդ ժամանակ սպեկուլատիվ-իդէալիստական փիլիսոփայութիւնն էր տօնում իր յաղթանակը: Հեգելն էր իրականութեան տէրը: Հեգելն էր կազմում այդ ժամանակէս բերլինեան համալսարանի կենտրոնական անձնաւորութիւնը. նրա շուրջն էր խմբւած ժամանակակից ուսանող երիտասարդութիւնը: Այնպէս որ Ծօպենհաուէրի դասախօսութիւնն սչ մէկի ուշադրութիւնը չգրաւեց իր վրա և ուսանողներից ոչ ոք չգրեց: Այսպէս անցաւ առաջին սեմեստրը, նոյնը շարունակեց նաև երկրորդ սեմեստրում և այլն: Մի շատ անյարմար զուգահիշութիւն ևս գալիս էր իր հերթին նպաստելու նրա անյաջողութեանը: Ծօպենհաուէրի և Հեգելի դասախօսութիւնները նոյն ժամերին էին ընկել: Իսկ Ծօպենհաուէրի ինքնասիրութիւնը թոյլ չէր տալիս, որ իր դասախօսութեան ժամերը փոխէ: Ծօպենհաուէրն եղել է ոչ միայն խիստ ինքնասէր, այլ

մինչ իսկ բժայնդիր և խիստ եսասէր: Ծօպենհաուէրը թողնում է միանգամ ընդմիշտ պրօֆէսորութիւնը և այլ ևս երբէք չի փորձում:

Մի կողմից դրքերի, միւս կողմից պրօֆէսորական անյաջողութիւնը, պէտք է ասել, շատ ազդում են նրա հոգու վրա: Մանաւանդ եթէ ինկատի ունենանք նրա բնաւորութեան այն զիծը, որ աւելասարակ մեծ նշանակութիւն էր աւելիս ժողովրդի ընթերցողների ծափերին: Նա սիրում էր փառք. նա ուզում էր լինել գեղարեստագէտ և անմահ: Նա սիրում էր անգամ շողորթութիւն: Եւ այդ բոլորը, և՛ ուսանողների սպանիչ անտարբերութիւնը, և՛ ընթերցողների անուշադրութիւնը, և՛ գիտական-փիլիսոփայական աշխարհի բացասական վերաբերմունքը, նրան մտատանջութիւն էին պատճառում և աւելի ևս դառնացնում նրա կեանքը, փչացնում նրա տրամադրութիւնը և լցնում հոգին ցասումով և առելութեամբ դէպի մարդկութիւնը:

IX

Այսպէս աննախանձի և սպանիչ էր իրականութիւնը Ծօպենհաուէրի համար:

Այդպէս էր նաև Նիցշէի համար: Երկու մը-
տածողների ճակատագրի զարմանալի նմա-
նութիւն: Բայց ինչպէս այդ գրութիւնը
Նիցշէի համար կործանարար նշանակու-
թիւն չի ունենում, այնպէս էլ Ծօպինհաու-
էրի համար: Նրա մէջ դեռ շատ վառ էր և
հաստատուն մի բան, որը շատ մեծ արժէք
ունի, նամանաւանդ անհատական առաջա-
դիմութեան համար: Դա հաւատն է դէպի
իրեն: Նա հաւատում էր միաժամանակ, ան-
գամ խորը համոզւած, որ իր գրածքներն
ունեն արժանիք, և նրանք պէտք է կար-
դացւեն, պէտք է գնահատւեն: Եւ նա ըս-
տիպում է, որ գիտական աշխարհը զրադի-
իբենով և կարգայ: Հէնց այդ նպատակով
նա ձեռնարկում է 1844 թւին իր գլուխ-
գործոցի երկրորդ լրիւ հրատարակութեանը՝
յաւելւածով ճոխացրած:

Եւ յիրաւի, կարճ ժամանակից յետոյ,
Ծօպինհաուէրը դառնում է հետաքրքրու-
թեան, լուրջ և բուսը հետաքրքրութեան
առարկայ: Թէև նա արդէն քսանական թւա-
կաններին էր մտել գրական ասպարէզը և
նրա գլուխ-գործոցի առաջին հրատարակու-
թիւնը լոյս էր տեսել 1818 թւին, բայց նա
ուշադրութեան է արժանանում շատ ուշ,
միմիայն 1850 թւականին: Ուրեմն, նա այդ

տեսակէտից աւելի վատթար դրութեան մէջ
է եղել, քան նրա վիճակակից աշակերտը,
Նիցշէն: Եւ այն խօսքերը, որոնցով Ծօպին-
հաուէրը բնորոշում է իր կեանքը, կարելի
է վստահօրէն վերագրել Նիցշէին: Ծօպին-
հաուէրը կրկնում է Շէքսպիրի խօսքը— «Իմ
կեանքի վերջալոյսը լինելու է իմ վառքի
արշալոյսը»:

Եւ իսկապէս. Ծօպինհաուէրն այդ ժա-
մանակ արդէն ծերութեան հասակումն էր,
62 տարեկան: Նա գրանից յետոյ ապրում է
միմիայն 10 տարի, շատ կարճ ժամանակ և
նա իրաւունք ունէր ասելու Շէքսպիրի
խօսքերի հետ միասին նաև հետևեալ խօս-
քերը— «Ծերութիւնն ինձ վարդեր բերեց,
բայց միայն սպիտակ վարդեր»:

Այն դերը, ինչ խղացել է Գէորգ Բը-
րանդէսը Նիցշէի վերաբերմամբ, ճիշտ նոյն-
պիսի դեր խղացել է Փրաուենշտետը Ծօ-
պինհաուէրի վերաբերմամբ: Փրաուենշտե-
տըն է առաջին անգամ գրում Ծօպինհաուէրի
փիլիսոփայութեան մասին և հրաւիրում
ընթերցողների ու գիտական աշխարհի ու-
շադրութիւնը: Նրա աշխատութիւնը թէև
կրում է «Նամակներ Ծօպինհաուէրի փիլի-
սոփայութեան մասին» խորագիրը, բայց
զա իսկապէս մի գիտական լուրջ ուսում-

նասիրութիւն էր: Այդ գիրքը ամենից շատ հաճոյք է պատճառում հէնց իրեն, Ծօպենհաուէրին: Այդ աշխատութիւնն է, որ առիթ է տւել Ծօպենհաուէրին հրձեանքով բացահանչելու. «բրաւիսիմօ՞ կարգացի ձեր գիրքը երկու անգամ անսահման հաճոյքով»:

Իրանից յետոյ Ծօպենհաուէրը դառնում է արդէն ուսումնասիրութեան նիւթ. շուտով գիտական-փիլիսոփայական աշխարհըն կս արժանի ուշադրութիւն է դարձնում անւանի գրողի և պետսիմիզմի փիլիսոփայի վրա: Նա շատերին է ազդում, անգամ խորապէս ազդում, և նրա հանձարեղ միտքն աւելի ու աւելի երևան գալիս և ակնյայտ դառնում: Հետեորդները շարքը օր-աւուր խտանում է, ստեղծւում է Ծօպենհաուէրական դպրոց. նա ունենում է այնպիսի հետեորդներ, ինչպիսին են Հարաման, Նիցշէ և այլն: Տօլստօն ևս խորապէս ազդել է Ծօպենհաուէրից, և վերջինիս ազդեցութիւնը Տօլստօյի բարոյագիտական-փիլիսոփայական ուսմունքի մէջ աւելի քան պարզ է: Նա միայն Ծօպենհաուէրի տիեզերական կամքի տեղ գնում է սէրը, որպէս բոլոր իրերի և բովանդակ աշխարհի մետաֆիզիկական հիմք:

Անն ինչ է գրում Տօլստօյը մեր փի-

լիսփայի մասին, երբ նա առաջին անգամ կարդում է նրա գլուխ-գործոցը: «Անփոխարինելի հիացմունքը գերեց ինձ Ծօպենհաուէրի գրւածքը կարգալիս և ևս ստացայ այդ ընթերցման շնորհիւ այնպիսի հաճոյք, որի նմանը մինչև այժմ չէի ստացել: Չըզիտեմ, կիւրաւի՞ երբեք եմ կարծիքը նրա մասին, յամենայն դէպս, ներկայումս իմ կարծիքով Ծօպենհաուէրն ամենահանձարեղ մարդն է աշխարհում»:

Վաթսունական, եօթանասնական թրւականներին Ծօպենհաուէրը դառնում է արդէն մօղերն փիլիսոփա, գրաւիչ դէմք և ժողովրդական գրող: Նրա հոչակը տարածւում է ամենուրեք, բոլոր կուլտուրական երկրներում, դառնալով միաժամանակ համալսարաններում դասախօսութեան նիւթ: Բրեսլաւի համալսարանն առաջինն է լինում, որ թեմա է դարձնում Ծօպենհաուէրի փիլիսոփայութիւնը:

X

Ծօպենհաուէրը հասաւ իր ցանկացած փառքին արդէն կենդան ժամանակ: Նրա տրամադրութիւնը բաւականին բարձրացել էր: Պետեմիստական դիժը այլ ևս այնպէս

ուժեղութեամբ չէր արտայայտուում: Դեռ ա-
ւելին. յոռետես արամադրութիւնը զգալիօ-
րէն մեղմացել, թուլացել էր:

Շօպենհաուէրն ունէր սրտի թրթիւս,
մի հիւանդութիւն, որ ժառանգական բնոյթ
էր կրում: Այդ հիւանդութիւնը նկատելի
էր նաև մանուկ հասակում, բայց յետոյ ան-
հետացել էր: 1857 թւին սրտի թրթուոցը
պատճառ է լինում ուշագնացութեան: Բայց
այդ դէպքից յետոյ նման երևոյթ չի կրկն-
ւում, թէև լինում են թեթև ցնցումներ կրճ-
քում: Նա իրեն գեռ առոյգ և զւարթ էր
զգում: Նա գեռ կարողանում էր կատարել
իր ամենօրեա գրօսանքը: 1860 թւին նո-
րոզում է նրա սրտի հիւանդութիւնը և ցըն-
ցումները կրկնւում են յաճախակի: Հիւան-
դութիւնն ստանում է լուրջ բնաւորութիւն,
այնքան լուրջ, որ նա այլ ևս հնարաւորու-
թիւն չի ունենում իր ամենօրեա շրջադա-
րութիւնը կատարել և մանաւանդ իր սովոր-
ութեան համաձայն արագ-արագ քայլել:
Շնչառութիւնը արգելում էր և ցաւ պատ-
ճառում: Օր-աւուր նա ուժասպառ է լինում,
սիրտը դանդաղ գործում: Գրեթէ խլանում
է նոյնպէս նրա մի ախանջը: Եւ 1860 թւին,
սեպտեմբերի 21-ին, առանց հիւանդ պար-
կելու, սրտի բարախումը հեղհեղէ թու-

լանում և թեթև կաթւածով մեռնում է: Նա
մեռնում է իր սենեակում, ընկած գիւանի
վրա: Մեռնում է շատ համալստ, նա, որն իր
ամբողջ կեանքում դողում էր մահւան եր-
կնդի առաջ, անգամ սարսափով էր յիշում
նրա անունը:

Երբ նրան հարցնում են նրա բարե-
կամները, թէ նա ո՞ւր է ուզում թաղուել, նա
հանգիստ պատասխանում է. «այդ բոլորո-
վին միևնոյն է, ինձ կգտնեն»:

Շօպենհաուէրը թողել էր կտակ: Նա,
ինչպէս գիտենք, չունէր ոչ մի ազգական,
որին ուզենար կտակել իր հարուստ և գը-
նահատելի սեփականութիւնը — գրւածքնե-
րը: Նա իր ամբողջ ստացւածքը կտակում
է իր բարեկամ-գրականագէտներին: Ֆրա-
ուենշտետի համար սահմանւած էր ամենա-
մեծ բաժինը, որին, ինչպէս գիտենք, Շո-
պենհաուէրն իրեն շատ երախտապարտ էր
զգում: Ֆրաուենշտետին էր կտակել բոլոր
տպագրւած և ձեռագիր գրւածքները, ինչ-
պէս և տպւած գրքերի ձեռագիր օրինակ-
ները: Իսկ մի այլ գրագէտի, Լիդներին կը-
տակել էր իր հարուստ գրագորանը:

Իսկ փոքր: Շօպենհաուէրի մօտիկնե-
րին քաջ յայտնի էր, որ նա գրամ ունէր:
Այդ մասին նա յիշատակած ունէր կտակի

մէջ ծածկագրերով՝ լատիներէն տառերով: Նա
եղի է առհասարակ շատ փողատէր: Նա շատ
ապահով տեղ էր պահում իր դրամը: Նւ ե-
թէ նշանակած չլինէր կտակի մէջ՝ փողի
ուր պահած լինելը, ոչ մէկի մտքով չէր
անցնի նման տեղերում որոնել:
Այժմ Ֆրանկֆուրտում կանգնած է Շօպին-
հաուէրի արձանը:

ՇՕՊԵՆՀԱՌԻԷՐԻ

ՊԵՍՄԻՄԻՍՏԱԿԱՆ ՓԻԼԻՍՕՓԱՅՈՒԹԻԻՆԸ

Թէ բոլոր փիլիսոփայութիւններից ^{նրը}
կմնայ—ես այդ չգիտեմ: Բայց ինքը
փիլիսոփայութիւնը յուէտ կմնայ:
Շիլլեր.

I. ՆԵՐԱԾՈՒԹԻՒՆ.

ԿԵՆՍԱՀԱՅԵՑՈՂՈՒԹԻՒՆ.

1

Շօպենհաուէրը ժխտեց կեանքի, մեր գոյութեան արժէքը և դառաւ պեսսիմիզմի փրկիսօփան:

Այս արդէն մեզ յայտնի է մեր աշխատութեան առաջին մասից, ուր մենք աւինք նրա կեանքի բնորոշ և էական գծերը: Անտարակուսելի է նաև այն, որ նրա պեսսիմիստական փրկիսօփայութիւնը կեանքի մասին արդիւնք է մի կողմից, և՛ գլխաւորապէս, փրկիսօփայի անձնաւորութեան և, միւս կողմից, շրջապատող պայմաններէ: Այս հարցին մենք յետոյ էլի կ'վերադառնանք:

Այժմ մեզ մնում է տալ նրա պեսսիմիզմի վերլուծումը, որով միանգամայն կը ամբողջանայ նրա հոգու և անձնաւորութեան նկարագիրը: Բայց նախքան այդ, մենք կարևոր ենք համարում մի նախապատրաստա-

կան աշխատանք կատարել: Այս աշխատանքը, որը կրում է զուտ տեսական բնույթ, անմիջական կապ ունի թէ այս և թէ մեր այլ գրեածքների հետ: Դրանով մենք աւելի պայծառ և յստակ գաղափար կունենանք մեզ զբաղեցնող հայեցողութեան, առհասարակ փիլիսոփայութեան, հետեապէս նրա բովանդակութեան, նրա խնդրի և կապերի մասին:

II

Ո՞րն է կենսահայեցողութեան բնորոշ կողմը, նրա առարկան և նրա սահմանները: Դա նախ մի հայեցողութիւն, մի փիլիսոփայութիւն է կեանքի մասին, առհասարակ ապրումների, անհատական և սօցիալական ապրումների մասին: Ուրեմն, կենսահայեցողութիւնը կարող է ունենալ անհատական և սօցիալական բնույթ: Կենսահայեցողութիւնն ունի, հետեապէս, իր որոշ շրջանը, իր ուրոյն առարկան: Դա կեանքն է, սօցիալական կամ անհատական: Նա կազմում է իրականութեան մի առանձին բնագաւառը: Դա կամեցողութեան և զգացումի բնագաւառն է: Միտք և հոգի ընդգրկող մարդը երևան է գալիս թէ որպէս իմացող և թէ

զգացող-կամեցող: Իմացական մարդը բոլորովին այլ է իր էութեամբ, քան զգացող-կամեցող մարդը: Իմացութեան և զգացումի-կամեցողութեան բնագաւառները միանգամայն իրարից տարբերում են: Իմացութեան սահմանում առարկաները և երևոյթներն այլ են, քան զգացմունքի և կամքի:

Իմացական մարդը ուսումնասիրում է իրերն և երևոյթները, ինչպէս նրանք կան, զուրս բերելով նրանց ընդհանուր օրէնքները և գաղափարները. կարճ, նա ձեռք է բերում ընդհանուր ճանաչողութիւն: Այս սահմանում ձեռք բերած բոլոր գաղափարները բացառապէս ճանաչողութեան գաղափարներ են: Իմացութեան սահմանում բոլորովին այլ է նաև հետազօտութեան մեթօղը: Մտքի այս բնագաւառում շեշտած և որոշիչ դերը պատկանում է հասկացողութեանը, և այստեղ հետազօտելիք երևոյթները չեն ապրում և ունեն միմիայն տեսական նշանակութիւն: Այստեղ կիրառում է զուտ զիտական մեթօղը: Մի խօսքով, դա իրականութեան այն մասն է, որն ըմբռնում է իմացութեան, ճանաչողութեան միջոցով:

Բայց ընդգրկող իրականութիւնը չի գառնում միայն սոսկական ճանաչողութեան օրիելտ, միայն զիտնալու դիտաւորու-

թեամբ. նա դառնում է նաև զգացումի և կամքի օրինակաւ: Իրական աշխարհը մենք միայն չենք ճանաչում, դիտում, գիտական անալիզի ենթարկում: Այդ աշխարհը, միև կողմից, նաև ազդում է մեզ վրա. մենք ապրում ենք այն: Դա դառնում է նաև մեր հոգու բազմազան ապրումների աշխարհը: Այդ բնագաւառը մեր մէջ առաջ է բերում ապրումների ամբողջ շարք—կիրք, ատելութիւն, համակրանք, սէր, տենչանք, և այլն—դա հոգեկան կեանքի բնագաւառն է:

Իացի այդ. մենք ոչ միայն ազգւում, զգում, յուզում, այլ և կամենում ենք: Մենք գնահատում ենք այդ իրականութիւնը, նրա մասնակի երևոյթները, յարաբերութիւնները: Եւ գնահատելով կեանքի երևոյթներն ու յարաբերութիւնները, մենք որոշում ենք նրանց արժէքը: Դա իրականութեան արժէքաւորումն է: Իսկ իրերի և երևոյթների զընահատումով և արժէքաւորումով ընդդէմում է այն ուղին, որով առաջնորդելու է կամքը: Գնահատելով մի իր կամ երևոյթ, այդ նշանակում է ընդունել կամ բացասել նրա արժէքը, իսկ այդ աշխատանքը ցոյց է տալիս ինքնին, որ մենք մի բանի ձգտում ենք, նրան, ինչի տեսակէտով մենք գնահատում ենք երևոյթը կամ իրը: Ուրիմն,

այդ երկու գործելակերպերը մի կէտի եւս հանդում—մի կողմից մենք գնահատում ենք, միև կողմից էլ ընտրութիւն անում, կամենում ենք դրանցից որոշ շարքը, իսկ կամենալով այդ, մենք ձգտում ենք հասնել դրան և իրականացնել այն: Դա ցանկալին է մեզ համար: Նա դառնում է մեզ համար նպատակ: Եւ բոլոր նպատակները կամեցողութեան կամ, ուրիշ խօսք, արժէքաւորման արդիւնք են: Ահա երևոյթների այդ արժէքաւորման բնագաւառում տեսական վերաբերմունքը կական դեր չի խաղում, այլ գլխաւորապէս, եթէ չասենք բացառապէս, զգացմունքի և կամքի դերն է շեշտում: Այդ բնագաւառում, արժէքաւորման սֆերայում անպայման դեր են խաղում զգացմունքային և կամային տարրերը՝ միացած գաւառութեան հետ: Եթէ մենք ընդունում ենք մի իր, մի առարկայ գեղեցիկ, օրինակ, ասում ենք, «ծովը ալեկոծութեան միջոցին վեհօրէն գեղեցիկ է և զբաւիչ»: Սա մի սոսկական գաւառութիւն չէ, այլ աւելին: Այստեղ մենք կատարում ենք մի գեղադիտական գնահատում, իսկ այդ գնահատման մէջ վճռական և որոշիչ դեր է խաղում զգացումը—գեղադիտական զգացումը, դա մի զգացումային ազդում է: Կամ եթէ

Կենսափիլիսոփայի հետազոտութեան թեման է ինքը կեանքը, այն կեանքը, որը ներկայացնում է մարդու բազմապիսի և բազմախորհուրդ ապրումների գումարը— զգացումային, բարոյական, զեղազիտական, ինչպէս և անհատական և սօցիալական: Կենսափիլիսոփայն գնահատում է այդ կեանքը, և գնահատելով այն՝ նրան իմաստ և խորհուրդ է տալիս: Այդ աշխատանքով նա յայտնագործում է արժէքներ, նա գնում է մի գերագոյն, մի իդէալ մարդկութեան համար: Նա ուզում է դաստիարակել մարդկութիւնը, մղելով նրան դէպի իր յայտնագործած իդէալը: Ահա այդպիսին է, և խիստ գրաւիչ, կենսափիլիսոփայի աշխատանքը, նրա միասեան: Եւ այդպիսի դէմքերը շատ աւելի լայն մասսաների համար մատչելի են դառնում և միևնոյն ժամանակ շատ աւելի ժողովրդական, քան իմացաբանները և մետաֆիզիկները: Կենսափիլիսոփաները մարդկութեան ամենամեծ դաստիարակներն են, մարդկային հոգու առաջնորդները: Բոլոր խոշոր բարոյագէտները ներկայանում են մի մի դաստիարակ և առաջնորդ մարդկութեան համար: Այդ ցոյց է տալիս և փիլիսոփայութեան պատմութիւնը: Մի էպիկտետ, մի Պլատոն, մի էպի-

կուրեան, մի ստօիկեան— զրանք բոլորն էլ տալիս են կեանքի արժէքաւորումը, գլխաւորապէս էթիքական արժէքաւորումը, և այդպիսով գալիս են նոր իդէալներով դաստիարակելու մարդկութիւնը: Կեանքին տալիս են նոր խորհուրդ և իմաստ:

Մեր միտքը աւելի թանձրացնելու և աւելի ցայտուն դարձնելու համար, վերցնենք երկու խոշոր մտածողներ, մէկը հին և միւսը ժամանակակից աշխարհից—Սօկրատ և Տօլստոյ: Մրանք երկուսն էլ գնահատում են կեանքը, նրանք չեն իմացաբանում, ուրիշ խօսքերով, նրանք չեն դեկլարում տեսական բանականութեամբ, նրանք արժէքաւորում են, նրանք զեկլավարում են գործնական բանականութեամբ: Նրանք երկուսն էլ գնահատում են իրականութիւնը և արժէք ու իմաստ են տալիս նրան: Նրանք յայտնագործում են արժէքներ, իդէալներ, սրտնց պէտք է հետեւէ մարդկութիւնը: Մրանց երկուսին էլ զբաղեցնում են արժէքների պօրելէմները, գերագոյնի, կարճ, երջանկութեան հարցը: Սօկրատը, որպէս երջանկութիւն, ընդունում է իմացութիւնը: Սա նրա գերագոյնն է: Առաքինութիւն և իմացութիւն նոյնանում են Սօկրատի կենսահայեցողութեան մէջ: Եւ նա

իր այդ արժեքաւորման տեսակէտով ուզում է փոխել կեանքը, ուզում է զարկ տալ կեանքի բաձրացման: Նա չի դառնում միայն գիտական մարդ, այլ աւելի բարոյագէտ, դաստիարակ: Նա գալիս է սերունդներ դաստիարակելու: Նա քարոզում, ուսուցանում էր այն, ինչ ապրում էր կամ, ընդհակառակը, ինչ ապրում էր, այն էլ նա քարոզում էր: Նրա անհատական ապրումները և վարդապետութիւնը գերազանցօրէն ներդաշնակում են, չգտնւելով երբէք հակասութեան մէջ:

Նոյնն է Տօլստոյը, մեր օրերի ամենամեծ բարոյագէտը: Կեանք, կեանք և կեանք. ահա ինչ է քարոզում նա: Դա միևնոյն ժամանակ նրա գերագոյնն է: Բայց ի՞նչ է կեանքը: Կեանքը—սէր է, սէրը—կեանք: Աստուած ինքը սէրն է: Եւ Աստուած ամեն մէկի մէջն է: Պէտք է այդ Աստուածութեանը, Սէրը հասցնել ամենաբարձր կատարելութեան մեր մէջ: Այսպիսով պիտո՞ւնք — բարոյագէտ, ինչպէս և փիլիսոփա Տօլստոյը ևս գնահատում է կեանքը և նոր արժէք յայտնագործում, նոր իմաստ տալիս կեանքին: Նրա հայեցողութիւնը ամբողջապէս կենսահայեցողութիւնն է, նրա պրօբլէմները արժէքի պրօբլէմներ: Եւ նա

դառնում է միաժամանակ մարդկութեան դաստիարակ: Նա ևս, Սօկրատի նման, մարմնացնում է իր անձնաւորութեամբ իր բովանդակ բարոյագիտական վարդապետութիւնը: Թէ Սօկրատի և թէ Տօլստոյի մէջ խօսողը իմացական մարդը չէ, այլ գնահատող-գագող և տենչացող-կամեցող մարդր: Սրանք երկուսն էլ, թէ Սօկրատը և թէ Տօլստոյ, առաջնորդում են գործնական և ոչ տեսական բանականութեամբ: Նրանք երկուսն էլ յայտնագործում են արժէքներ, իսկ արժէքները գնահատման արդիւնք են և ոչ ճանաչողութեան, արժէքների կամքի զաղափարներ են և ոչ փաստական: Սա կաղմում է երկու մտածողների համար ընդհանուր գիծ:

Կենսափիլիսոփայական կամ կենսահայեցողութեան բնոյթ է կրում ամեն մի բարոյագէտ-դաստիարակի և կրօնագէտի հայեցողութիւնը: Ահա Քրիստոսի վարդապետութիւնը: Դա մի կենսահայեցողական սխտեմ է, միայն աւելի խորն, աւելի վիճ, հակահական և զարեւր ընդգրկող, քան առաջինները: Քրիստոսին ևս զբաղեցնում են արժէքների պրօբլէմները: Այդպէս են նոյնպէս Բուդդա, Կօնֆուցիոս, Մահմէդ, որոնք ներկայանում են որպէս մարդկութեան

մեծ դաստիարակները, ամենամեծ կրօնա-
բարոյագէտները: Սրանք բոլորն էլ գնա-
հատելով կեանքը, տալիս են նոր արժէք,
նոր իմաստ և ահագին սերունդներ իրենց
եակից քսշ տալիս և դաստիարակում:
Նրանց հոգին ընդգրկում է կեանքը իր ամ-
բողջութեան մէջ, մանաւանդ էթիքական
կեանքը, և յենւելով ապրումների ընդ-
հանուր սկզբումների վրա, տալիս է նրանց
այն կերպարանաւորող ձեւը, որ կոչւում է
կենսափիլիսոփայութիւն: Նրանք չեն իմա-
ցարանում, այլ զգում, գնահատում և կա-
մենում: Նրանք իմացարանական տեսակէ-
տից տիտաններ չեն, բայց նրանք հոգու և
զգացմունքի հսկաներ են: Մեծ և ընդգր-
կող հոգիներ, որոնք գիտեն խորապէս
զգալ, ապրել և վեհօրէն տենչալ, կամենալ.
կամենալ նոր կացութիւն, նոր աշխարհ՝
նոր արժէքներով, նոր էթիքական նոր-
մերով:

Նրանք մարդկութեան դաստիարակ-
ներն են: Եւ իզուր չէ, որ փիլիսոփայու-
թեան և կրօնների պատմութեան մէջ յայտ-
նի բոլոր կրօնագէտ-բարոյագէտները միա-
ժամանակ մարդկութեան մեծ դաստիարակ-
ներն են:

Մարդկութեան այդ գրաւիչ դէմքերի

շարքին է պատկանում նոյնպէս մի Շէքս-
պիր, մի Բայրօն, մի Նիցշէ, մի Դոստո-
ևսկի ևլն: Սրանց և առաջինների միջև կա-
րող է միայն զգացմունքի, ըմբռնումի և
հզօրութեան տարբերութիւն լինել: Սրանք
բոլորն էլ անխտիր կենսափիլիսոփաներ են,
նրանց բոլորի ուսմումնքն էլ կենսահայե-
թիւն է: Կեանքի, մեր գոյութեան արժէ-
քաւորումն է նրանց բոլորի ընդհանուր և
առանձնայատուկ կողմը: Իսկ թէ ինչպիսի
արժէքաւորում են տալիս, դա արդէն այն
այլ հարց է, որով իսկոյն կզբաղւենք:

IV

Բայց կեանքը, անհատական և սոցիա-
լական, բոլորի համար միևնոյն արժէքը,
միևնոյն իմաստը չունի: Կեանքի գնահա-
տումը չի կատարւում և միևնոյն տեսակէ-
տով: Այդ արժէքաւորման մէջ դեր են խա-
ղում մի շարք հոգեբանական շարժառիթ-
ներ. դա արդիւնք է այն բանի, թէ մարդ
ինչպէս է հասկանում և ըմբռնում կեանքը,
ինչ ակնկալութիւններ ունի, ինչն է նրա
գերագոյնը, նրա գոյութեան իմաստը: Բո-
լոր կենսափիլիսոփաները, մի բարոյագէտ,
մի կրօնագէտ, մի սոցիալ-փիլիսոփա, մի լի-

րիկ-փիլիսոփա, գնահատելով կեանքը, մի-
 կնոյն արժէքը, միեկնոյն իմաստը չի տալիս
 նրան: Նրանց կենսափիլիսոփայութեան կամ
 կենսահայեցողութեան բնոյթը պայմանա-
 ւորւում է իրենց դրած վախճանական գե-
 րագոյնով:

Ի՞նչ է կեանքը, մեր դոյութիւնը, ու-
 նի՞ նա նպատակ և իմաստ, մեր պէտք է
 դնայ մարդը: Ահա հարցեր, աւելի ճիշտ,
 արժէքի պրօբլէմներ, որոնց վերաբերմամբ
 կենսափիլիսոփաները տարբեր, անգամ տրա-
 մազծօրէն հակառակ սրատասխաններ են տա-
 լիս, և այդ պատասխանները բնոյթով էլ
 գունաւորւում է կենսահայեցողութիւնը: Մի
 պեսսիմիստ փիլիսոփա, օրինակ, բոլորովին
 այլ պատասխաններ ունի այդ հարցերի հա-
 մար, քան մի օպտիմիստ փիլիսոփա: Նրանք
 տարբեր ձևով են գնահատում և ըմբռնում
 կեանքը, ինչպէս և տարբեր սպասելիքներ
 ունեն: Նրանց կենսահայեցողութիւնները ի-
 րարից միանգամայն տարբերում են: Եւ
 այսպէս, կան մի շարք կենսահայեցողական
 ուղղութիւններ—յոռետեսական, լաւատեսա-
 կան, ալտրոսիստական, էգօիստական ևն:

Բազդայականութիւնն, օրինակ, որ-
 պէս կրօնի փիլիսոփայութիւն, արժէքաւո-

րելով կեանքը, դիտում է այն ինչպէս մի
 հակայական տանջանք, ծով-տառապանք,
 իսկ այդ բոլորի պատճառը յաւիտենապէս
 անյագուրդ տենչն է, ցանկութիւնը: Եւ նա
 ճանաչելով և ժխտելով այս տանջանք-կեան-
 քը, ստեղծում է մի յոռետեսական կենսա-
 հայեցողութիւն: Քրիստոնէական կրօնի փի-
 լիսոփայութիւնը նոյնպէս այս կեանքի վե-
 րաբերմամբ յոռետես հայեացք ունի: Նա
 գտնում է այս երկրային կեանքը անցաւոր,
 մեղանչական: Այս աշխարհում անկարելի է
 երջանկութիւն գտնել: Այս չափով քրիստո-
 նէական վարդապետութիւնը մի պեսսիմիս-
 տական կենսահայեցողութիւն է: Բայց նա
 լաւատես է մի այլ, մի իրն ինքնինի, անդր-
 երկրային աշխարհի նկատմամբ: Ահա
 այդ երկնային աշխարհում հնարւոր է եր-
 ջանկութիւնը: Այդ երկնային և հոգևոր
 կեանքի համար պէտք է պատրաստուեն մար-
 դիկ: Այս երկրային և անցաւոր կեանքը մի
 նախապատրաստական, փորձութեան մի աշ-
 խարհ է երկնային և յաւերժական կեանքի
 համար: Պէտք է մեռցնել այն, ինչ աշխար-
 հիկ է, ինչ անցաւոր է և մեղանչական, և
 միանալ Աստծոյ հետ, ապրել նրանով, դար-
 գացնել մարդու մէջ բացառապէս հոգևորը:
 Եւ այսպէս կարելի անընդհատ շարու-

նակել, տալով մի շարք կենսափիլիսոփայական ուղղութիւններ ընտրողումը, որոնք իրենց բովանդակութեամբ միանգամայն տարբեր են: —

Մեզ զբաղեցնող փիլիսոփան էլ, Շօպենհաուէրը, պատկանում է կենսափիլիսոփաների շարքին: Նրա փիլիսոփայութիւնն ևս ապրումների արգասիք է: Թէև նրա փիլիսոփայական սխտեմի մէջ սրտը տեղ են բռնում նոյնպէս իմացաբանական-բնազանցական հարցեր, բայց համեմատած էթիքական հարցի հետ, վերջինիս առաջ նրանք նսեմանում են: Նա առանձնապէս շեշտում է այդ հանգամանքի վրա և ստորագծում էթիքական հարցի կարևորութիւնը. — «որ էթիքական հետազոտութիւնները շատ աւելի կարևոր են, քան ֆիզիքական և առհասարակ բոլոր միւսները, հետևում է նրանից, որ նրանք անմիջական առնչութիւն չունեն իրն ինքնինի հետ, որի էութիւնը արտայայտում է որպէս կամք. մինչդեռ ֆիզիքական ճշմարտութիւնները միշտ էլ մնում են պատկերացման (ուրիշ խօսքով, ճանաչողութեան Ե. Ֆ. բնագաւառում).... միայն մօրալական կողմի վրա կարելի է մխիթարութիւն գտնել, քանի որ այստեղ մեր հո-

գու ներքին էութիւնն է գիտողութեան գալիս (III II. 577—78):

Շօպենհաուէրին առհասարակ միշտ էլ զբաղեցրել է կեանքի արժէքի, մեր գոյութեան իմաստի գերագոյն հարցը, ինչպէս և նրա մեծ աշակերտին, Նիցշէին: Դեռ աւելին: Կեանքի արժէքի որոշման հարցը դառել էր երկուսի որոնումների համար մի եղակի խնդիր: Բայց նրանք, ուսուցիչ և աշակերտ, երկուսն էլ մեծ և խոշոր իրենց կենսասոցացողութեան մէջ, միանգամայն տարբեր պատասխան տւին դրւած ընդհանուր հարցին — կեանքն ունի արժէք: Շօպենհաուէրն ասաց իր «ոչ»-ը, մխտեց կեանքը, դիտելով այն յաւիտեանական տանջանք, և դատաւ յոռտութեան փիլիսոփան, իսկ նրա աշակերտը, Նիցշէն ասաց իր «այո»-ն, ընդունելով կեանքի իմաստը, և դատաւ լաւատեսութեան փիլիսոփան, ինչպէս և կեանքի բարձրացման աննման մարտիկ: Բայց երկուսն էլ մեծ են իրենց պնդումի և ապացութեան մէջ, երկուսն էլ ներկայանում են որպէս մարդկութեան դաստիարակներ, որպէս հոգու առաջնորդութեան փիլիսոփաներ:

Մեր ընթերցողները գիտեն արդէն Նիցշէի, այդ զբաւիչ մտածողի և մեծ բա-

ըոյագէտի կենսահայեցողութեան մասին:
Այժմ պիտի տանք Շօպենհաուէրի կենսա-
փիլիսօփայութիւնը, կցելով տեղին միշտ էլ
քննադատական դիտողութիւններ:

II. ՇՕՊԵՆՀԱՈՒԷՐԻ ՊԵՍՍԻՄԻԶՄԸ

I

Ծնունդ—տանջանք,
հիւանդութիւն—տանջանք,
ծերութիւն—տանջանք,
մահ—տանջանք:

Բուդա

Շօպենհաուէրը մերժելով մարդկային
և համաշխարհային կեանքի արժէքը և ըն-
դունելով այն մի հսկայական տառապանք,
միաժամանակ անհնարին բան համարելով
երջանկութիւնը, նա դառաւ պեսսիմիզմի
փիլիսօփա: Նա յոռետես հայեացք ունի
կեանքի թէ բարոյականապէս բարեփոխման
թէև սօցիալական առաջադիմութեան մասին:

Բայց դա նոր յայտնագործութիւն չէ: Պեսսիմիստական կենսահայեցողութիւնը միշտ էլ եղել է: Շօպենհաուէրից առաջ շատ մտածող-փիլիսոփաներ, կրօնա-բարոյագէտներ և բանաստեղծ-փիլիսոփաներ յռետեսորէն են վերաբերել մեր գոյութեանը և ժխտել են երջանկութեան հնարաւորութիւնը, գիտելով կեանքը ցաւ և տանջանք, վշտի և արցունքի ծով: Պեսսիմիստը նայում է այս աշխարհի վրա, որպէս ամենավատ գրութեան վրա, և նա այնքան վատ է համարում կեանքը, որ մահը, չգոյութիւնը աւելի գերադասելի է գտնում: Սօֆոկլէսի աչքում այնքան մռայլ, մութ և անհրապոյր է կեանքը, որ նա լաւագոյն վիճակը ծնւած չլինելն է համարում. չգոյութիւնն աւելի գերադասելի է. քան այս գոյութիւնը: Գալգերօնն ուղղակի յայտարարում է— «մարդու ամենամեծ մեղքն այն է, որ նա ծընւած է»: Իսկ էպիկուրեան դպրոցի ներկայացուցիչներից մէկը, Հեգեզիաս, միանգամայն մերժելով երջանկութեան հնարաւորութիւնը, յանձնարարում է ինքնասպանութիւն: Ինչո՞ւ ապրել, երբ չկայ երջանկութիւն: Նոյն տեսակէտն է պաշտպանում նոյնպէս ժամանակակից պեսսիմիստ Հարտմանը: Շատ պեսսիմիստներ համարում են

կեանքն և երկոյթ-աշխարհը մի բան, որը պէտք է յաղթահարել:

Մարդկային կեանքի պատմութեան գրեթէ ամեն մի դարաշրջանը երևան է բերել իր դարի յռետեսական գիծը: Մտքի զարգացման մէջ երևացել են տարբեր ուղղութիւններ, նայած որ կողմի վրա է ուշադրութիւնը կենտրոնացած, թէև բոլոր ուղղութիւնների համար էլ ընդհանուր հիմքը կազմում է բացասական վերաբերմունքը: Մէկը չի տեսնում կեանքում, օրինակ, բարոյականապէս բարեփոխման հնարաւորութիւնը—դա էթիքական պեսսիմիզմն է, մէկ ուրիշը մերժում է սօցիալական հարցի լուծման հնարաւորութիւնը—դա սօցիալական պեսսիմիզմն է:

Մի էթիքական պեսսիմիզմ է Բուդդայի վարդապետութիւնը: Եւ Բուդդայի կրօնի փիլիսոփայութիւնը ներկայացնում է միաժամանակ բացարձակ յռետեսութեան ամենալրիւ ձևը: Դա մի կրօն է, որը պաշտում է այժմ մօտ 500 միլիոն ժողովուրդ:

Բուդդան ասում է. ահա սրանք են սրբազան ճշմարտութիւնները կեանքի տանջանքի մասին— «ծնունդ-տանջանք, հիւանդութիւն-տանջանք, ծերութիւն-տանջանք, մահ-տանջանք»: Այսպէս է նա յայտարար-

ըում: Այս սրբազան ճշմարտութիւնները նա ապրեց իր կեանքում. դա նրա կեանքի իմաստութիւնն է: Բուզղան, ինչպէս հնդկական աւանդութիւնն է ասում, շատ ճոխ և շռայլ, անգամ զեղիս կեանք է վարելիս եղել՝ տարւած կեանքի վայելքին և զւարճութիւններին: Եւ այդ կեանքը շարունակուում է նրա ամբողջ երիտասարդութեան ժամանակ, մինչև 30 տարեկան հասակը: Բայց յետոյ նրա ներսում, նրա հոգու մէջ կատարուում է հիմնական յեղաշրջում: Այդ յեղաշրջման մէջ վճռական դեր է խաղում նրա կեանքի անմիջական ապրումը, երբ նա տեսնում է աղքատին, հիւանդին, հաշմանդամին և մեռածին: Եւ նա խորհելով անասնական, զգայական բաւականութեան չնչինութեան մասին, զցում է նա իրեն կրակի մէջ: Թէ ինչ չափով ճիշտ է այս աստիճանական զարգացումը, դա այնքան էական հարց չէ, ըայց պարզ և աշկարայ է մի ճշմարտութիւն կեանքի այդ խորը իմաստութեան մէջ, այն, որ նիւթական կեանքը, անգամ ամենալաւ պայմանների մէջ, ինքնին էլի անբաւարար է: Պարզ է նաև այն, որ մարդանհատի բաղադրութիւնը անկայուն է— գա հիւանդութիւն է, տանջանք և մահ: Ահա այսպիսի յոռետեսութիւնը մի աքսիոմա է համարուում:

Եւ Բուզղան դնում է, որպէս երանելի գրութիւն, նիրվանան, հոգեկան չգոյութիւնը, մի գրութիւն, ուր չկան չորս բան— ծնունդ, հիւանդութիւն, ծերութիւն և մահ: Նա յայտնադործում է չորս նոր ճշմարտութիւններ— առաջին, գոյութիւնը տանջանք է: երկրորդ, պատճառն անմիտ ցանկութիւնն է, որն ոչ հիմք և ոչ էլ նպատակ ունի: երրորդ, այս տանջանք— աշխարհից հնարաւոր է ազատել միայն ամեն տեսակի ցանկութեան ոչնչացման շնորհիւ, և չորրորդ, այսպիսի ոչնչացումը տանում է դէպի նիրվանա, գոյութեան և գիտակցութեան «մարտում»-ը:

Բուզղայի ամբողջ յոռետեսական կենսահայեցողութիւնը արդիւնք էր իր սուրիեկտիվ ապրումների, իր անհատական կեանքի առանձին պայմանների դասաւորման և տրամադրութեան: Բայց այդ անհատական ապրումները և տրամադրութիւնը չմնացին սուրիեկտիվ սահմանում, այլ նրանք դառան տեսական մի վարդապետութիւն: Այնպէս որ անհնարին է մի բաժանողական գիծ քաշել տեսական և տրամադրութեան պեսսիմիզմի միջև: Տրամադրութեան պեսսիմիզմը ըղխում է առհասարակ մարդու կենսամերժ, մեկանխողիկ տեմպերամենտից, կեանք-

քի դառը փորձից, յուսախարութիւնից, անյաջող սիրուց, երկիւղից, սարսափից, կասկածոտութիւնից և անվստահութիւնից բռէպի ուրիշները: Այսպիսի յոռետեսներ են, օրինակ, Բայրօն, Լէօպարդի, Դօստաւսկի ևլն: Սրանց յոռետեսական կենսահայեցողութիւնը կրում է բանաստեղծական, լիրիկական արտայայտութիւն և ձև, ինչպէս և Նիցշէի պեսսիմիզմը (նրա փիլիսօփայութեան առաջին շրջանում): Սրանց յոռետեսութեան չուկէտը կազմում են իրենց ամբիջական կեանքը, առանձնապէս սուբիեկտիվ շարժառիթները, անձնական յոյզերը, կրքերը, ևն: Բայց բանը նրանումն է, որ նրանց անհատական ապրումները չեն մնում որպէս սուբիեկտիվ և մասնակի ապրումներ: Ոչ. ամեն մարդ, նամանաւանդ բանաստեղծ-փիլիսօփան, համաձայն իր հոգեբանական օրէնքների, միշտ էլ տրամադիր է իր անհատական—մասնակի ապրումներին տալ ընդհանուր, համայնապարփակ նշանակութիւն: Նա միշտ էլ ուզում է տեսնել իր անհատական տանջանքի, իր ցաւի և վշտի մէջ համամարդկային տանջանքը, ցաւը և վիշտը: Այսպէս է մարդը իր անհատական-հոգեբանական դասաւորութեամբ: Նա միշտ էլ տրամադիր է իր սուբիեկտին տալ օրի-

եկտիվ նշանակութիւն, իր անհատական ապրումներին՝ տեսական արժէք: Ահա հէնց դրա համար էլ շատ դժւար է, եթէ չսասնք անհնարին, դատել տրամադրութեան յոռետեսութիւնը տեսական-փիլիսօփայական պեսսիմիզմից:

Այդ երևոյթի լաւագոյն օրինակը, տիպիկ դէմքը կարող է համարել հէնց մեր փիլիսօփան, Շօպենհաուէրը: Որ նրա յոռետեսական կենսահայեցողութեան կառուցւածքի մէջ էական, անգամ խիստ էական դեր են խաղացել մի շարք սուբիեկտիվ շարժառիթներ, օրինակ, նրա մեղանխողիկ, կենսամերժ տեմպերամենտը, նրա՝ հիւանդութեան աստիճանի հասած՝ վախը՝ մահու առաջ, նրա կասկածոտ բնաւորութիւնը ևն — դա աւելի քան անտարակուսելի է: Բայց այս հանգամանքը չի խանգարում, որ նրա կենսահայեցողութիւնը ստանայ մի տեսական-փիլիսօփայական սիստեմի բնոյթ: Այստեղ նկատառութեան են գալիս այլ կարևոր հանգամանքներ, որոնք բարձրացնում են անհատական ապրումների արժէքը և տալիս ընդգրկող, ընդհանուր նշանակութիւն, և չեն թողնում, որ այդ ապրումները մասն լոկ անհատական: Այստեղ ամենից առաջ և ամենից աւելի պէտք է շեշտել հա-

ժայնապարփակ հոգու յատկութիւնը: Բայց այդ մասին մենք մանրամասնօրէն կ'խօսենք իր տեղում, Շօպենհաուէրի պեսսիմիզմի, առհասարակ պեսսիմիզմի, պատճառները լուսարանելիս:

Այժմ անցնենք Շօպենհաուէրի պեսսիմիզմի վերլուծման, նրա էութեան բնորոշմանը:

II

Թէ Շօպենհաուէրի պեսսիմիզմի ծագման խնդրում ինչ շարժառիթներ են դեր խաղացել, արդեօք նա «բնածին զաղափար է» *apriori*, թէ նա կեանքի արդիւնք է—այս խնդրով մենք կգրադուենք յետոյ: Բայց մի բան անտարակուսելի է, այն, որ նրա կեանքի յոռետեսութիւնը և տիեզերական կամքի մետաֆիզիկական սերտօրէն կապւած են իրար հետ: Չէ որ կամքը-կեանք է, և կեանքը-կամք: Այս է ասում Շօպենհաուէրի մետաֆիզիկան: Ուր կամք կայ, այնտեղ անպայմանօրէն կայ նոյնպէս կեանք, ընդհակառակը, ուր կամք չկայ, այնտեղ չի կարող լինել նոյնպէս կեանք: Կամքն է շարժիչ, առաջ մղիչ ոյժն ամբողջ տիեզերական շարժումների և երևոյթների: Այդ բոլորի էութիւն է կամքը, աշխարհի հիմքը և բո-

վանդակութիւնը. կարճ, կամքն է բովանդակ իրականութեան ստեղծողը: Շօպենհաուէրը չի ընդունում, ինչպէս պնդում են կրօնական ուղղութիւնները, թէ այս աշխարհը ստեղծագործութիւն է մի որևէ՝ աշխարհից դուրս եղած՝ մեծութեան կամ Բանականութեան, այլ հէնց այդ Տիեզերական Կամքի: Աշխարհը կամքի արտացոլումն է: «Աշխարհը-կամք է», ասում է Շօպենհաուէր: Կամքը թէ մեր և թէ բոլոր իրերի էութիւնն է, կորիզը: Կամքը ամենասկզբնական և զօրւաւոր տարրն է մարդու հոգեկան աշխարհում: Հասկացողութիւն, ինտելեկտ, պատկերացում և զգացում—դրանք կամքի զարգացման աստիճաններն են: Դա Շօպենհաուէրի վօլիւնտարիզմն է, կամապաշտութիւնը, կամքի մօնիստական վարդապետութիւնը¹⁾: Բնութեան և իրերի միջև երևան եկած վերջանալի ձևերը ներկայացնում են իրենցից մի անանց և անեղծանելի էութեան կորնչելի երևոյթները: Դա Կամքն է: Դա մի ոյժ է, մի սկզբնական ոյժ բնութեան մէջ: Եւ բնութիւնը, Շօպենհաուէրի տեսակէտով, չի

¹⁾ Տեսնել մեր յօդւածը՝ «մօնիստական տեսակէտը հոգեբանութեան մէջ» Ե. Թոփչեանի խմբագրած ժողովածուի մէջ:

ներկայացնում մի անհոգի-անկենդան մի-
խանիզմ: Կամքի ոյժը կայ այստեղ: Նոյնը
նաև մարդու մէջ: Բայց նա ազդում է
ընազդօրէն և անգիտակցաբար:

Ասացինք, կեանքը-կամք է, իսկ կամքը
-մղում, ձգտում է, մշտնջնական և յարա-
շարժ. . Սյդ է նրա էութիւնը: Եւ հէնց Տի-
եղեբրական Կամքի այդ էութիւնը սերտօրէն
կապւած է Շօպենհաուէրի յոռետեսութեան
հետ: Կամքը մի յաւերժական մղում է դէպի
ապրելը, դէպի կեանքը: Դա Շօպենհաուէրի
«Կեանքի կամեցողութեան» տեսութիւնն է:
Ի՞նչ է կամենում կամքը.—այս աշխարհը,
այս կեանքը, ինչպէս նա կայ: Բայց կեանքի
կամեցողութիւնը, ապրելու ձգտումը
շարունակում է անդադար և ընդմիջտ. նա
անսահման է: Կեանքի կամեցողութիւնն
անյադուրդ է: Նա երբէք չի բաւարարում,
այլ միայն խանդարւում է. միշտ էլ նրա
առաջ կայ կանգնած խոչընդոտը: Ի՞ր բոլոր
երևոյթների մէջ կամքը երեան է գալիս
որպէս մղում, իսկ այդ մղումը ոչ այլ ինչ
է, եթէ մի կարիք, մի պակաս: Մարդ
ձգտում է առհասարակ մի բանի, երբնա կա-
րիք ունի, երբ նա պակաս բան է զգում:
Ամեն մի ձգտում արգասիք է, անմիջական
արդիւնք տիրող դրութեան անբաւարարու-

թեան կամ անբաւականութեան, ուրեմն, կա-
րիքի: Եւ քանի որ ձգտումը կարիքի ար-
դիւնք է և, միւս կողմից, քանի որ նա եր-
բէք չի բաւարարւում, ուրեմն նա միայն
տանջանք, ցաւ և վիշտ է պատճառում: Եւ
որովհետև կամքը միշտ էլ կայ, իսկ ուր
կամք կայ, կայ և ձգտում, հետևապէս,
ամենուրեք տանջանք կայ. և որովհետև
կամքը տիեզերական է և յաւիտենական,
հետևապէս, տիեզերական և յաւերժական
ընոյթ է կրում նոյնպէս տանջանքը: Եւ
քանի որ մարդկային կամքը կազմում է
միայն տիեզերական կամքի մի բաղկացու-
ցիչ մասնիկը՝ նրա էութիւնից և բովան-
դակութիւնից, պարզ է, ուրեմն, որ մարդ-
կային կեանքն ևս տանջանք է. չէ՞ որ
կեանքն ինքը կամքն է:

Ահա այսպէս շարունակաբար զարգա-
նում է Շօպենհաուէրի պեսսիմիզմը բոլոր
մասերում, ընդգրկելով ամբողջ իրականու-
թիւնը:

Բայց տանք Շօպենհաուէրի հարազատ
խօսքերով՝ նրա մի քանի հիմնական մտքերի
ձևակերպումը: «Ամեն ցանկութիւն ծագում
է կարիքից, պակասից, և թերութիւնից,
հետևապէս տանջանքից: Մրան վերջ է դնում
բաւարարումը. սակայն մի բաւարարւած

ցանկութեան հանդէպ մնում են առնւազն տասը ցանկութիւն չբաւարարւած: Աւելին, տենչանքը տկում է երկար, պահանջները շարունակուում են յաւիտենապէս և անվերջ, այն ինչ բաւարարուումը կարճ է և ողորմելի: Բաւարարուումը միայն առերևոյթ է. բաւարարւած ցանկութիւնը իսկոյն տեղի է տալիս մի նոր ցանկութեան¹⁾» . . . «Այսպիսով կատարուում է մի խաղ, անվերջանալի խաղ, ցանկութիւնից դէպի բաւարարուումը, սրանից դէպի մի նոր ցանկութիւն, իսկ այդ խաղի արագ ընթացքը աւուում է երջանկութիւն, իսկ դանդաղ ընթացքը—տանջանք: Կամքն առհասարակ չգիտէ ինչ է ուզում, նա կամենում է աւանց որոշ օրիեկտի. ամեն մի առանձին ակտ գիտէ ինչ է ուզում, յայտնի է նպատակը, իսկ բովանդակ կամեցողութիւնը չունի որոշ նպատակ» (III. գ. էջ 164): Եւ որովհետեւ այս խաղը յաւիտենապէս շարունակուում է, հետեապէս կեանքը, աշխարհն առհասարակ, իրենից մի տանջանք է ներկայացնում: «Ամեն մի ցանկութիւն և

¹⁾ Welt als Wille und Vorstellung, III գիրք, էջ 193.

տենչանք կարելի է համեմատել անհագուրդ ծարաւի հետ»: Իսկ «անյագուրդ ծարաւի» դրութիւնը մի տանջանք է: Շօպենհաուէրը տանջանք է կոչում կեանքի կամեցողութեան յետ կասեցումը՝ մի «բզեղի միջոցով, և արգելքը կանգնած է կամեցողութեան և առժամանակեա նպատակի միջև, իսկ նպատակի կատարումը անւանում է նա բաւականութիւն, ինչ տեսանք վերեր: Բայց ոչ մի բաւականութիւն յարատե չէ, այլ նա աւելի մի սկզբնական կէտ է մի նոր ձգտման, իսկ այդ ձգտումն ամենուրեք դանդափն ձեւերով արգելում է, խանգարում, յետ մղում, ուրիմն, միշտ էլ տանջանք պատճառում. հետեապէս չկայ ձգտման վերջնական նպատակ, այլ կայ միշտ էլ տանջանք (IV գ. էջ. 307) . . . Չկայ նաև բաղդաւորութիւն. դա մի առերևոյթ դրութիւն է: «Ամբողջ բաւականութիւնը կամ ինչ մարդ ընդհանրապէս երջանկութիւն է կոչում, միշտ էլ էապէս բացասական և երբէք դրական դրութիւն է: Սա ինքնին և սկզբնական բախտաւորութիւն չէ մեր մէջ, այլ միայն մի ցանկութեան բաւարարութիւն, քանի որ ցանկութիւնը, այսինքն, պակասը մի վայելքի պատճառ է: Բաւակա-

նութիւնով դադարում է ցանկութիւնը, և հետեւապէս հաճոյքը: Դրա համար էլ մի բաւականութիւն աւելին չի կարող լինել, քան մի ցաւից, մի կարիքից ազատելը (317 էջ, IV գ.): Բարիքները և առաւելութիւնները, որոնք մենք իսկապէս ունենք, չենք գնահատում: Միայն այն ժամանակ, երբ մենք դրանից զրկուում ենք, զգում ենք նրանց արժէքը, քանի որ կորուստը դրական զգացում է: Եւ հէնց դրանով պէտք է բացատրել այն երևոյթը, որ ուրիշի միայն տանջանքը, կարիքը, վտանգն և անօգնականութիւնն է միայն մեր ուղղակի մասնակցութիւնն առաջ բերում: Երջանկութիւնը, գոհունակութիւնը, որպէս այդպիսիները, մնում են մեզ համար անտարբեր, որովհետեւ այդ դրութիւնը բացասական է—բացակայութիւն ցաւի, կարիքի և պակասութեան¹⁾:

Ուրեմն, ի՞նչ է կեանքը, բովանդակ աշխարհը.—մի հսկայական տանջանք, արցունքի հովիտ, վշտի ծով:

Արդէն աւելց, որ աշխարհի բոլոր ձեւերին, բոլոր մարդկանց, ինչպէս և կենդանիներին, շարժման մէջ է դնում գոյութեան տենչանքը, կեանքի կամեցողութիւնը: Բայց

¹⁾ Grundlage d. Moral, էջ 325.

անգամ այն դէպքում, երբ գոյութիւնն ապահովւած է, չգիտեն մարդիկ ինչ անեն, ինչից սկսեն: Ահա այս մօմենտից սկսում է մի երկրորդ առաջ-մղիչ տենչանք, մի նոր տեսակի մղում, որը բոլոր մարդկանց շարժման մէջ է դնում: Նրանց կեանքը այժմ դառել է բեռ, մի կօշմար, և այս նոր տեսակի տենչանքի նպատակն ուղղւած է մի որոշ կէտի, ազատել գոյութեան ճնշումից, դարձնել այդ ճնշող գոյութիւնը անզգալի. . . ժամանակը սպանել, ուրիշ խօսքով ձանձրոյթից ազատել: Չանձրոյթը պակաս չարիք չէ մարդու կեանքում. ձանձրոյթի միջոցին տարակուսանքն է փայլում մարդու երեսին: Կեանքը լեցուն է ձանձրոյթով և դատարկութեամբ (IV գիրք. էջ 310): Կեանքը նման է մի ժամացոյցի-ճօճանակի, որ յաւիտենապէս ճօճում է տանջանքի և ձանձրոյթի միջև:

Ի՞նչ է կեանքը՝ տանջանք-ձանձրոյթ-տանջանք:

Իմաստութեան հին խօսքը պէտք է կրկնել այստեղ. «չգոյութիւնն աւելի լաւ է, քան գոյութիւնը»:

Տանջանքը մի չարիք է Ծօպենհաուէրի համար. չարիք է նոյնպէս մահը, որը նրա պեսսիմիստական փիլիսոփայութեան մէջ

այնքան մեծ դեր է խաղացել և այնքան զբաղեցրել է Շոպենհաուէրին: Բայց մահը և տանջանքը նման չարիք չեն նրա համար: Դրանք տարրեր տեսակի չարիքներ են: Մարգը չի տեսնում մահւան մէջ ցաւը: Ոչ այդ ցաւը կայ արդէն մահու այս կողմը ևս, շատ անգամ մենք մինչև իսկ ուրախութեամբ ենք փախչում յաւիտենական ցաւից գէպի մահը և ընկնում նրա գիրկը, քանի որ նրա պատճառած ցաւը կարճ է տևում, կատարւում է արագ և թեթև. մենք հնարաւորութիւն ունենք մի քովում ազատելու: Ուրեմն, մահու մէջ մենք տեսնում ենք ոչ թէ ցաւ և այդ ցաւից ենք վախենում, այլ մահու մէջ մենք տեսնում ենք մեր ոչնչացումը՝ որպէս անհատ—անհատական ոչնչացումը, և որովհետև անհատը ներկայացնում է ինքնին կամեցողութիւն՝ իր ամեն մի առարկայացման մէջ, ուստի անհատը ծառանում է իր ամբողջ էութեամբ մահու առաջ՝ (IV գ, էջ 181): Ամեն աստիճանի վրայ, նկատում է Շոպենհաուէրը, երբ գիտակցութիւնը փայլատակում է, երևում է կամքը՝ որպէս անհատ: Բայց անհատը նայում է իր վրա անվերջանալի տարածութեան և ժամանակի մէջ որպէս վերջանալի, եղծանելի և անցաւոր, և նա ունի իւր գոյու-

թեան մէջ մի յարաբերական, բայց երբէք անպայման երբ և Ուր, քանի որ նրա տեղը և յարատեւութիւնը վերջանալի մասերն են մի Անվերջանալի և Անսահմանի: Նրա սեփական գոյութիւնը միայն ներկայի մէջ է, որի անարգելք վազքը անցեալի մէջ է, մի մշտական անցում դէպի մահը:

Այսպէս, նրա գոյութիւնը, յարդէն ձեւական կողմից դիտած, ներկայի մի մշտական մահ է դէպի մեռած անցեալը: Իսկ Ֆիլզիքական կողմից դիտած—նա մի՛ երկար մահ է: Ամեն ակնթարթում ազգարարւում է յաւիտենապէս ճնշող մահը, որի հետ կաւում ենք ամեն մի վայրկեանում. . . բայց վերջ ի վերջոյ նա է յաղթանակում: Ծնունդից արդէն մենք մահւան ենք դատապարտւած (IV գ. էջ 309). ամեն բան, ինչ ծագում է, նա արժէք ունի, երբ նա ոչնչանալու է. դրա համար աւելի լաւ կլինէր, եթէ ոչինչ չծագէր: «Կեանքը մի կռիւ է գոյութեան համար՝ միայն այն հաստատուն գիտակցութեամբ և ստոյգութեամբ, որ վերջ ի վերջոյ կորցնելու հնք այս կեանքը: Բայց հարց. այն ի՞նչն է, որ մեզ թոյլ է տալիս յարատեւելու այս յաւիտենական, տանջալի և դժարին կուում: Դա կեանքի սէրը չէ, իհարկէ. դա մահու երկիւղն է» (IV գ. էջ

310): Կեանքը մի ծով է՝ խուլթերով և յորձանքներով, որոնց մարդը մեծ խնամքով և տանջանքով յետ է մղում, փախուստ տալով նրանից, թէպէտ նա շատ լաւ գիտէ, որ ամեն մի քայլով մօտենում է ամենամեծ, անխուսափելի և անբուժելի կործանման— մահուան: Այս է վերջանալի, վախճանական նպատակը տանջալից և դժւարին երթի, և սա նրա համար աւելի վատ է, քան բոլոր խուլթերը, որոնցից նա խորշում էր (IV գ. երես 310):

Անա այսպիսի պիսսիմիզմն է, որը հնարաւոր է միայն տեսականօրէն, բայց երբէք գործնականօրէն ժխտել: Անհատի, որպէս այդպիսինի, ոչնչացումը— մի երևոյթ է դա, որ շատերին է զբաղեցրել և խորհելու, ծանր խորհելու առիթ հանդիսացել: Այդ ապրում է ամեն մի անհատ, այդ զգացում է ամեն մի ակնթարթում:

Իրտեցէք ձեր շուրջը, ամենուրեք, ամեն անկիւն և դուք կը համոզուէք զրանում. այս աշխարհում ամեն ինչ սրա մասին է խօսում: Կեանքը տանջանք է, մեր գոյութիւնը դատապարտւած ոչնչացման և երկրային երջանկութիւնը մի իլլուզիա է: Ոչ միայն այդ աշխարհը մի մայա է, մի պատրանք, նման հնդկական շաստւածուհու՝ «Մայա»-ի: Կեանքը

մի շարունակական և յաւիտենական խաբէութիւն է. նա խաբէութիւն է թէ մեծ և թէ փոքր գործերում: Եթէ նա բան է խոստացել, նա չի կատարում իր խոստումը: Շատ անգամ էլ պարզում է, թէ որ աստիճան անարժէք բան էր ցանկացածը (IV գ. էջ 561): Այսպէս է աշխարհը: Այս աշխարհում դու քո գոյութիւնը հաստատում ես ուրիշի գերեզմանի վերա և քո կարծեցեալ բախտաւորութիւնը ուրիշի թշւառութիւնով է շաղաղւած: Այս տեսակէտից շատ բնորոշ է Մեքսիկայի բնակիչներին մի սովորութիւնը: Նրանք նորածնին զիմաւորում են հետեւալ խօսքերով և բարի գալուստ մաղթում— «ղաւակս, դու ծնւած ես համբերութեան համար. ուրեմն, համբերիր, տանջւիր և լռիր»:

Շատերն են ճշում իմ փիլիսօփայութեան մեղամաղձոտ, անմխիթար և մռայլ կողմի մասին, նկատում է Շօպենհաուէրը: Այս կայանում է սակայն միայն նրանում, որ ես ցոյց տւի, թէ այստեղ, այս աշխարհում, ուր մեղք կայ, կայ նոյնպէս մի դժոխքանման բան, իսկ ով ուզում է այդ բացասել, կարող է հեշտութեամբ մի անգամ փորձել: Այդ կեանքը շատ լաւ ճաշակել էր Լէօպարդին. զրանով էր նա լցւած և սնւած. միշտ

էլ նրա թիման է մեր գոյութեան այս հեղ-
 նանքը և տառապանքը: Ամեն գրեածքի ա-
 մեն մի երեսում նկարագրում է այն, այլա-
 զան կիրառութեանը և ձևերի մէջ, և հա-
 ըուստ գոյներով. նա այնպէս է գրում, որ
 անպայման ազդում է, նկատում է Ծօպին-
 հաուէրը: Մարդիկ ուզում են, աւելացնում
 է նա, այս դժոխքանման աշխարհին յարմա-
 րեցնել մի լաւատեսութեան սխտեմ: Ան-
 հեթեթութիւնն աղաղակող է: Լաւատեսն
 ինձ ասում է. բաց աչքերդ, նայիր աշխարհի
 վրա և տես, ի՞նչպէս նա գեղեցիկ է. գե-
 ցիկ՝ իր լիններով, ձորերով, նրա գեղեցիկ
 հոսանքները, վազող ջրերը, կանաչ բոյսերը,
 կայտառ կենդանիները, և ինչ: Բայց միթէ՞
 աշխարհը միայն տեսնելու համար է: Այս
 իրերը, իհարկէ, տեսնելու համար գեղեցիկ
 են: Բայց նրանց նման լինել, այդ մի փոքր
 այլ բան է (1V գ. 569): Օպտիմիզմը, լա-
 վատեսական կենսահայեցողութիւնը, նկա-
 տում է Ծօպինհաուէրը, ըստ էութեան ան-
 իրաւացի ինքնագովքն է աշխարհի իսկական
 ստեղծողի, «կամք դէպի կեանք»-ի, կեանքի
 կամեցողութեան, որն ինքնագոհ կեր-
 պով արտացոլում է իր ստեղծագործու-
 թեան մէջ: Ահա այս տեսակէտով լաւատե-
 սութիւնը ոչ միայն սխալ, այլ և քնասակար
 կենսահայեցողութիւն է:

Ծօպինհաուէրը ոչ միայն դնում է պես-
 սիմիզմը, այլ և աշխատում է հիմնաւորել
 այն, պատճառանկ և ապացուցել, անգամ
 apriori հիմունքներով: Թէև դա այնքան էլ
 հեշտ չէ, բայց նա փորձում է այդ անկէ:

Նրա ամբողջ ապացուցութիւնը հիմ-
 նւում է երկու էական գրութեան վրա: Ա-
 առաջին apriori հիմունքը ժամանակի ոչնչու-
 թիւնն է: Ժամանակը՝ որպէս գոյութեան ընդ-
 հանուր ձև՝ խօսում է արդէն ընդդէմ կեանքի:
 Ի՞նչպէս: Ահա Ծօպինհաուէրի պատճա-
 դաբանութիւնը: Ամեն մի բայէ կայ միայն
 շնորհիւ նրա, որ նա միւսին հետևում է, բայց
 և յաջորդով իսկոյն ոչնչանում է, և այսպէս
 անընդհատ, անվերջ. . . Ի՞նչ յարաբերու-
 թեան մէջ են անցեալը, ներկան և ապա-
 գան: Անհատի գոյութիւնը միայն ներկայի
 մէջ է, որի անարգելք վազքը անցեալի մէջն
 է—մի մշտական անցում դէպի մահը: Եւ
 որովհետև անցեալ կեանքն արդէն բոլորո-
 վին մեռած է և ոչինչ է այլևս, դրա համար
 էլ անհատը, և բանաւոր է այդ, միանգա-
 մայն անտարբեր է և նրան չի հետաքրքրում
 այն, թէ նրա անցեալ կեանքի բովանդա-
 կութիւնը տանջանք է թէ վայելք, բայց

ներկան միշտ էլ նրա ձեռքում իսկոյն անցեալ է, իսկ ապագան բոլորովին անորոշ է, անստոյգ և կարճ: Մարդու կեանքը ներկայի մէջ է, իսկ ներկան—դա մի վաղք է, մի անդադար հոսում դէպի անցեալը, դէպի ոչնչութիւնը, դէպի մահը: Այդ արդէն ոչնչով չի կարող գրաւիչ լինել, միևնոյն ժամանակ իսկական կեանք: Նրա համար բոլորովին միևնոյն է, թէ անցեալը բախտաւորութիւն է թէ վայելք, նա ապրում է ներկայով, իսկ ներկան էլ միշտ փախչում է, ապագան էլ անորոշ է:

«Այսպէս, երջանկութիւնն ընկնում է կամ անցեալի և կամ ապագայի մէջ, իսկ ներկան կարելի է համեմատել մի մութ ամպի հետ, որին քշում է քամին արևով լուսաւորւած հարթութեան վրայով. նրա թէ առջևը և թէ յետևը ամեն ինչ լուսաւոր է, պայծառ, միայն նա ինքը մի մշտական շւաք է արձակում: Դրա համար նա միշտ էլ անբաւարար է, ապագան անստոյգ, իսկ անցեալն էլ անվերադարձ» (IV գ. էջ 561): Գոյութեան ոչնչութիւնն իր ամենալաւ արտայայտութիւնը գտնում է ինքնին գոյութեան ամբողջ ձևի մէջ, տարածութեան և ժամանակի անվերջանալիութեան մէջ՝ ընդդէմ անհատի վերջանալիութեան: Ժամանա-

կը և տարածութիւնը անվերջանալի են, այն ինչ անհատը վերջանալի, անցաւոր: Անհատն ունի յարարերական, բայց երբէք յաւիտենական երբ և Ուր, քանի որ նրա տեղը և յարատեւութիւնը վերջանալի մասերն են մի անվերջանալիի . . .

Այսպէս է, հա, հիմնաւորում Շօպէն-հաուէրը իր առջին դրութիւնը:

Ապացուցութեան երկրորդ կէտը, երկրորդ հիմքը կայանում է ուրախութեան բացակայութեան, բաւականութեան զգացումի ոչնչութեան մէջ: Կեանքը «վայելքի պարզ և չէ»: Այսպէս է պնդում Շօպէնհաուէրը: Եւ քանի որ կեանքը «վայելքի պարզ և չէ», հետևապէս պէտք է ժխտել այդպիսի կեանքը: Ամեն բաւականութիւն այլ բան չէ, քան թէ վայրկենական դողարումը կամքի մղման կամ տենչի: Եւ, միւս կողմից, ցաւը, վիշտը և տանջանքն են միայն դրական զգացումներ, բայց ոչ ուրախութիւնը, վայելքը: Մենք զգում ենք ցաւը, բայց ոչ ցաւի բացակայութիւնը. մենք զգում ենք հոգսը, բայց ոչ անհոգ վիճակը. մենք զգում ենք վախը, բայց ոչ ապահովութիւնը: Մենք զգում ենք ցանկութիւնը, ինչպէս և զգում ենք քաղցն ու ծարաւը, բայց հէնց որ ցանկութիւնը, քաղցն ու ծարաւը վերանում են:

ինկոյն դադարում են դրանք նաև զգացում
լինելուց (IV գ. էջ 563): Հաղարաւոր վայելքը
այնքան արժէք չունի, որքան մի տանջան-
քը. եթէ անգամ հաղարաւոր մարդիկ եր-
ջանկութեան և ցնծալից բերկրութեան մէջ
ապրած լինէին, չէին կարող վերացնել իւ-
րանքանչիւր անատի վախը և մահւան տան-
ջանքը (IV գ. էջ 564): Ճշմարիտն այն է,
որ մենք պէտք է դժբախտ լինէինք, և մենք
դժբախտ ենք: Եւ այստեղ ամենալուրջ
տանջանքի աղբիւրը, որը մարդկանց է վե-
րաբերում, ճէնց ինքը մարդն է. «homo
homini lipus» (մարդը մարդուն գայլ): Եւ
ով այս աչքի առաջ ունի, նա պէտք է աշ-
խարհը դիտէ որպէս մի դժոխք, դանաշե-
կան դժոխք (էջ 566):

Եթէ կեանքը ինքնին մի գնահատելի
բարիք լինէր և չգոյութեան հանդէպ մի ու-
րոշակի գերադասութիւն ներկայացնէր, կա-
րիք չկար երբէք ելքի առաջ այնպիսի սար-
սափելի պահապան ունենալու, ինչպիսին է
մահը, նկատում է մի այլ տեղ Շօպենհաու-
էրը: Եթէ մեր կեանքն անանց, անվերջա-
նալի և առանց վշտի լինէր, գուցէ և ոչ
մէկի մտքով չանցնէր այն հարցը—ինչո՞ւ
այս աշխարհը կայ և յատկապէս այս որ-
պիսութիւնն ունի: Այդ, ինչպէս և մահու

գիտակցութիւնը տալիս են ամենամեծ
մղումը փիլիսոփայելուն: Կեանքը կարող
է յամենայն դէպս երևալ որպէս մի երազ,
իսկ մահը՝ մի արթնութիւն: Բայց այն ժա-
մանակ՝ անհատականութիւնը պատկանում է
կրակ-կեանքին և ոչ արթուն գիտակցու-
թեան. . . Մեզ համար յամենայն դէպս
մահը մի բացասական բան է և այդպիսին
էլ կիմայ—կեանքի դադարումը: Բայց նա
պէտք է իր դրական կողմն ունենայ, իսկ
նա թագուն է մնում, քանի որ ինտելիկտը,
խելքը բոլորովին անկարող է այն ըմբռնել-
դրա համար էլ մենք գիտակցում ենք, թէ
ինչ կորցնում ենք մահւան շնորհիւ, բայց
չենք գիտակցում և իմանում, թէ ինչ ձեռք
ենք բերում (V Band, էջ 245):

Գոյութեան կուում ևս, որը ժամանա-
կակից բիօլոգիան ընդունում է որպէս զար-
գացման առաջ-մղիչ ազդակ և որը գործա-
դրեց Նիցշէն, Շօպենհաուէրը տեսնում է
մի զօրեղ արգումենտ կեանքի դէմ և պատ-
ճառներից մէկը տանջանքի:

Եւ այս բոլորից հետեւեցնում է նա. մի
աշխարհում, որն արցունքի հովիտ է, վշտի
և տառապանքի ծով. մի աշխարհում, ուր
ուրախութիւնը, վայելքը բացասական դրու-
թիւն է, իսկ տանջանքը, վիշտը, ցաւը դրա-
կան—այնտեղ չի կարող լինել այլ մասնակ-

ցութիւն, քան տանջանքի, կարեկցութեան
մասնակցութիւնը: Հէնց դրա համար էլ
Շօպենհաուէրի համար մօրալի հիմքը կազ-
մում է կարեկցութիւնը: Կարեկցութիւնը բա-
ցասում է այս տանջալից կեանքը, դրա
համար էլ նա Շօպենհաուէրի համար մօ-
րալ է:

III. ԿԱՐԵԿՑՈՒԹԵԱՆ ԿԱՄ ՏԱՌԱՊԱՆՔԻ

ՄՕՐԱԼԸ.

Մօրալի մասին ճտեղ՝ հեշտ է,
իսկ հիմնաւորել՝ դժւար է:
Շօպենհաուէր.

I

Մենք արդէն յաճախ առիթներ ենք
ունեցել յիշատակելու և շեշտելու, որ բարո-
յագիտութիւնը նշանաւոր տեղ է բռնում
Շօպենհաուէրի փիլիսօփայական սիստեմի
մէջ: Այդ արդէն մասամբ պարզւել է մեր
մինչայժմեան վերլուծումից, իսկ այժմ ա-
ւելի ևս կպարզւի: Նա իրաւացի է մասամբ,
երբ ասում է. «Իմ փիլիսօփայութիւնը ա-
մենից առաջ լրիւ տեղ տւաւ բարոյագիտու-
թեան»: Նա այդ խնդրով զբաղւել է արդէն:

իր գլուխ-գործոցի մէջ. բացի դրանից, նա ունի նաև առանձին գրեածքներ՝ նւիրեած նոյն խնդրին, օրինակ, «Էթիկայի երկու հիմնական սրբութիւնները»:

Մարդկային կամքի ազատութիւնն էթիկայի առաջին սրբութիւնն է համարուում առհասարակ: Այս սրբութիւնը կայ արդէն Շօպենհաուէրի սիստեմում: Կամքը, որպէս իր ինքնին, ազատ է, բայց ոչ երևոյթկամքը:

Շօպենհաուէրի էթիկան, այսինքն նրա գործնական փիլիսօփայութիւնը, ազատագրման մի գեղեցիկ ուսմունք է, կամքի ժխտման վարդապետութիւնը: Շօպենհաուէրի բարոյագիտութիւնը, նրա մօրալը կազմում է նրա համայնապարփակ պեսսիմիստական փիլիսօփայութեան բաղկացուցիչ մասը: Նրա մօրալը յոսետեսական կենսահայեցողութեան արգասիք է: Հաւատարիմ իր հիմնական տեսակէտին, պեսսիմիզմին, նա գնում է կարեկցութեան մօրալը: Կարեկցութիւնը մօրալի հիմքն է: Կարեկցութեան մօրալը ժխտում է կեանքը, հէնց դրա համար էլ նա մօրալ է Շօպենհաուէրի համար:

Շօպենհաուէրի բարոյագիտութիւնը պարտականութեան բարոյագիտութիւնը չէ, ոչ էլ բախտաւորութեան: Շօպենհաուէրի բա-

րոյագիտութիւնը ոչ էլ օգուտի և կամ էվօլիցիօնիստական-առաջադիմական բարոյագիտութիւնն է: Նրա բարոյագիտութիւնը չի կարող դրանցից ոչ մէկը լինել, չի կարող լինել, քանի որ էվօլիցիօնիստական-առաջադիմական և օգուտի բարոյագիտութիւնը ենթադրում է երջանկութիւն, իսկ պարտականութեան բարոյագիտութիւնը պահանջում է հաւատք գէպի կեանքի արժէքը և իմաստը: Իսկ Շօպենհաուէրը, մի կողմից, ժխտում է երջանկութեան կարելիութիւնը և, միւս կողմից, գնում է կամքի ժխտումը: Հետեապէս, ինչպէս նկատեցինք, բարոյագիտական այդ ձևերը չեն կարող տեղ գտնել Շօպենհաուէրի սիստեմի մէջ: Շօպենհաուէրին առհասարակ չեն բաւարարում եղած բարոյագիտական ուղղութիւնները, մանաւանդ հին աշխարհի: Նրան բաւարարութիւն չի տալիս նաև Կանտի բարոյագիտութիւնը, թէև նա ընդունում է վերջինիս մեծ ծառայութիւնը: Կանտի մեծ արժէքը և ծառայութիւնը բարոյագիտութեան մէջ Շօպենհաուէրը տեսնում է նրանում, որ նա մաքրել է բարոյագիտութիւնը երջանկութեան ուսմունքի տարրերից: Հները երջանկութեան բարոյագէտներ էին: Նրանք նոյնացնում էին առաքինութիւնն և երջան-

կութիւնը. նորերը չեն նոյնացում, բայց ուզում են մէկը միւսի հիմքն ընդունել, երջանկութիւնը հեռանք առաքինութեան: Սա մի մոլորութիւն է համարում Շօպենհաուէրը:

Ահա նրա վերագնահատումը հին էթիքական սխտեմներին:

Աւելի քան հասկանալի է, երբ Շօպենհաուէրն առհասարակ քրիստոնէական մօրալը շատ աւելի բարձր է դասում, քան այն բոլոր կրօնների մօրալը, որոնք երբեք երեւցել են Եւրոպայում, քանի որ իր կարեկցութեան մօրալը շատ դրութիւններով նոյնանում է քրիստոնէական մօրալի հետ: Ես չգիտեմ ինձ համար աւելի գեղեցիկ աղօթք, ասում է Շօպենհաուէր, քան այն, որով փակում էին հնդիկները իրենց ներկայացումները «մաղթում եմ բոլոր կենդան արարածներին ազատ մնալ ցաւից և վշտից»:

Սրանով արդէն բնորոշում է Շօպենհաուէրի բարոյագիտութիւնը: Դա կարեկցութեան և տառապանքի մօրալն է: Կենդան արարածներն արժանի են միայն կարեկցութեան: Այդ արդէն մենք գիտենք: Կարեկցութեան զգացումը մարդու մէջ բնածին է, բնական և անջնջելի: Եւ այդ կարեկցութեան զգացումն է կազմում Շօ-

պէնհաուէրի համար միակ աղբիւրը ոչ-եսասիրական գործողութիւնների: Սրան պէտք է տալ բացառապէս բարոյական արժէք: Ահա Շօպենհաուէրի հիմնական գրութիւնը, նրա իմպերատիվը, հրամայականը:

Նա նոյն այդ միտքը մի այլ տեղ այսպէս է բանաձևում. «բոլոր եսասիրական շարժառիթների բացակայութիւնն է բարոյական արժէք ունեցող մի գործողութեան կրիտիքումը, չափը»: ¹⁾ Էգօիզմը և մի գործողութեան բարոյական արժէքը տարամերժ և հակասական գրութիւններ են: Եթէ մի գործողութիւն եսասիրական նպատակ ունի որպէս շարժառիթ, այն ժամանակ չի կարող այդ գործողութիւնն որևէ բարոյական արժէք ունենալ: Եթէ ուզում է մի գործողութիւն այդպիսի մի արժէք ունենալ, այն ժամանակ չպէտք է որևէ էգօիստական նպատակ, անմիջօրէն թէ միջօրէն, մօտաւոր թէ հեռաւոր, շարժառիթ լինել: ²⁾ Շօպենհաուէրի տեսակէտով մի գործողութիւն էգօիստական է, երբ այդ գործողութեան մօտաւոր և վախճանական նպա-

¹⁾ Crundlage d. Ethik, էջ 319

²⁾ ibid, 321.

տակն է հէնց իրեն, գործողի սեփական բարօրութիւնը և ցաւը:

Արդէն դրւած է Շօպենհաուէրի մօրալը: Մեզ արդէն պարզ են նրա մօրալի էական գծերը, նրա բովանդակութիւնը:

II.

Մեր առաջն է Շօպենհաուէրի մօրալը, բայց միայն որպէս դրութիւն: Բայց Շօպենհաուէրը չի ուզում միայն առաջադրել, նա չի ուզում միայն «ճառել մօրալի մասին» — դա անհամեմատ դիւրին գործ է: Այ՛, այդքանը նա քիչ է համարում. նա կամենում է «հիմնաւորել» այն, որը շատ էլ հեշտ գործ չէ:

Շօպենհաուէրն ընդունում է երեք հիմնական մղիչներ մարդկային գործողութեան — էգօիզմ, որն իր սեփական անսահման բարօրութիւնն է կամենում. չարութիւն, որն ուրիշի վիշտն է ցանկանում, և կարեկցութիւն, որն ուրիշի բարօրութիւնն է ուզում:

Գլխաւոր և հիմնական շարժիչը մարդու, ինչպէս և կենդանու մէջ, էգօիզմն է, այսինքն, մղում դէպի գոյութիւն և բարօրութիւն: Էգօիզմը անսահման է. սա՛նրա

էութիւնն է: Մարդն ուզում է անպայման իր գոյութիւնը պահպանել, կամենում է անպայման ազատ լինել ցաւից. նա ցանկանում է բարօրութեան ամենամեծ չափը և զուժարը, նա կամենում է ամեն տեսակի վայելք, որին նա ընդունակ է, այն, նա որոնում է նոր ոյժեր և կարողութիւններ իր մէջ զարգացնելու, յատկապէս վայելքի համար: Եւ ամեն բան, ինչ որ նրա նսասիրական ձգտմանը և տենչանքին ընդդէմ է գնում, առաջ է բերում նրա ատելութիւնը, բարկութիւնը. նա ուզում է վերջինիս, որպէս իր թշնամուն, ոչնչացնել: Նա կամենում է ամեն ինչ վայելիլ: Բայց և այնպէս դա անհարին է, առնւազն անհնարին բոլորին տիրելու: Ամեն ինչ ինձ համար և ոչինչ ուրիշի համար: Ահա նրա ուղածը: Էգօիզմը հսկայական է. նա աշխարհի վրայով է անցնում և տիրում:¹⁾ Միակ աշխարհը, որն ամեն մի մարդ իսկապէս ճանաչում է և որի մասին զիտէ, նա կրում է այդ իր մէջ, որպէս իր պատկերացումը, և, հետևապէս, նա կազմում է այդ աշխարհի կենտրոնը: Նրա համար էլ իւրաքանչիւրն ամեն ինչ է ամեն բանի մէջ, Alles im Allen: Նա իր վրա

¹⁾ Grundlage d. Ethik, էջ 313.

նայում է որպէս բովանդակ իրականութեան տիրոջ վրա և այդտեղ նրա համար չի կարող ոչինչ այնքան կարևոր լինել, որքան ինքը... Այսպէս մեծ է նրա «ինքը», «եսը», բայց, միև կողմից, նա շատ լաւ գիտէ, որ այդ՝ բոլորի վրա իշխող և ամենաէական «ինքը», այս միկրոկոսմոսը, որի սոսկական եղանակաւորումն, մօզիֆիկացիան է համարուում այս աշխարհը—պէտք է ոչնչանայ, եղծանի մահւան մէջ, որ նրա համար նոյնն է նշանակում, ինչ բովանդակ աշխարհի ոչնչացումը: Անա սրանք են այն տարբերը, որոնցից՝ կեանքի կամեցողութեան բազիսի վրա յենած՝ աճում է էգօրիվը, որը տարածւում է մարդկանց միջև որպէս մի գերեզման: Եթէ մէկը յանդգնում է թռչել այդ տարածութեան վրայով՝ մէկին օգնելու համար, այդ արդէն հրաշք է համարուում, միևնոյն ժամանակ ծափերի արժանանում: ¹⁾

Ուրեմն, էգօրիվն առաջին և ամենագլխաւոր, եթէ ոչ միակ, ոյժն է, որը պէտք է յաղթահարւի, մի ոյժ, որի հետ պէտք է կռիւ մղէ բարոյական սկզբունքը: Այսպէս է յայտարարում Ծօպենհաուէրը: Մի ոյժ յաղթահարել, որ ուրիշները համարում են

¹⁾ ibid, էջ 314.

անհատի աղը և ամենգլխաւոր առաջ-մղիչ ու ստեղծագործող ոյժը:

Պէտք է էգօրիվը յետ մղել, ոչնչացնել. նա չունի բարոյական արժէք: Այսպէս է քարոզում Ծօպենհաուէրի բարոյագիտական տեսակէտը: էգօրիվն ամենագլխաւոր խանգարիչ միջոցն է: Եւ իզուր չէ, որ նա դնում է, որպէս չափ բարոյական գործողութեան համար, էգօրիսական շարժառիթի կատարեալ բացակայութիւնը: Անգամ հեռաւոր մտքով չպէտք է գիտէ այդ շարժառիթը, հակառակ դէպքում կնստմանայ բարոյական արժէքի մեծութիւնը և նշանակութիւնը:

III

Ծօպենհաուէրը ժխտում է մարդկային գործողութեան մի հիմնական մղիչը—էգօրիսական ոյժը: Նա բացասում է նաև երկրորդը, չարութիւնը, որը ուրիշի համար միայն չարիք է կամենում: Նա մօրալական արժէք է վերագրում միայն կարեկցութեանը և դրա համար կարեկցութիւնը համարում է իսկական բարոյագիտութեան հիմքը: Կարեկցութեան մօրալը միաժամանակ տառապանքի մօրալն է: Այդ մօրալը աշխարհի վրա նայում է որպէս մի հսկայական տա-

ուսպանքի և տանջանքի վրա. և կեանքը կարօտ է միայն կարեկցութեան: Մարդկային կեանքն ևս, որպէս ընդդրկող աշխարհի մի մասնիկը, արժանի է միայն և միմիայն կարեկցութեան: Մարդ պէտք է կարեկցէ ուրիշին, մերձաւորին, ազգատին և հարուստին, թոյլին և ուժեղին, հիւանդին և առողջին անխտիր. ոչ մէկի վերաբերմամբ չպէտքէ անգութ լինել: Բոլոր սրանք միայն կարեկցութեան կարիք ունեն: Նրանց բոլորի գոյութիւնը, ինչպիսին և ով ուզում է նա լինի, խղճալի է և կարեկցելի: Անգոյթ մարդը չի կարող լաւ մարդ լինել. մինչև իսկ դէպի կենդանիներն անգութ եզողը չի կարող լաւ մարդ լինել: Կենդանիներն ևս արժանի են կարեկցութեան: Մեր դրած մօրալական հիմնական տեսակէտի արժէքն էլ աւելի բարձրանում է, նկատում է Շօպենհաուէրը, երբ ի նկատի էք առնում, որ նա իր պաշտպանութեան տակ է վերցնում նոյնպէս կենդանիներին, որոնք նոյնպէս տառապանք ունին, որոնք նոյնպէս վիշտ և ցաւ ունին, հետեապէս. կարեկցութեան արժանի են: Բոլորովին պէտք է մերժել Դեկարտի այն կոպիտ և ոչ-գիտական բաժանումը, որ գնում է կենդանիների և մարդկանց միջև: Դեկարտի այդ կոպիտ սխալը և մոլորու-

թիւնը յետ մղելով, Շօպենհաուէրն ընդունում է, որ կենդանին ևս սկզբնական կամքի առարկայացումն է, որ նա էլ ներկայացնում է մի կամեցողութիւն դէպի կեանք և գոյութիւն, հատեապէս նա ևս ցաւ է զգում և տանջւում (348 էջ.):

Բայց ռըն է կարեկցական վարմունքը: Կարեկցական է մի գործողութիւն կամ վարմունք, երբ այդ գործողութիւնը կամ վարմունքը տեղի է ունենում բացառապէս ուրիշ բարօրութեան պատճառով: Ուրիշ խօսքով, այդպիսի գործողութեան մէջ բացառապէս ուրիշ բարօրութիւնն և ցաւն է մեր անմիջական շարժառիթը լինում: Աւելի պարզ. երբ ուրիշ բարօրութիւնը և վիշտը բոլորովին իմն է լինում, կամ իմ սեփական կամքն է շարժում, ուրեմն, իմ շարժառիթն է լինում, շատ անգամ մինչև իսկ այն աստիճանի հասնում, որ նրա բարօրութիւնը և վիշտը իմ սեփականն է լինում: Եւ այս լինում է պարզապէս այն պատճառով, որ այն ուրիշը իմ կամքի վերջին նպատակն է դառնում, ճիշտ այնպէս, ինչպէս ևս ինքս եմ իմ վերջին նպատակը: Ես, ուրեմն, անմիջապէս նրա բարօրութիւնն եմ ուզում: Աւելի պարզ ասենք. ևս որոշ չափով և որևէ ձևով նրա հետ նոյնանում եմ, աւելի ճիշտ, մեր

երկուսի բարօրութիւնն և վիշտը նոյնանում են: Այստեղ վերլուծած պրօցեսն ոչ թէ մի երօզական, այլ մի իրական և ոչ—հազազիւտ երևոյթ է: Մա ամենօրեա երևոյթ է կարեկցութեան, կարեկցութեան ոյժի, ուրիշ խօսքով, միանգամայն անմիջական, ամեն տեսակի էգօրստական նկատումներից անկախ մասնակցութիւնը որբիշի տանջանքին և դրա հետ միասին վերացումն այդ տանջանքի, որի մէջ գտնւում է ամեն երջանկութիւն և բարօրութիւն: Ահա այս կարեկցութիւնն է միակ իրական և իսկական բազիսը իսկական մարդասիրութեան և անկաշառ, յստակ արդարութեան: Մարդկային մի գործողութիւն այն չափով միայն մօրալական արժէք ունի, ինչ չափով այդ գործողութիւնը բղխում է վերև շնչուած շարժառիթներից, իսկ այլ մօտիվներից ծագած գործողութիւնը զուրկ է սրնէ: բարոյական արժէքից: Հէնց որ այս կարեկցութիւնը շարժւում է, իմ սրաի մէջ առաջանում է ուրիշի բարօրութիւնը և վիշտը անմիջապէս, ճիշտ այնպէս, ասես նա իմ սեփականը լինի, ուրեմն, իմ և նրա մէջ եղած տարբերութիւնը բացարձակ չէ այլևս: ¹⁾ Որ կա-

¹⁾ Grundlage d. Ethik, էջ 322-23

րեկցութիւնը միակ ոչ-էգօրստական, ինչպէս և միակ բարոյական մղիչն է, այդ ինձ համար անտարակուսելի ճշմարտութիւն է, պնդում է Շօպենհաուէրը:

VI

Հարց. բայց այդ ինչպէս է, մի տառապանք, որ իմը չէ և ինձ չէ վերաբերում, սակայն այնպէս է ինձ վրա անմիջօրէն ազդում, ասես իմը լինի, ասես շարժառիթն ինձ համար լինի, ինձ գործունէութեան մղում: Ինչպէս ասեց, միայն այն բանի շնորհիւ, որ ես այս, թէպէտ սա արտաքին, միայն միջնորդապէս է ղիտողութիւն կամ ծանօթութիւն տալիս, բայց յամենայն դէպս նրա հետ միատեղ ենք զգում, կարծես իմ սեփականն եմ զգում, սակայն ոչ իմ մէջ, այլ մի ուրիշի, և ծագում է այն, ինչ արդէն կալիբերօնը արտայայտել է. «տանջանքը տեսնելու և տանջւելու մէջ մեծ տարբերութիւն չկայ»: Բայց նա արդէն ենթադրում է, որ ես ինձ ուրիշի հետ որոշ չափով նոյնացնում եմ և հետևապէս սահմանը ես-ի և Ոչ-ես-ի միջև, գէթ բոլորով, վերանում է (էջ 340): Ուրեմն կարեկցութեան մէջ վերանում է երկուսի տարբերու-

թիւնը և նոյնանում է երկուսի վիշտը, տա-
ռապանքը և բարօրութիւնը: Շօպենհաուէրը
միանգամայն սխալ, մի հիմնական մոլորու-
թիւն է համարում Կասինայի այն կարծիքը,
որ իբր թէ կարեկցութիւնը ծագում է երե-
ւակայութեան մի բուսական պատրանքի
շնորհիւ, երբ մենք մեզ տանջողի տեղի
ենք դնում և երևակայութեամբ նրա ցաւը
մեր անձի վրա ենք կարծում: Այսպէս չէ
բոլորովին, այլ միշտ էլ, ամեն բուսական
համար պարզ է, որ նա է տանջողը և ոչ
մենք, և հէնց նրա անձի մէջ, և ոչ մերի,
զգում ենք տանջանքը: Մենք տանջուում
ենք նրա հետ, ուրեմն, նրա մէջ. մենք
զգում ենք նրա ցաւը, որպէս նրա ցաւը և
չենք երևակայում, թէ սա մերն է: ¹⁾

Կարեկցութեան հիմնական սկզբունքով
է բացատրում Շօպենհաուէրը մի շարք՝
շատերին առեղծաձային թւացող՝ երևոյթ-
ներ, ինչպէս, սէր, արտասուել կն: Այս երևոյթ-
ների բացատրութեամբ նա տալիս է միա-
ժամանակ վերև շեշտուած և դրւած հարցի
պատասխանը՝ կօնկրէտ օրինակների մէջ:

Սէր, լաց, արտասուք. դրանք կարեկ-
ցութեան արգիսիք են: Սէրը ամբողջապէս

¹⁾ Grund. d. Ethik, էջ 325-26.

կարեկցութիւն է, յայտարարում է Շօպեն-
հաուէրը: Երբ սէրը կատարեալ է լինում,
այն դէպքում մարդ դնում է օտար անհա-
տին, ինչպէս և նրա ճակատագիրը իր սեփա-
կան անձնաւորութեան և ճակատագրի հետ
հաւասար, նման պայմանների մէջ:

Նոյնն է և լացը. սա ևս կարեկցու-
թիւն է, կարեկցութիւն իր վերաբերմամբ.
Նա կարեկցում է ինքն իրեն: Լացի ամբողջ
պրօցեսը պայմանաւորւած է ամբողջապէս
կարեկցութեամբ և երևակայութեամբ: Հէնց
դրա համար էլ քարսիրտ և երևակայու-
թեան ոյժ չունեցող մարդիկ հեշտութեամբ
լաց չեն լինում: ¹⁾ Այսպէս է լուսաբանում
այդ երևոյթը կարեկցութեան բարոյագէտը:
Երբ մենք լաց ենք լինում ոչ մեր սեփա-
կան, այլ օտարի տանջանքի պատճառով,
սա տեղի է ունենում այն բանի շնորհիւ,
որ մենք վառ երևակայութեամբ մեզ տանջ-
ողի տեղ ենք դնում և կամ նրա անջա-
ման մէջ՝ մարդկանցից և աշխարհից՝ մենք
մեր սեփական կեանքը և ճակատագիրն ենք
տեսնում: Ուրեմն էլի կարեկցութիւնը մեզ
հետ է կապւած, մենք մեզ ենք կարեկցում:

¹⁾ Welt als Wille und Vorstel-
lung, IV գիրք, էջ 374.

Նոյն այս երևոյթն է գլխաւոր հիմքը լացի՝
մահւան դէպքում: Սգութիւնը իր կորուստը
չէ, որ լացում է. այսպիսի էգոիստական
արտասուքներից մարդ կկարմրէր: Նա
սկզբում լացում է, իհարկէ, մեռնողի կո-
րուստը, նրա անջատումը: Նա լացում է
սակայն նաև այն դէքում, երբ մեռնողի հա-
մար՝ երկար, ծանր և անբուժելի տանջան-
քից յետոյ՝ մահը մի ցանկալի լուծում էր:
Բայց այստեղ նրան գլխաւորապէս գերում է
մի զգացում, մի կարեկցութիւն ամբողջ
մարդկութեան հանդէպ, և լացում է նրա
անջատումը, կորուստը: Բայց մարդկութեան
այդ անջատման, յաւիտենական հրաժեշտի
մէջ ամենից առաջ և ամենից աւելի իր
գոյութիւնն է տեսնում, նամանաւանդ այն
դէպքում, երբ մեռնողը իր մերձակորներին
է, օրինակ հայրը (IV գ. էջ 375):

IV. ԿԱՄՔԻ ԺԽՏՄԱՆ ԹԷՕՐԻԱՆ

I

Արդէն մեզ պարզ է Շօպենհաուէրի
ամբողջ պետիմիզմը՝ իր մի շարք գրու-
թիւններով և հիմնաւորումներով:

Ի՞նչ է կեանքը: Այս հարցի պատաս-
խանը մենք արդէն ունենք:

Այժմ մի այլ հարց: Եթէ կեանքը վշտի
և արտասուքի ծով է, տառապանքի և տան-
ջանքի աշխարհ. եթէ նա մի կօշմար է՝
ժանրացած մարդու վրա, ինչպէս արտա-
յայտում է Լէօպարդի. եթէ նա երկարատև,
դանդաղ մահ է, եթէ մեր կրծքում կրում
ենք նաև մեր ոչնչութիւնը՝ հէնց ծնւելու
օրից սկսած. եթէ, վերջապէս, մեր կեանքը
տանջանքի և ձանձրոյթի օղակների անհատ-
նում շարան է, եթէ, ասում ենք, կեանքն

այդպիսին է, էլ ինչո՞ւ ապրել, ի՞նչ յոյսով,
նձ համար և ի՞նչի համար: Ահա հարցեր,
որոնք գերում են մարդուն, բռնում նրա
էութիւնը և դառնում խորունկ մտորում-
ների և խոհերի նիւթ:

Ուրեմն միայն վերևի դրութեամբ չի
բաւականանում որո՞նող, երևոյթների և իրի-
րի վախճանական պատճառը պրպտող և
յաւիտենապէս ծարաւի ու խուզարկու միտ-
քը: Նա քրքրում է նոյնպէս ծագման և
վախճանի հարցեր: Նա ուզում է գիտնալ
նաև մեր տանջանք-գոյութեան պատճառը:
Գրա ամենասկզբնական հիմքը:

Ի՞նչն է, ուրեմն, մարդու տանջանք
— գոյութեան պատճառը: Այս հարցը դնում
է ոչ միայն մեր փիլիսոփան, այլ դնում են
նաև ամենամեծ բարոյագէտները և մտա-
ծողները, Քրիստոս, Բուզդա, Կօնֆուցիոս,
Հարտման, Դօստաևսկիյ, Լէօպարդի են: Թէև
նրանք զրեւած հարցին տալիս են տարբեր
պատասխան, բայց մի ընդհանուր հիմքում
միանում են իրար: Մէկը համարում է մար-
դու մեղքը, նրա մեղանշական էութիւնը՝
որպէս պատճառ, ուրիշները տեսնում են
այդ պատճառը յաւիտենապէս անյազուրդ
կամքի մէջ: Վերջինն է առահարակ բոլոր

պեստիմիստների հիմնական տեսակէտը: Կ

Շօպենհաուէրի տեսակէտով ևս, ինչ-
պէս արդէն մասամբ գիտենք, տանջանքի
աղբիւրն է կամքը, կեանքի կամեցողու-
թիւնը: Նա դեռ վաղուց, փոքր հասակից,
եկել յանգել էր այն եզրակացութեան, որ
այս աշխարհը ոչ թէ մի ողորմած արարածի,
մի բարի աստուծոյ ստեղծագործութիւն է,
այլ աւելի շուտ մի սատանայի գործ: Իսկ
այդ «սատանան», ինչպէս գիտենք, կոյր և
տիեզերական կամքն է, արարիչը ներկայ
տանջալից աշխարհի կամ, այլ խօսքերով
արտայայտած, կեանքի անմիտ կամեցողու-
թիւնը, ապրելու անմիտ և աննպատակ տեն-
ջանքը ու մղումը:

Ի՞նչ է, ուրեմն, այս մտքի անմիջական
հետևութիւնը. ի՞նչ անել, ուրեմն:

Ի՞նչ են անում, ի՞նչ են ուսուցանում
ամենախոշոր և տարածւած կրօնական վար-
դապետութիւնները — բուդդայականութիւնը
և քրիստոնէութիւնը: Թէ քրիստոնէութիւնն
և թէ բուդդայականութիւնն ըստ էութեան
աղատազրման կրօններ են: Ազատագրման
կրօններ են այն տեսակէտից, որ սրանցից
և ոչ մէկը, ոչ բուդդայականութիւնը և ոչ
էլ քրիստոնէութիւնը, չէ խոստանում եր-
ջանկութիւն, վայելք և խնդրութիւն: Ոչ. թէ

առաջինը և թէ երկրորդը խոստանում են միմիայն ազատել մարդուն տանջանքից և ցաւից: Ահա սրանով է միայն սահմանափակում նրանց բովանդակ խոստումները և յուսադրումները շարքը: Նրանք աւելի հեռուն չեն գնում: Եւ հետաքրքրականը ու բնորոշը թէ մէկի և թէ միւսի համար այն է, որ նրանք երկուսն էլ իրենց խոստումը, տանջանքից ազատագրելը կամենում են ոչ կուլտուրայի ծաղկման միջոցով ձեռք բարել, ոչ սօցիալական կեանքի բարեփոխման և ոչ էլ կարիքների բաւարարման միջոցով: Գրանցից և ոչ մէկը: Նրանք այդ ազատագրումը հնարաւոր են համարում միմիայն տենչանքի և կամքի ժխտման միջոցով՝ դէպի կեանքը, դէպի երկրային կեանքը:

Ահա այս հիմնական միտքն է դրւած թէ Բուդդայի և թէ Քրիստոսի կենսափիլիսօփայութեան և կրօնի հիմքում: Սա ընդհանուր է թէ մէկի թէ միւսի համար: Ասում ենք ընդհանուր, որովհետեւ քրիստոնէութիւնը երկրային աշխարհը համարում է փորձութեան և նախապատրաստութեան մի շրջան, և սա իմաստ ու արժէք ունի միմիայն մի երկնային յաւերժական կեանքի համար, մի կեանքի, ուր նա մարդկու-

թեանը երջանկութիւն է խոստանում և որի վերաբերմամբ քրիստոնէութիւնը լաւատես է: Ահա սրանումն է կայանում քրիստոնէական կրօնի դուալիստական բնոյթը: Բայց քրիստոնէութիւնը, անկասկած է, այս աշխարհի վերաբերմամբ ֆնում է որպէս մի արհեստիստական կրօնի փիլիսօփայութիւն: Եոր կտակարանում աշխարհը ներկայացրւած է որպէս Արցունքի հովիտ, իսկ տառապանքի գործիքը համարւում է քրիստոնէութեան սիմբոլ: Հետեապէս քրիստոնէութիւնը լաւատեսական վարդապետութեան հետ անհաշտելի է: Նկատում է Ծօպենհաուէրը:

Այն, ինչ ասացինք քրիստոնէութեան մասին՝ մեզ դրապեցնող հարցի տեսակէտից, նոյնը կարող ենք ասել նաև բուդդայականութեան մասին: Բուդդայականութիւնն ևս ազատագրման կրօն է: Բայց այդ ազատագրումը կատարւում է ոչ սօցիալական դրութեան բարելւման և ոչ էլ կուլտուրայի բարձրացման միջոցով: Ոչ. այդ ազատագրումը նա՛ տալիս է միմիայն կամքի ժխտումով: Բուդդայականութեան ազատագրման աշխարհն է «Նիրվանան»։ դա հոգեկան չգոյութիւնն է, մի գրութիւն, մի աշխարհ, ուր չկայ չորս բան—ձնունդ, հիւանդութիւն, ծերութիւն և մահ. կարճ, ուր

չկայ անյագուրդ կամքը, որը տանջանքի աղ-
բիւրն է: Այս վախճանական դրութեան են
հասնում գրեթէ բոլոր յոռետես փիլիսոփա
-մտածողները, մի Հարաման, մի Լէօպար-
դի, մի Բայրօն են: Եւ եթէ մենք խորը և
փիլիսոփայօրէն վերլուծենք, ինչպէս և էթի-
քապէս գնահատենք Բուդդայի « Նիրվանա-
յային դրութիւնը» և քրիստոնէութեան «երկ-
նային կամ ասուածային կեանքը», մենք
 կտեսնենք, որ դրանք իրենց բովանդակու-
 թեամբ և արժէքով կազմում են նոյնու-
 թիւն, դա մէկ և միևնոյն աշխարհն է,
 ուր չկայ տանջանքի աղբիւրը, մարդու
 «մեղանշական էութիւնը» և «անյագուրդ
 կամքը»:

Բայց անցնենք. այդ մասին մենք յե-
 տոյ երկարօրէն և հանգամանօրէն կխօսենք,
 երբ կտանք «Նիրվանայի» հասկացողու-
 թիւնը:

II

Իսկ ի՞նչ է ասում Շօպենհաուէրը:

Մարդու գոյութեան սկզբունքը վճռա-
 կանապէս անհիմ է, նա մի կոյր կամեցո-
 ղութիւն է դէպի կեանքը, և այդ կոյր կամե-
 ցողութիւնը, որպէս իրն ինքնին, չի են-
 թարկւում հիմքի օրէնքին:

Ահա այդ կոյր կամքը, ապրելու ան-
 միա մղումը պէտք է վերացնել, որը յաւի-
 տենախան է և պատճառում է տանջանք ու
 վիշտ: Եւ դնում է կամքի ժխտումը, բացա-
 սումը տենչանքի և ցանկութեան դէպի
 ապրելը, դէպի գոյութիւնը: Շօպենհաուէրը
 տալիս է ամբողջ մի թէօրիա կամքի
 ժխտման մասին, մի թէօրիա, որը գալիս
 նոյնանում է Բուդդայի «Նիրվանայի» թէ-
 օրիայի հետ:

Կամքի ժխտումով վերանում են բնա-
 կանօրէն բոլոր հետեւեալ աստիճանները—
 կամքի ամբողջ երևոյթը, ինչպէս և երևոյթի
 ընդհանուր ձևերը, տարածութիւն և ժամա-
 նակ, նոյնպէս և կամքի վերջին և ամենա-
 հիմնական ձևը՝ օրիեկտ և սուբիեկտ: Չկայ
 կամք, չկայ հետեւապէս պատկերացում,
 չկայ աշխարհ:՝) Մեր առաջ անում է միայն
 ոչնչութիւնը: Բայց այդ ոչնչութիւնը յա-
 րաբերական մեծութիւն է. նա էլ մի բան
 է, արսօլիւտ, անպայման չէութիւն չէ,
 ինչպէս մի քանի անգամ պնդում է Շօպեն-
 հաուէրը:

Ուրեմն, մահը, հետեւապէս ինքնասպա-
 նութիւնը կարող է դիտուել պեսսիմիստ-

1) W. a. W. u. V. IV գ. էջ 408.

ների, ինչպէս և Շօպենհաուէրի համար ամենալաւ միջոցը ազատագրման: Միւս կողմից պէտք է որ մահը համարէր նրանց համար ամենամեծ բարիքը և ոչ թէ դիտէր որպէս չարիք: Բայց նրանք, բացառութեամբ մի քանիսի, դէմ են ինքնասպանութեան և մահը համարում են չարիք: Մի աչքի դարնող և ազազակող հակասութիւն: Ինքնասպանութեանը դէմ է նաև մեր փիլիսօփան, Շօպենհաուէրը: Ինքնասպանութիւնը և կամքի ժխտումը տարբեր դրութիւններ են, պնդում է նա, և դրա համար էլ նա չի յանձնարարում ինքնասպանութիւնը, որպէս մի միջոց տանջանքից ազատագրելու: Բայց կան, ասացինք, յոռետես մտածողներ, որոնք քարոզում են ուղղակի ինքնասպանութիւն, օրինակ, Էդուարդ Փօն չարտման ևն: Առհասարակ բոլոր կրօնների ուսուցիչները դէմ են անձնասպանութեան: Այդ համարում են ոչ միայն մեղկութիւն, այլ մինչև իսկ ոչ-բանաւոր և անարդար: Այդ տեսակէտի վրա է կանգնած նաև մեր ժամանակի մեծ բարոյագէտը, Տօլստօյ: Տօլստօյը, որին այնքան զբաղեցրել է մահու և կեանքի դժարին հարցը, նոյնպէս ծառանում է ինքնասպանութեան դէմ: Իբր զխում է նրա հիմնական տեսակէտից: Նա

նախ և առաջ պատկանում է այն բարոյագէտների թւին, որոնք ինքնասպանութիւնը հռչակում են որպէս մեղկութիւն և անիրաւացի: Իեռ Արիստոտելն ասել է, որ դա մի անիրաւացի քայլ է պետութեան հանդէպ, ինչպէս և իր անձնաւորութեան: Տօլստօյը չի ընդունում, որ դրանով մեղքւում է կեանքը: Կեանքը մահով ստանում է միայն մի այլ ձև. նա կերպարանափոխուում է, բայց նա անտարակուսելիօրէն շարունակւում է: Ուրեմն, ինչ բանաւոր հիմք կայ կարճելու կեանքը և թոյլ շտալ ապրելու մինչև բնական մահը, մինչև բնական ձևով կեանքի կերպարանափոխութիւնը: Տօլստօյը քարոզում է, ինչպէս և շատ պետսիմիստներ, նոյնպէս և Շօպենհաուէրը (որից շատ ազդւել է Տօլստօյ) «կեանքը երանգ է, մահը—արթնացում»: Տօլստօյի կարծիքով մահը սկիզբն է մի նորոգ կեանքի: Մարդ չպէտք է մահու երկիւղ ունենայ, որովհետև մահ չկայ: Այսպէս են մեռել նրա շատ հերոսները, ինչպէս Լիլչը: Այդպէս մեռաւ նաև ինքը, մեր օրերի մարգարէն:

Այդ կէտում Շօպենհաուէրի և Տօլստօյի կարծիքները շատ մօտ են իրար: Պէտք է նկատենք, որ Շօպենհաուէրը հա-

մարում էր Տօլստօյի համար մի հանճարեղ մտածող, ինչպէս արդէն յիշատակել ենք նրա տպաւորութիւնը, և նա շատ ազդեւ է Ծօպենհաուէրից: Նա ազդեւ է հէնց իր հիմնական բարոյագիտական, մեթաֆիզիքական հայեացքների ձևակերպման մէջ: Մենք գիտենք, որ մեր փիլիսօփան կեանքի, բովանդակ աշխարհի հիմքում ընդունում է տիեզերական կամքը: Եւ նրա տիեզերական կամքի փոխարէն Տօլստօյ ընդունում է տիեզերական սէրը: Սէրն է նրա մօրալի հիմքը: Սէրը—դա կեանքն է: Կեանքը—սէր է: «Զկայ մահ», ասում է ճշմարտութեան ձայնը: «Ես եմ յարութիւն և կեանք»: Սէրն է ոչնչացնում կեանքի բոլոր հակասութիւնները: Սէրը ստեղծում է ներդաշնակութիւն: Սէրը—Աստուած է, Աստուած—սէր է: Աստուած մեր մէջ է: Սէրը, ուրեմն, դառնում է մետաֆիզիքական հիմքը նրա բարոյագիտական—կրօնական հայեացքներին: Սէր—կեանք, Աստուած—սէր. սա կազմում է միաժամակ այն ամենաբարձր կեանքը, այն երանելի դրութիւնը, ուր անդորր է մարդու խիղճը: Դա նոյն է, ինչ դնում են ազատագրման կրօնները, քրիստոնէութիւնը, բուդդայականութիւնը և բրահմականութիւնը: Յենւելով ահա իր այս հիմ-

նական ըմբռնողութեան վրա, Տօլստօյը դէմ է ինքնասպանութեան:

Իսկ ինչո՞ւ Ծօպենհաուէրը դէմ է ինքնասպանութեան: Նա տալիս է ամբողջ մի թէօրիա այդ մասին: Թող ներւի մեղ, եթէ մի փոքր աւելի ծանրանանք այս կէտի վրա. մանաւանդ որ այժմ այդ մասին աւելի քան խօսում է, և այդ հարցը, ինքնասպանութեան խնդիրը դառել է ներկայումս այժմէական և լուրջ հասարակական խնդիր: Այժմ չէ որ դա մի հասարակական չարիք է ներկայացնում, ստանալով համաճարակի ընաւորութիւն:

Ինչո՞ւ և ե՞րբ է մարդ դիմում ինքնասպանութեան: Արդիօք ամեն ժամանակ կարո՞ղ է այդ միտքը ծագել: Ծօպենհաուէրն ունի իր ինքնուրոյն տեսակէտը այդ մասին:

Այդ հարցին պատասխանելու համար, անհրաժեշտ է համեմատել մահը և կեանքը: Կեանքը—տանջանք է: Այս է ասում Ծօպենհաուէրը: Բայց նոյն Ծօպենհաուէրը, միւս կողմից, ասում է, որ մահը չարիքներից վատթարագոյնն է: Կեանքը ցաւ է, ասում է նա, բայց, միւս կողմից, մահը ցաւի ամենավատ տեսակն է: Կեանքը—տանջանք, արցունքի հովիտ, կօշմար: Բայց ո՞վ

մարում էր Տօլստօյի համար մի հանճարեղ մտածող, ինչպէս արդէն յիշատակել ենք նրա տպաւորութիւնը, և նա շատ ազդել է Շօպենհաուէրից: Նա ազդել է հէնց իր հիմնական բարոյագիտական, մեքաֆիզիքական հայեացքների ձևակերպման մէջ: Մենք գիտենք, որ մեր փիլիսօփան կեանքի, բովանդակ աշխարհի հիմքում ընդունում է տիեզերական կամքը: Եւ նրա տիեզերական կամքի փոխարէն Տօլստօյ ընդունում է տիեզերական սէրը: Սէրն է նրա մօրալի հիմքը: Սէրը— դա կեանքն է: Կեանքը— սէր է: «Չկայ մահ», ասում է ճշմարտութեան ձայնը: «Ես եմ յարութիւն և կեանք»: Սէրն է ոչնչացնում կեանքի բոլոր հակասութիւնները: Սէրը ստեղծում է ներդաշնակութիւն: Սէրը— Աստուած է, Աստուած— սէր է: Աստուած մեր մէջ է: Սէրը, ուրեմն, դառնում է մետաֆիզիքական հիմքը նրա բարոյագիտական— կրօնական հայեացքների: Սէր— կեանք, Աստուած— սէր. սա կազմում է միտամակ այն ամենաբարձր կեանքը, այն երանելի դրութիւնը, ուր անդորր է մարդու խիղճը: Դա նոյն է, ինչ դնում են ազատագրման կրօնները, քրիստոնէութիւնը, բուդդայականութիւնը և բրահմականութիւնը: Յենւելով անա իր այս հիմ-

նական ըմբռնողութեան վրա, Տօլստօյը դէմ է ինքնասպանութեան:

Իսկ ինչո՞ւ Շօպենհաուէրը դէմ է ինքնասպանութեան: Նա տալիս է ամբողջ մի թէօրիա այդ մասին: Թող ներւի մեզ, եթէ մի փոքր աւելի ծանրանանք այս կէտի վրա. մանաւանդ որ այժմ այդ մասին աւելի քան խօսում է, և այդ հարցը, ինքնասպանութեան խնդիրը դառել է ներկայումս այժմէական և լուրջ հասարակական խնդիր: Այժմ չէ՞ որ դա մի հասարակական չարիք է ներկայացնում, ստանալով համաձայնակի ընաւորութիւն:

Ինչո՞ւ և երբ է մարդ դիմում ինքնասպանութեան: Արդիօք ամեն ժամանակ կարճ է այդ միտքը ծագել: Շօպենհաուէրն ունի իր ինքնուրոյն տեսակէտը այդ մասին:

Այդ հարցին պատասխանելու համար, անհրաժեշտ է համեմատել մահը և կեանքը: Կեանքը— տանջանք է: Այս է ասում Շօպենհաուէրը: Բայց նոյն Շօպենհաուէրը, միևս կողմից, ասում է, որ մահը չարիքներից վատթարագոյնն է: Կեանքը ցաւ է, ասում է նա, բայց, միևս կողմից, մահը ցաւի ամենավատ տեսակն է: Կեանքը— տանջանք, արցունքի հովիտ, կօշմար: Բայց ո՞վ

կարող էր այսպիսի աշխարհում ապրել և յարատևել, բացականշում է մեր փիլիսոփան, եթէ մահը՝ կեանքի հետ համեմատած՝ աւելի պակաս սարսափելի լինէր, և ո՞վ կարող էր կրել անգամ մահու երկիւղը, եթէ կեանքը յերաւի մի վայելք, մի ուրախութիւն լինէր: Եւ մենք մխիթարուում ենք կեանքի տանջանքով՝ մահւան հետ համեմատած, մխիթարուում մահով՝ կեանքի տանջանքն ինկատի առնելով (IV գ. էջ 367): Եւ այն, ինչ այս մշտնջենապէս տանջալի և դժւարին կուում յարատևել է թոյլ տալիս, դա ոչ թէ կեանքի սէրն է, այլ միայն մահւան երկիւղը, ասում է մի այլ տեղ Շօպենհաուէրը (IV գ. էջ 110):

Այսպէս է ահա զարգացնում և վերլուծում մահու և կեանքի յարաբերութիւնը: Այդ յարաբերութեան հասկացողութիւնից էլ բղխում է նրա տեսակէտը և պատասխանը վերև դրած հարցի վերաբերմամբ:

Մարդ երբ է դիմում ինքնասպանութեան: Մարդ անձնասպանութիւն է գործում, կարճում է իր կեանքը, երբ կեանքի սարսափը և տանջանքը յաղթանակում է մահւան երկիւղին և տանջանքին. ուրիշ խօսքով, երբ մահւան երկիւղը, որպէս ցաւ, աւելի նւազ է երևում, քան այն, ինչ կրում

է մարդ այս աշխարհում: Ահա այսպիսի պարագայում մարդ համարձակօրէն և վճռական կերպով ու անվախ վերջ է տալիս իր գոյութեանը: ¹⁾ Բայց քանի կեանքը աւելի պակաս տանջալի կերևայ, քան մահը, քանի կեանքը բարիք կհամարւի մահու հանդէպ, անձնասպանութեան միտքը չի կարող յաղթանակել: Այսպիսի դէպքում դեռ կեանքը, թէև «խուժերով և յորձանքներով» լի, թէև մի «արցունքի հովիտ», բայց էլի ներկայացնում է մի բարիք, յարաբերական բարիք մահու հանդէպ: Ուրիշները նոյն հիմնական դրութիւնն են պաշտպանում, երբ ասում են. երբ պակասում է կենսուրախութիւնը, կեանքի զւարթութիւնը, այն ժամանկ առաջանում է մելամաղձոտութիւն. երբ մէկի մէջ այդ կենսուրախութիւնը միանգամայն մարում է, ցամաքում, այն միջոցին կարող է շատ բնական և հասկանալի պատճառներով առաջ գալ անձնասպանութիւնը:

Շօպենհաուէրն ինքնասպանութեան երևոյթի վրա նայում է նոյնպէս մի այլ տեսակէտից, որը շատ բնորոշ է և երիտասարդ հոգիներին համար կարող է յերաւի դիկա-

¹⁾ Über den Selbstmord, էջ 270.

վար տեսակէտ հանդիսանալ: Նա ասում է. ինքնասպանութիւնը կարող է դիտել նաև որպէս մի փորձ, մի հարց, որ մարդ ուղղում է բնութեանը և զրանով պահանջում է մի պատասխան, այսինքն, նա ուզում է իմանալ, թէ ի՞նչ փոփոխութիւն է ստանում մարդու գոյութիւնը և գիտակցութիւնը մահւան միջոցով: Որ դա շատ որոնող, հարցասէր, երազող և միստիկ հոգիների կարող է գրաւել, մինչև իսկ համակել, դա աւելի քան հոգեբանական է և հասկանալի: Տօլստօյ ասում է. «մահը սկիզբն է մի նոր կեանքի»: Միթէ՞ չեն կարող երազող և միստիկ մարդիկ փորձի դիմել, հէնց այդ նոր կեանքը իմանալու գիտաւորութեամբ. միթէ՞ իսկապէս չի կարող հէնց այդ հետաքրքրութիւնը դառնալ որպէս շարժառիթ ինքնասպանութեան: Բայց որ դա, միև կողմից, անյաջող փորձ կլինի, աւելի քան պարզ է. պարզ է հէնց այն հասարակ պատճառով, որ զրանով վերանում է գիտակցութեան նոյնութիւնը. չէ՞ որ պէտք է գիտակցութիւնը իրազեկ լինէր:

Առաջին հարցը, կարծում ենք, արդէն սպառւած է և լուսարանւած, այսինքն, թէ երբ է մարդ դիմում ինքնասպանութեան: Իսկ թէ ի՞նչպիսին են այն երևոյթները և

հանդամանքները, որոնք տալիս են կեանքին այն կերպարանքը, երբ մահւան երկիւղը նսեմանում է կեանքի սարսափի և տանջանքի առաջ, այդ հարցով մենք կզբաղւենք յաջորդ գլխում, պիտիմիզմի պատճառների մասին խօսելիս:

Այժմ դառնանք միև հարցին: Ի՞նչու Ծօպենհաուէրը դէմ է ինքնասպանութեան: Այստեղ մենք շատ բան չունենք ասելու: Արդէն մասամբ ասել է: Ասացինք, որ Ծօպենհաուէրի տեսակէտով, ինքնասպանութեան և կամքի ժխտման երևոյթները տարբեր հասկացողութիւններ են: Դրանք չեն նոյնանում: Ծօպենհաուէրը քարոզում է կամքի ժխտում. դա աւելին է, քան ինքնասպանութիւնը: Այն, ինչ ցանկանում է Ծօպենհաուէրը, չի տալիս անձնասպանութիւնը, անհատի ինքնաժխտումը: Ինքնասպանութիւնով վերանում է միայն անհատը, միայն եղևոյթը, բայց երբէք կամքը, իրն ինքնինը, իրերի և երևոյթների էութիւնը և կորիզը: Ինքնասպանութիւնը կեանքի կամեցողութեան իսկական մօրալական ժըխտումը չէ: Ինքնասպանը և կամքը ժխտողը տարբեր շարժառիթներ ունին իրենց գործողութեան համար: Նրանք ունին նաև տարբեր հիմունք: Ինքնասպանը ցանկա-

նում է ապրել, նա դժգոհում է միայն տիրող
 դրութիւնից և պայմաններից, որոնց տակ
 նա հղել է այդպիսին: Իրա համար էլ նա
 չի հրաժարուում կեանքի կամեցողութիւնից,
 այլ միայն կեանքից, որի մէջ նա միայն
 մասնակի երևոյթն է ոչնչացնում: Նա կա-
 մենում է կեանք, նա ուզում է մարմինը
 չխանգարող գոյութիւն, բայց պայմանների
 դասաւորութիւնը թոյլ չի տալիս այդ, և
 դրա համար էլ ծագում է մեծ տանջանք:
 Կամքը յաւէտ է, ասում է Շօպենհաուէրը.
 նա իշխում է երևոյթների վրա: Ինչպէս որ
 արևը չի դադարում լուսաւորել, երբ նա
 ծածկուում է մեր տեսողութիւնից, այնպէս
 էլ կեանքի կամեցողութիւնը չի ոչնչանում,
 երբ մեռնում են առանձին անհատները:

Շօպենհաուէրը իր հարւածը ուղղում
 է ահա այդ հիմքի դէմ—կամքի և ոչ թէ
 նրա երևոյթների: Իսկ ինքնասպանը ոչնչա-
 ցնում է միայն այդ երևոյթը: Նա գնում է
 կամքի ժխտումը: Իսկ կամքի ժխտումից
 դուրս հնարաւոր լինի հետեցնել ոչ թէ ան-
 հատական, այլ աւելի շուտ կոլլեկտիվ ինքնա-
 սպանութիւն: Յամենայն դէպս կեանքի
 ժխտումը Շօպենհաուէրի համար նոյնն է,
 ինչ Բուդդայի համար Նիրվանան:

Ի՞նչ է Նիրվանան:

Մենք շատ բան չունինք Նիրվանայի
 մասին ասելու: Բուդդայի կրօնի փիլիսոփա-
 յութեան մէջ անգամ, որը դրել է այդ
 դրութիւնը, չկան պարզ և որոշապէս ձևա-
 կերպւած դրութիւներ այդ մասին, իսկ մա-
 նրամասը վերլուծում բոլորովին չկայ: Իս
 միայն որպէս դրութիւն արծարծւած է:
 Նոյն անորոշութիւնն է նաև Շօպենհաուէրի
 փիլիսոփայութեան մէջ: Նա վերցրել է
 հնդկական կրօնից, առանց երկարորէն լու-
 սաբանելու և պարզելու նրա բնոյթը ու բո-
 վանդակութիւնը:

Այդ այդպէս լինելով հանդերձ, էլի
 կարելի է մօտաւոր զազափար կազմել Նիր-
 վանայի մասին այն կտորներից և փոքրիկ
 մտքերից, որ գտնում ենք թէ մէկի և թէ
 միւսի մօտ:

Բուդդայի կրօնական—փիլիսոփայա-
 կան ուսմունքի մէջ Նիրվանան մի մօ-
 րալական դրութիւն է. դա գերագոյն դրու-
 թիւնն է մարդու հոգեկան կեանքում: Նիր-
 վանայով կատարում է ազատագրումը յա-
 ւիտենական տանջանքից և վշտից: Եւ այս
 դրութիւնը պէտք է իրագործւի այս կեան-

քում, այս աշխարհում, և ոչ թէ մի անդր-
երկրային աշխարհում: Այսպէս է հետևում
Բուդդայի բարոյագիտութիւնից: Տանձանքի
և վշտի մէջ չկայ նիրվանա, և նիրվանայի
մէջ չկայ տանձանք և վիշտ:

Նիրվանան զգացումի մի անմեղ հան-
գիստ է, անդորրութիւն: Ստոյիկները գերա-
զոյն երջանկութիւնը տեսնում էին հոգու
հանգստի, երանելի անդորրութեան մէջ, և
այդ վիճակը նրանք հնարաւոր են համա-
րում միմիայն պարտականութեան անթերի
կատարման միջոցով: Բայց Բուդդայի բա-
րոյագիտութեան իմաստով նիրվանան
ներկայացնում է իրենից մի կատարելի-
ութիւն բարութեան, խաղաղութեան և ի-
մաստութեան մէջ: Իտալացի յայտնի յոռե-
տես բանաստեղծ Լէօպարդին ասում է.
Կեանքը կօշմար է, հարբիր ազատագրելու
համար. հարբիր ինչով ուզում ես, գինիով,
պօէզիայով, հասարակական գործով: Շօպեն-
հաուէրը մատնանշում է երեք միջոցներ,
որոնցով հնարաւոր է գիմել կամքի ժլխտ-
ման, ուրիշ խօսքով, ստեղծել նիրվանային
դրութիւն—գեղագիտական զգացում, կա-
րեկցութեան մօրալ և կեանքի ճգնաւորա-
կան կվիէտիվ: Դեռ մանկութիւնից նրա
մէջ առաջ էր եկել գեղագիտական ուժեղ

պահանջ: Նա հոգու մեծ թիթևութիւն էր
զգում ճամբորդելիս, գեղեցիկ երկրներ դի-
տելիս: Գէօթէ, Շէքսպիր և Բայրօն. դրանք
Շօպենհաուէրի համար պօէզիայի ամենա-
մեծ օրինակներն են: Այդ պօէզիան վերացնում
էր կօշմարը:

Այսպիսի առումով նիրվանան, իհարկէ,
դեռ չէ նշանակում պարզապէս ոչնչացում,
հոգու և կեանքի մարում: Յամենայն դէպս
այդ չի թելադրում, աւելի ճիշտ, չի
ասում որոշ կերպով բուդդայական կրօնը,
ոչ էլ Շօպենհաուէրի պեսիմիզմը: Բայց
նիրվանան մարումն է հոգու այն մեղսակից,
մեղանշական յատկութեան, որ պատճառ է
դառնում անհատական գործունէութեան
նորոգելուն:

Մենք գիտենք արդէն Բուդդայի յոռե-
տեսութեան հիմնական դրութիւնը: Նա պարզ
է և շեշտած: — «Ծնունդ — տանձանք, հի-
ւանդութիւն — տանձանք, մահ — տանձանք»:
Եւ Բուդդայի քարոզած նիրվանային դրու-
թեան մէջ չկան չորս բան — ծնունդ,
հիւանդութիւն, ծիրութիւն և մահ: Դա
Բուդդայի կրօնական — միստիկական միւ-
թոսն է, որն ըստ էութեան նոյնն է, ինչ
բրահմանական կրօնի մէջ հոգու զարթումը:
Նոյն բանը քարոզում է նաև չինացի կրօ-

նազէտ-փիլիսօփան Լաօ-Չի, Կօնֆուցիոսին ժամանակակից մտածող:

Այդ միստիկական—կրօնական ձևա-
կերպումները շատ ազդել են առհասարակ
Շօպենհաուէրի վրայ, և նա այդ համարում
է ամենախորունկը բոլոր միւթոններից:
Կամքի ժխտումով Շօպենհաուէրը մօտե-
նում է այդ միստիկական դրուժեան: Շօ-
պենհաուէրը կանգնած է կլիեմտիզմի վրա
և ոչ թէ մօտիվի, շարժառիթի: Կլիեմտիզմ
տոնաջացնում է այն, ինչ զնուժ է նիրվանան,
ազնատագրումն աշխարհի: Կլիեմտիզմ նշանա-
նակում է հանդիստ: Շարժառիթները կամքի
պահպանման մէջ են, դեր խաղում, իսկ
կլիեմտիզմը կամքի ժխտման: Այդ է զրել
նաև Բուդդան իր նիրվանայով, և այդ հա-
մարում է Շօպենհաուէրն էթիքական հանձա-
րեղութիւն: Կլիեմտիզմով ձեռք բերւած փրկու-
թիւնը յաւիտեանական, երանելի հանդիստն
է, անդորրութիւնը: Շատ միստիկներ են
այդ դրութիւնը երեակայել և անընդհատ
անում է նաև մեր փիլիսօփան: Միստիկ
մտածողութիւնը նրա մէջ շատ ուժեղ է:
Շօպենհաուէրը ամբողջապէս ընդունում է
Բուդդայի միստիկական—մետաֆիզիքական
ձևակերպումը: Նա նկատում է, չպէտք է
նիրվանան համեմատել ոչնչութեան հետ:

Ում համար այս աշխարհը ոչինչ է, նրա
համար նիրվանան ամեն ինչ է, իսկ ում
համար այս աշխարհը ամեն ինչ է, նրա
համար նիրվանան ոչինչ է:

Այսպիսի միստիկական—կրօնական
բնոյթ է կրում նաև քրիստոնէութեան մէջ
«հանգերձեալ կեանքի» հասկացողութիւնը:
Այդ էլ մի մօրալական դրութիւն է, մի
նիրվանա, ուր չկայ մարդու, աշխարհի մե-
ղանչական կողմը: Այդ աշխարհը յաւիտե-
նական է, երանաւէտ, անտանջանք, ինչպէս
նիրվանային աշխարհը բուդդայական կրօնի
մէջ: Այդ ևս բրահմականութեան նման ներ-
կայացնում է իրենից հօգու գաղթումն. ոչ
պակաս մութոս, քան Բրահմայի բանաձե-
ւածը:

Ի՞նչ է, վերջապէս, մեր օրերի մեծ
բարոյագէտի, կաւելացնեմ, մեծ միստիկի,
Տօլստօյի հետեւալ աֆօրիզմը. «Смерть—это
пробуждение, начало новой жизни»: Այս թէև
նոր չէ աւոււմ, թէև շատ միստիկներ են
քարոզել, բայց Տօլստօյ աւելի քան սեփա-
կանեց և տարածեց: Տօլստօյի այդ դրու-
թիւնը ունի իր մէջ մի միստիկական,
կրօնական և բնազանցական միւթոսի բոլոր
տարրերը: Սա միթէ նման չէ բրահմակա-
նութեան միստիկական ձևակերպման—հո-

գու գաղթումը մի նոր աշխարհ: Համեմատութիւնը կարելի է շատ կողմերով և շատ միւթոսների հետ շարունակել:

Մեր յիշատակած բոլոր ձևերը, ազատագրման կրօնների բոլոր բանաձևերը ունին նմանութեան անթիւ գծեր, անգամ հիմնական գծերով միանում են:

V. ՇՕՊԵՆՀԱՈՒԷՐԻ ՊԵՍՍԻՄԻԶՄԻ
ՊԱՏՃԱՌՆԵՐԸ.

I

Այժմ, երբ արդէն մի կողմից պարզ է Շօպենհաուէրի պեսսիմիզմը՝ իր էական գծերով և դրութիւններով և, միւս կողմից, յայտնի է նրա ամբողջ կեանքի զարգացումը՝ իր բոլոր կարեւոր, նրա անձնաւորութիւնը բնորոշող կողմերով և յատկութիւններով— կարելի է, կարծում ենք, անցնել Շօպենհաուէրի պեսսիմիզմի պատճառների լուսաբանութեանը: Սա խիստ կարեւոր է: Եւ մենք կաշխատենք հանգամանօրէն կանգ առնել այդ հարցի լուսաբանութեան վրա, որովհետեւ դրա վրա մենք նայում ենք նաև որպէս Շօպենհաուէրի պեսսիմիզմի քննադատութեան վրա:

Բայց ի՞նչ տեսակի և կարգի շարժա-
ռիթմեր և պարագաներ են դեր խաղում
յոռետեսական կենսահայեցողութեան մէջ
առհասարակ: Այս ընդհանուր հարցի լուսա-
բանութիւնը և լուծումը կտայ միաժամա-
նակ մեր դրած խնդրի լուսարանութիւնը:

Ուրեմն, մօտենանք հարցին ընդհանրա-
պէս: Այս հարցի կարևորութիւնը շեշտում
է նաև մի այլ տեսակէտից: Այդ հարցը
ներկայ դարաշրջանի համար խիստ այժմէա-
կան է և լուրջ դրադմունքի առարկայ է,
քանի որ դրա հետ սերտօրէն կապւած է
վերջերս համաճարակի բնոյթ ստացած
ինքնասպանութեան երևոյթը, մի երևոյթ,
որը միաժամանակ ընդհանուր—հասարակա-
կան խնդրի բնատրութիւն և նշանակու-
թիւն ունի: Ներկայ էպօխսան առհասարակ
կրում է աչքի դարնույ յոռետեսական գունա-
ւորում և տրամադրութիւն: Այդ տրամա-
դրութիւնը շատերի վրա է ազդում, շատե-
րին համակում: Էպօխսայի այդ տրամադրու-
թիւնը բնականօրէն արտայայտում է նաև
ժամանակակից գրողների մէջ, մանաւանդ
ուսական գրականութեան մէջ և կեանքում:

Առհասարակ շատ սովորական երևոյթ-
ների շարքին պատկանում է նաև այն երե-
ւոյթը, որ անհատների, ինչպէս և ժո-

ղովուրդների կեանքում լինում են շրջան-
ներ, երբ տիրում է գլխաւորապէս յոռետե-
տեսական տրամադրութիւն և տեսակէտ:
Այդպիսի շրջաններ շատ են արձանագրւած
ընդհանուր ժողովուրդների կեանքի մէջ,
համաշխարհային պատմութեան էջերում:
Այդպիսի մի էպօխս է ապրում այժմ Ռու-
սաստանը: Նոյնն է նաև անհատների վե-
րաբերմամբ, որոնք կամ իրենց կեանքի
որոշ շրջաններում լցւած են լինում յոռե-
տեսական զգացումով և տրամադրութեամբ
և կամ իրենց ամբողջ կեանքի ընթացքում:

Այդ երևոյթի մէջ դեր խաղացող
պատճառները կարելի է բաժանել երկու
կարգի—գուտ անհատական-հոգեբանական
և սօցիալ-քաղաքական. մէկ կարգի պատ-
ճառները բղխում են սուրիեկտից, նրա
ներքին ապրումներից և հոգուց, իսկ միւս
կարգի պատճառները արդիւնք են արտա-
քին պայմանների: Այդ երկու կարգի պատ-
ճառները կարելի է անւանել նաև ներքին
ու արտաքին:

Ի՞նչ կերպարանքով են երևան գալիս
այդ երկու կարգի պատճառները:

Այդ պատճառների լուսարանութեանը
մօտենալիս պէտք է մի դրութիւն ընդու-
նել որպէս ճշգրիտ: Այդ այն է, որ մարդ-

անհատը աւելի յոռետես է, քան լաւատես: Որքան էլ մարդ աշխատէ տեսականօրէն ժխտել այդ դրութիւնը, գործնականապէս դա անտարակուսելի է: Այդ տեսնում է ամեն մի մարդ իր սուրբիեկտիվ գիտակցութեան, ի՞նչ անհատականութեան մէջ: Որքան էլ, ասում ենք, մեջ բերենք տեսական պնդումներ, որքան էլ դենք անհունի հետ ձուլուելու խնդիր, արեգբերականն իր մէջ գրկելու են: Դրանք բոլորովին չեն փրկում, և միշտ էլ ցցւած է անհատի առաջ սուրբիեկտիվ գիտակցութեան, անհատի, որպէս այդպիսինի, ոչնչացումը: Իդուր չէ, որ ասում է, թէ մարդը իր մասն է կրում իր կրօնը: «Ես չեմ կարող լինել գոհ և երջանիկ միջև իսկ իմ ամենբախտաւոր սիրոյ միջոցին՝ դէպի մարդկութիւնը և մարդկութեան կողից դէպի ինձ, քանի որ շատ լաւ գիտեմ, որ վաղը այդ բոլորը ոչնչանալու է: Եւ ես, և՛ երջանկութիւն, և՛ սէր, և՛ համայն մարդկութիւնը, դիմում ենք դէպի ոչնչութիւնը, նախկին քաօսային դրութիւնը: Իսկ այսպիսի պայմանների տակ չեմ կարող ընդունել երջանկութիւն... վաղւայ ոչնչութեան սպառնալիքը—սա անմիջական զգացումն է, և ես չեմ կարող նրա հետ մաքառել»...

Ահա ինչպէս է տրամաբանում Դոստոևսկու մի հերոսը: Մարդու ամենանուրբ և զգայուն, գուցէ և աւերող կողմն է յայտնագործում հոշակաւոր մարդագէտը և հոգեբանը: Հակաճառել դժւար է՝ անհատական—հոգեբանական տեսակէտից: Դա մարդու հողու փիլիսօփայութիւնն է: Դոստոևսկու բոլոր հերոսները այսպէս են խօսում— «կեանքը ցաւ է», «կեանքն ինքը սարսափելին է», «կեանքը անմիտ է և ձանձրալի», «մարդիկ դժբախտ են, արժէ՞ ապրել»...

Արժէ՞ ապրել: Այս հարցը, որպէս դամոկլեան սուր, կախած է նրանց գլխին և հանգիստ չի տալիս:

Դրանք միաժամանակ այս դարաշրջանի բնորոշ բացականչութիւններն են: Բայց ոչ բացառապէս յատուկ այս էպօխային: Այդպիսի յուսահատական և մոռյլ բացականչութիւններ միշտ էլ արձակել է մարդկանչութիւններ միշտ էլ արձակել է մարդկային կուրծքը և հոգին, սկսած դեռ հին աշխարհից: Բոլոր դարերում լացել է մարդը իր գոյութիւնը, իր անցաւոր կեանքը: Շատ փիլիսօփաներ, բարոյագէտներ և բանաստեծներ են լացել մարդու գոյութիւնը և գրանից առեզձուած շինել:

Մարդն, ուրեմն, առհասարակ յոռետես է: Եւ անա մարդու հողում նստած այդ յո-

սի կողմն է, որ յաճախ գտել է, գտնում է
և այժմ, պարարտ հող հասարակական-քաղա-
քական կեանքում, և նա արտայայտում է:
Նա արտայայտում է թէ անհատական և
թէ ժողովուրդների կեանքում: Պատմութեան
մէջ, ժողովուրդների կեանքում կան էպոխա-
ներ, երբ տիրող պայմանները, սօցիալ-
քաղաքական և տնտեսական-բարոյական,
այնպիսին են, որոնք պարարտ հող են ներ-
կայացնում մարդու հոգու մէջ նստած այդ
յոսեփեսական կողմի երևան գալուն: Այդ
լինում է առհասարակ յուսախաբուսներին,
ազգային լքման, անկման միջոցին, ընկա-
ցիայի և հիասթափութեան ժամանակ, տըն-
տեսական—քաղաքական և սօցիալական
գրութեան քայքայման պահուն. այն ժա-
մանակ, երբ չկան ընդհանուր իդէալներ,
երբ բացակայում են Ասուած—իդէաներ,
որոնք ներկայացնում են մի մի նեցուկ
մարդու որոնող և իդէաների ծարաւի Նո-
գուհամար: Եւ, վերջապէս, յաճախակի և սիս-
տեմատիկ սպանութիւնների միջոցին, երբ
մարդու առաջ աւելի քան ցայտուն կերպով
և իր ամբողջ մերկութեամբ բարձրանում է
անհատի ոչնչութիւնը, առհասարակ մարդ-
կային կեանքի արժէքի ոչնչութիւնը:
Կեանքը չի գնահատում բարձր: Եւ ընա-

կանօրէն ամեն մէկի առաջ ցցւում է յոսե-
փեսական հարցը—արժէ՞ սպրել: Եւ շատե-
րը կարճում են իրենց կեանքը:

Այդպիսի յոսեփեսական ընոյթ էր
կրում ֆրանսիական յեղափոխութեանը յա-
ջորդող ընկացիայի շրջանը: Տիրում էր
սարսափելի հիասթափում, իդէաների ան-
կում, տնտեսական կեանքի քայքայում,
մասնայական սպանութիւններ, աննկարա-
գրելի աղքատութիւն... Մարդու կեանքի
անարժէքութիւնը, ոչնչութիւնը շատ ակն-
յայտ էր: Եւ մարդիկ կարճում էին իրենց
կեանքը: Բռնւած էին յոսեփեսական ղզա-
ցումով և արձակում սովորական յուսահա-
տական բացականչութիւնները: Այդպէս է
ամենուրեք, ուր կան նպաստող պայման-
ներ:

Այդպէս է և այժմ մեզանում, սկսած
1907 թւականից: Մասայական սպանութիւն-
ներ, պարօմներ, էքսպրօպրիացիաներ, ան-
աշխատութիւն, անթիւ բանտարկութիւն-
ներ, իդէաների կատարեալ բացակայութիւն:
Մահը—համատարած: Սովորական երևոյթի
շարքն էր անցել մարդու սպանութիւնը,
ասես հաւ է սպանում: Մարդկային կեանքի
արժէքը միանգամայն ընկած: Յատկապէս
այն փաստը, ինչպէս իրաւացիօրէն շեշտում

է մի ոռւս հեղինակ, որ ոռւս ժողովրդի մեծամասնութիւնը որոնման շրջանի մէջ էր, նա շատ բան էր սպասում՝ Ռուսաստանի ճակատագրի տնօրինութիւնը պատմականօրէն իր վրա վերցնող գրուպայից, համախմբւած «նոկտեմբերի 17-ի սկզբունքները» շուրջը: Նրա մէջ էր տեսնում անգամ ազգային պրօգրեսը: Բայց տեղի ունեցաւ հիասթափութիւն, ակնկալութիւնը մնաց ամբողջօպէս ակնկալութիւն: Թէև դա մի կօնկրեա երևոյթ էր, մի մօմենտ, բայց հեշտութեամբ տալիս են մի կօնկրեա մօմենտում արտայայտւած երևոյթին ընդհանուր, փիլիսօփայական նշանակութիւն, և հանելով այդ փիլիսօփայական ընդհանրացումը, նրանք բնականօրէն գալիս կանգնում են կեանքի, առհասարակ գոյութեան իմաստի և արժէքի բացասման տեսակէտի վրա:

Այդպէս է մարդու հոգին, ամենաառեղծւածայինը բոլոր առեղծւածներէից

Եւ կեանքը այդպիսի պայմանների մէջ բնականօրէն դառնում է անարժէք. ծայր են տալիս մի շարք աննօրմալ երևոյթներ, մանաւազ սեռական կեանքում, իսկ ինքնասպանութիւնը ամենատրմատական միջոցն են համարում այդպիսի դէպքում՝ տանջալի

իրականութիւնից, սարսափ—կեանքից ազատելու համար: Եւ, ինչպէս յայտնի է, ինքնասպանութեան երևոյթը այնքան ծաւալեց, անգամ համաճարակի բնոյթ ստացաւ, որ սկսեց կանոնաւոր, կազմակերպւած մաքառումն այդ կործանիչ երևոյթի դէմ, թէև, պէտք է նկատել, այդ բոլոր միջոցներն էլ պալլիատիվ էին, ոչ արմատական, ինչպէս, օրինակ, ինքնասպանութեան դէմ կուտոյ լիգանրը, չթաղել ինքնասպաններին ևն: Բայց մեր թեմայի շրջանակից դուրս է դրանց մասին խօսելը:

Ահա մեր յիշատակած երկու կարգի պատճառներից մի տեսակը: Դրանք, ինչպէս անւանեցինք, արտաքին պատճառներն են: Բայց կան նաև զուտ անհատական—հոգեբանական, անհատի մէջ եղած բնածին պատճառներ և ունակութիւններ դէպի պեսսիմիզմը: Ծիշտ է, մարդը մեծ մասամբ պեսսիմիստ է, բայց կան անհատներ, որոնք օրգանապէս և հոգեկան կազմով ամբողջօպէս հակաւ են յոռետեսութեան: Նրանք այդ բերում են իրենց հետ. նրանք հէնց սկզբից լցւած են յոռետեսական զգացումով:

11

Այժմ դառնանք մեր փիլիսոփայի, Շօպենհաուէրի պեսսիմիզմի պատճառների լուսարանութեանը:

Վերևի լուսարանութիւնից և վերլուծումից յետոյ, մեզ շատ քիչ բան է մնում ասելու ասանձնապէս Շօպենհաուէրի պեսսիմիզմի պատճառների մասին: Մեր յիշատակած երկու կարգի պատճառներն էլ դեր են խաղացել մեր փիլիսոփայի յոռետեսական սիստեմի մէջ:

Շատ կարծիքներ կան առհասարակ արտայայտւած Շօպենհաուէրի պեսսիմիզմի պատճառի շուրջը: Դրանք տարբեր են, իրար հակասող և հակառակ տեսակէտներից մօտեցած: Ֆրանսէնշտեյն իսկական տրագիզմը տեսնում է փիլիսոփայի անձնաւորութեան մէջ, ուրիշները մատնանշում են ճակատագրի հարւածները, մի երրորդը շեշտում է այն յաւիտենական ներհակութեան վրա, որ կայ բանականութեան և անյագուրդ կամքի միջև, իսկ Ռիլը ասում է. Շօպենհաուէրը ուրախութիւն էր որոնում, նա չգտաւ այդ ուրախութիւնը և դառաւ պեսսիմիստ, ճիշտ այնպէս, ինչպէս հին ժամանակի պեսսիմիստ փիլիսոփան, Հե-

զեզիասը, որ դուրս էր եկել հեղօնիզմի դպրոցից, մի դպրոց, որ ուրախութիւն է քարոզում. մի ուրիշը շեշտում է Շօպենհաուէրի մեղամաղձոտութիւնը, որպէս պատճառ պեսսիմիզմի են:

Որ յիշատակւած պատճառներից իւրաքանչիւրն ունի իր որոշ տեղը Շօպենհաուէրի յոռետեսական փիլիսոփայական սիստեմի հիւսւածքի մէջ, այդ պարզ է արդէն մեր աշխատութեան առաջին մասից: Միւս կողմից վերև արտայայտւած կարծիքները, իրենց էութեամբ, մտնում են մեր շեշտած երկու կարգի պատճառների մէջ—ներքին և արտաքին:

Բայց այստեղ կարող է հարց բաձրանալ, թէ արդեօք այդ երկու տեսակի պատճառները հաւասարապէս են դեր խաղացել, թէ մէկը առաջնական և միւսը՝ երկրորդական: Այս նոյն հարցը կարելի է նաև այսպէս ձևակերպել. Շօպենհաուէրի պեսսիմիզմը արդիւնք է նրա կեանքի, նրա պարունակների և միջավայրի ազդեցութեան, թէ դա հէնց նրա բնութեան էութիւնն էր կազմում:

Դրւած հարցի այսպէս թէ այնպէս լուծումից կախւած է նաև մեր բռնելիք գիրքը նրա փիլիսոփայութեան հանդէպ:

այդ լուծումից կպարզւի նաև նրա փիլիսոփայութեան ծագման խնդիրը:

Նրա կեանքի զարգացումը արդէն ինքնին լաւագոյն պատասխանն է այդ հարցման: Այդ կեանքը խօսում է յօգուտ երկրորդի և զէմ առաջինի, այսինքն, նրա պեսսիմիզմը աւելի բնածին էր. նրա յոռետեսութեան արմատներն աւելի պէտք է որոնել նրա անձնաւորութեան, նրա հոգեկան և ֆիզիքական կազմի մէջ, քան արտաքին պայմաններէ: Ուրեմն, եթէ առաջնութեան հարց տրւի, դա պատկանում է բնածին ունակութեանը և հակումին: Բայց, միև կողմից, չպէտք է մոռանալ և անտես առնել, որ արտաքին պայմաններն էլ իրէնց հերթին մղում են տւել դրան:

Անցնենք այդ տեսակէտի հիմնաւորման. դա մի տեսակէտ է, որը պաշտպանւում է Շօպենհաուէրի շատ ուսումնասիրողների կողմից:

Մենք ասացինք, որ մարդը առհասարակ աւելի յոռետես է, քան լաւատես: Բայց կան մարդիկ, որ հէնց սկզբից, ծնւելիս արդէն այնպէս են կազմակերպւած, որ իրենց կրճքում կրում են յոռետեսական յատկութիւնը: Ուրեմն, նրանք հէնց սկզբից տրամադրւած են յոռետեսօրէն նայել կեանքի

վրա: Այդ նրանց էութիւնն է, բնածին, ժառանգական: Այդպիսի տիպեր շատ կան և շատ են եղել, ինչպէս օրինակ, Լէօպարդի: Նրանք աշխարհ են գալիս մոռյլ ակնոցներով և ամեն ինչ տեսնում են սև և վատ: Այդ պէտք է որոնել, ասացինք, նրանց անձնաւորութեան, նրանց հոգեկան և օրգանիզմի կազմութեան մէջ:

Այդպիսի տիպ է ներկայացնում նոյնպէս Շօպենհաուէրը: Մենք դեռ «Գծեր Շօպենհաուէրի կեանքից» բաժնում նկատել ենք, որ նրա մէջ հէնց մանկութիւնից երևան են գալիս որոշ ժառանգական պակասութիւններ, աննորմալութուններ, որ ժառանգել էր իր հօրից և պապերից:¹⁾ Նա աշխարհ է գալիս արդէն յոռետեսօրէն տրամադրւած: Ահա այդ բնածին գիծը և հակումը դարցնում է Շօպենհաուէրին պեսսիմիզմի փիլիսոփա: Նա արդէն շատ փոքր հասակից, դեռ կեանք չտեսած և խորունկ ապրումներ չկրած և կեանքի փորձի բովից չանցած, դեռ նրա ստւերային և տանջալից երևոյթները չդիտած, մանաւանդ անձնապէս չապրած, նա արդէն հակւած էր բնազդօրէն, համաձայն իր ներքին էութեան:

¹⁾ Տես մանրամասներ էջ 24-29.

Թեան, վատը տեսնելու: Նա չի ճաշակում,
դիտում, ապրում և ապա հասնում կեանքի
ունայնու թաան: Շատ բնորոշ է այդ տեսա-
կէտից Շօպենհաուէրի կեանքի այն փաստը,
որ նա զեռ շատ փոքրիկ հասակում, ճանա-
պարհորդութիւնների միջոցին, երկրներ
թափառելիս, նրա ուշադրութիւնը միշտ
ինքնաբերաբար կանգ էր առնում կեանքի
և ժողովուրդների մութ, մուսլ կողմերի վրա:
Նա հաճոյքով և ուժգնութեամբ շեշտում
էր ամենուրեք, և միշտ, չարիքը, դժբախ-
տութիւնը, աղքատութիւնը: Դեռ 16-17 տ.
հասակում պարզ էր նրա մէջ պեսսիմիզմի
փիլիսոփան: Դա անմիջական արտայայտու-
թիւնն էր նրա ներքին էութեան. նա այլ
բան չէր կարող տեսնել, քան մութը, չա-
րիքը, տաղանքը: Բարիքը և լաւը նրա աչ-
քին չէին խփում: Այստեղ առաջ էր գալիս
նրա ներքին աշխարհը, նրա հոգին, նրա
գգացումը իր էութեամբ: Շօպենհաուէրի
պեսսիմիզմը, ինչպէս և Հարտմանի, Նոյն-
պէս և Բուդդայի, Լէօպարդիի ևն, արդիւնք
չէ կեանքի չարիքի և դժբախտութեան ճա-
նաչողութեան, ուրիշ խօսքով, դա իմացու-
թեան գործ չէ, այլ գգացումի, աւելի ճիշտ,
կամքի, կամեցողութեան գործ: Սա կազ-
մում է գրեթէ բոլոր յոռետեսների ընդհանուր

յատկութիւնը: Բոլոր յոռետեսներն էլ գգա-
ցումի և ոչ թէ իմացութեան պեսսիմիստ
են: Առաջինը համաշխարհային վիշտն է, ա-
պա հիմնաւորումը: Այդ են ասում նաև
պեսսիմիզմի բոլր հետազօտողները, ինչպէս
մի Ռիլ, մի Մօրիուս, ևն:

Այդպէս էր նաև Շօպենհաուէրը: Նրա
յոռետես փիլիսոփայութիւնը ինտելեկտի,
իմացութեան գործը չէ, այլ ամբողջապէս
կամքի և զգացումի: Այստեղ էլ առաջինը
համաշխարհային վիշտն ու տանջանքն է:

Չէնց սկզբից այդպէս լինելով, Շօ-
պենհաուէրը բնականօրէն և ինքնաբերա-
բար որոնում է կեանքում յոռի գծեր,
կեանքի արժէքը ժխտող և նմեմացնող
մութ և տանջալից փաստեր, դժբախտու-
թիւն, չարիք, դուրում: Նա որոնում է. և
որովհետև նա որոնում է, բնականօրէն նաև
գտնում է: Ահա այդ փաստերի շնորհիւ էլ
նա աշխատում է հիմնաւորել իր յոռետեսու-
թեան սիստեմը: Ահա այդ տեսակէտից է
համարւում նրա յոռետեսութիւնը բնածին,
տեսնելով նրա գլխաւոր պատճառը և հիմքը
նրա անձնաւորութեան մէջ. Եւ եթէ մէկը
բնականից այդպիսի տրամադրութիւն է բե-
րում իր հետ, շատ հասկանալի է, որ նա
կեանքում, ամեն քայլախիտում կտեսնի իր

ուգած բանը—կեանքի, մեր գոյութեան անարժէքութիւնը ապացուցող երևոյթներ ե փաստեր: Այդ երևոյթը ինքնըստինքեան շատ հոգեբանական է և միևնոյն ժամամանակ, որպէս անհատական-հոգեբանական երևոյթ՝ շատ հասկանալի: Այդպիսի գրութեան մէջ, այդպիսի հոգեբանական կազմ ունեցողն անգամ այնտեղ է չարիք, ցաւ, վիշտ և տանջանք տեսնում, ուր իրականապէս այդպիսին չկայ: Դեռ աւելին. նրան անգամ կեանքի լուսաւոր, փայլուն, յուսալի երևոյթները սե են երևում, մոռալ, դժնդակ, սարսափելի: Նա ամեն տեղ բացասական, կեանքի ժխտման առիթ և երեւոյթ է ուզում տեսնել, և նա իրօք տեսնում է:

Ուրեմն, այս էերքին հիմքը կար Շօպենհաուէրի մէջ—հիմնական գրութիւնը յոռետեսութեան: Սա կարող է արտաքին պայմանների շրջանակում և նրանց ազդեցութեան տակ կամ շատ ուժեղանալ և երևան դալ կործանիչ բնոյթով և կամ մեղմանալ, կորցնելով իր արտայայտութեան սուր բնոյթը: Այս երկու շրջանն էլ մենք տեսնում ենք մեր փիլիսոփայի անձնաւորութեան մէջ: Սկզբնական շրջանում բոլոր պայմանները նպաստում էին յոռետեսական

արամադրութեան ուժեղանալուն—վախ, սարսափ, կասկածոտութիւն, մօր և նրա յարաբերութիւնը, հիւանդոտ գրութիւն, գրքերի և դասախօսութիւնների անյաջողութիւն, ընկեցիայի ազդեցութիւն, սպանութիւններ, յեղափոխութիւն: Այն ինչ միւս շրջանում, երբ հիւանդութիւնները մեղմացել էին, երբ նա յաջողութիւն ունեցաւ, գրքերը տարածեցին, հոշակ ստացաւ, ուշադրութիւն դարձրին վրան. երբ, կարծի ծերութիւնը նրան «լարդ բերեց», այն ժամանակ կեանքը որոշ չափով փայլուն էր երևում նրան և նրա յոռետեսութիւնը բաւականին մեղմացել էր: Այդ ժամանակ կային անգամ լաւատեսութեան նշաններ, նա բաւականին կենսուրախ էր, մարդկանցից չէր խորշում, ոչ էլ կասկածոտութիւն կար գէպի առնասարակ մարդկանց: Բայց այդ կենսախիստ արամադրութիւնը ստեղծեց միայն իր կեանքի երեկոյեան, նրա կեանքի վերջալոյսին:

Շօպենհաուէրի պետիմիդի ծագման հարցը, կարծում ենք, արդէն պարզ է:

Այժմ հարց է յարուցում ըստինքեան: Ո՞րտեղից է ծագում Շօպենհաուէրի Ding an sich-ը, տիեզերական կամքը: Տիեզերական կամքն է արդեօք նրա պեսի-

միգմի արդիւնք թէ՞, ընդհակառակը, պեսսի-
միգմը տիեզերական կամքի:

Ասացինք, որ նա ամենուրեք տեսնում
էր չարիք, տանջանք, սարսափ և ցաւ. ա-
սացինք, որ նրա համար համաշխարհային
ցաւն էր առաջինը, և հետևապէս չէր կա-
րող տիեզերական կամքը լինել սկզբնա-
կան հիմքը նրա յոսեմտեսական հայեցողու-
թեան: Պարզ է, ուրեմն, որ տիեզերական
կամքն է արդիւնք նրա յոսեմտեսական ըմ-
բռնողութեան: Նա դեռ 17 տարեկան հասա-
կում հասել էր այն եզրակացութեան, որ
«այս աշխարհը չէր կարող լինել մի ողոր-
մած էութեան ստեղծագործութիւն, այլ ա-
ւելի շուտ մի սատանայի գործ»: Հետևա-
պէս այլ բան չէր կարող լինել աշխարհի
հիմքը, նրա շարժիչը, քան մի «կոյր
կամք», մի կամք, որ յաւիտենապէս առաջ
է մղում աննպատակ և երբէք չի բաւա-
րարում: Եւ միայն այսպիսի կոյր, աննպա-
տակ և անմիտ կամքի արգասիք կարող էր
լինել այս դժոխքանման աշխարհը: Սա
ևս Շօպենհաուէրի ներքին էութեան, նրա
ինկական անձնաւորութեան արտացոլումն
էր: Նա ուրախութիւն էր որոնում, բայց
չէր գտնում: Բայց կամքը յաւիտենապէս
տանջում էր նրան, տանջում էր մութ և

յամառ ծարաւը: Եւ գիտելով այդ, որպէս
աղբււր յաւիտենական տանջանքի, նա հե-
տևողական ձևով դրաւ կամքի ժխտումը
իրրև դերագոյն վիճակ: Շօպենհաուէրը բո-
վանդակ աշխարհը մեկնում է իր սեփական
էութեամբ, ինչպէս և իր սեփական կեանքի
նպատակի մէջ տեսնում է աշխարհի նպա-
տակը: Այսպիսով նա իր անհատական ապ-
րումին տալիս է ընդհանուր նշանակութիւն,
դարձնում է դա տիպիկական և վերագրում
ամբողջ աշխարհին: Այդ տեսակէտից շատ
ուշագրաւ է և հետաքրքրական, միևնոյն
ժամանակ ընտրող, նրա գլուխ-գործոցի
վերնագիրը—«Աշխարհը, որպէս կամք և
պակերացում»: Նա աշխարհը գիտում է որ-
պէս իր կամքը և պատկերացումը, ինչպէս
արդէն իր տեղին լուսարանել ենք: Նա աշ-
խարհի մէջ տեսնում է իր սեփական էութեան
արտացոլումը: Նա ինքն է աշխարհի
կաղապարը, աշխարհը կաղապարում է ըստ
նրա էութեան: Նրա սեփական երկու կող-
մերը դառնել են աշխարհի երկու կողմերը—
ինտելիկտ և կամք, մէկը լուսաւոր և ու-
րախ, միւսը մութ, տենչացող, կոյր և տան-
ջող:

Եւ Շօպենհաուէրը հասնում է այն եզ-
րակացութեան, որ անհրաժեշտ է ժխտել:

մեռցնել այդ տենչանքը, անյագուրդ և միշտ ձգտող կամեցողութիւնը, որը չի բաւարարուում: Այս պեսսիմիզմը հողերանօրէն աւելի քան հասկանալի է: Աշխարհը դիտուում է որպէս վատ: Շատերը, չգտնելով եսասիրական ձգտումներին և պահանջներին լի ու լի բաւարարութիւն, մնալով միշտ անյագուրդ այս աշխարհում, համուում են յոռետեսութեան: Այս մի կողմից, և միւս կողմից այն, որ կեանքի մէջ շատ տանջանքներ կան, իր հերթին նպաստում է յոռետեսական տրամադրութեան բարձրանալուն:

Հետեւապէս յետևողական իր հայեցողութեան հիմնական սկզբունքին, Շօպենհաուէրը ժխտում է պատմութիւնը, մի գրութիւն, որը կազմում է առհասարակ նրա փիլիսոփայական սիստեմի ամենավերաւոր և պակասաւոր կողմը: Բայց այդ քայլը անհրաժեշտ էր նրա ուսմունքի հիմնաւորման համար: Եւ նա անում է այդ: Նա ժխտում է պատմական փաստի գոյութիւնը, էւօլյուցիա, բնական զարգացում և առաջադիմութիւն: Այսպիսով նրա պեսսիմիզմը ստանում է ընդգրկող բնոյթ:

Ասացինք, որ պատմութեան ժըխտումը նրա պեսսիմիզմի անմիջական արդասիքն է: Նրա յոռետեսութեան հիմնական

սկզբունքների համաձայն այս աշխարհը, այս դանտէեան դժոխքը, այլ բանի արգասիք չէր կարող լինել, քան մի կոյր, անմիտ և աննպատակ կամքի: Եւ եթէ աշխարհը բովանդակ կեանքը մի «կոյր, անմիտ և աննպատակ կամքի» ստեղծագործութիւն է, պարզ է, ուրեմն, այլևս խօսք չի կարող լինել զարգացման, բարեփոխման մասին, մի զարգացման և բարեփոխման, որ ունենար մի վախճանական և դրական նպատակ: Չկայ այստեղ նպատակադրութիւն: Եւ Շօպենհաուէրի տեսակէտով մարդկութիւնն անփոփոխ է, նամանաւանդ բարոյական առումով. նա չի հաւատում կեանքի բարոյական կողմի բարեշրջման, նա չի հաւատում նաև կեանքի առաջադիմութեանն ընդհանրապէս:

Պատմութեան բացասումը, ինչպէս նկատեցինք, կազմում է նրա փիլիսոփայական սիստեմի ամենաաչքի զարնող պակասը և աւելի քան հրեան է բերում նրա սիստեմի միակողմանիութիւնը: Այդ միակողմանիութիւնն ուղղակի ազատում, հաշմանդամ է զարձնում նրա սիստեմը: Նրա սիստեմի մէջ առհասարակ ոչ մի տեղ չի բռնում պատմական զարգացման գնահատումը. կարճ, միանգամայն բացակայում է պատմական — զարգացողական տեսակէտը:

Նա չի ճանաչում և տեսնում ոչ մի առաջադիմութիւն փիլիսոփայութեան պատմութեան մէջ: Նա չի գիտում համաշխարհային պատմական կեանքը. որպէս մի առաջադիմական շարժում: Եւ բացասելով այդ զարգացումը, նա պնդում է, որ պատմութիւնը միշտ էլ նոյնն է, նոյնութեամբ կրկնում է: Ծօպենհաուէրի այդ գրութեան դէմ բողոքում է արդէն մտքի ամբողջ ստեղծագործութիւնը՝ բոլոր սահմաններում և բնագուլաններում, գիտութեան մէջ, տեխնիկայի ևն: Եւ այդ նւաճումները դեռ օր-աւուր կատարում են: Չի վերջանում, ճիշտ է, տանջանքը, բայց նա մեղմանում է յարաբերաբար: Ծօպենհաուէրը բացասում է նաև Դարվինիան պատկառանք ներշնչող թէօրիան—տեսակների ծագումը և փոփոխութիւնը, մի բան, որ միանգամայն ներկայացնում է պատմական զարգացման արդիւնք, մի բան, որ ուղղակի անհնարին է իրականապէս և փաստապէս ժխտել, առանց կանխակալ տեսակէտի և կախորոշած դեղատոմսի, որպիսին ունենր Ծօպենհաուէրն իր ձեռքին: Եթէ Ծօպենհաուէրը լաւ ուսմասիրէր այդ թէօրիան և ըստ կարելոյն գնահատէր, նա հաւանորէն կհամներ այլ եզրակացութեան: Այդ ժամանակ նա նոյնպէս չէր մերժի նաև աշ-

խատանքը, թէկուզ տանջանք պատճառող աշխատանքը: Այդ մենք տեսնում ենք նրա աշակերտի անձնաւորութեան մէջ: Պեսսիմիստ Նիցշէն նւիրում է դարվինեան վարդապետութեան ուսումնասիրութեան և ճանաչելով զարգացման սկզբունքը, հասնում է հակառակ եզրակացութեան. նա ոչ թէ ժըխտեց կեանքը, այլ երգեց ներբողեց այն, դառնալով կեանքի բարձրացման, ազնւացման փիլիսոփայի և աննման մարտիկը: Նա միւլենոյն ժամանակ աշխատանքի մէջ, թէկուզ տանջալից աշխատանքի մէջ, տեսնում էր գերագոյն վայելքը, մի աշխատանք, որ տանում է գէպի կատարելիութիւնը: Այդ ստեղծագործական աշխատանքով յայտնագործւում է նոր գրութիւն և գոյութեան նոր արժէք:

Երբ 1814 թ-ին Ծօպենհաուէրը հեռանում էր Վայմարից, Գէօթէն գրում է նրա ալբոմում:

Ուզում ես քո արժէքով ուրախանալ
Այն ժամանակ պիտի աշխարհին արժէք տալ:

Այս գրութիւնը հիմնօրէն բաժանում է Գէօթէին Ծօպենհաուէրից: Գէօթէն ուզում է արժէք տալ կեանքին և ոչ թէ դիտել այն որպէս մի քարացած մեծութիւն, ինչպէս և Նիցշէն:

ԲՈՎԱՆ ԴԱԿՈՒԹԻՒՆ

1. ԳԾԵՐ ՇՊԵՆՀԱՌԻԷՐԻ ԿԵՍԵՆՅԻՅ

Շօպենհաուէրի փիլիսոփայութեան բնորոշումը և տեղը փիլիսոփայական սխտեմների մէջ. — Կենսագրական. — նրա անձնաւորութեան խարակտերիստիկան. — նրա յոռետեսական տրամադրութիւնը և պատճառը. — նրա բնաւորութեան հիւանդագին գծերը. — մահ և Շօպենհաուէր. — նա Վայմարում. — նրա և մօր յարաբերութիւնը. — նա մարդկանց ատող. — զեղեցիկ քանդակագործուհին և պեսիմիստ փիլիսոփան. — նա Ֆրանկֆուրտում և նրա բեղուն գրական աշխատանքը. — նրա անյաշդութիւնները, որպէս գրող և պրօֆեսօր. — փիլիսոփայութեան պրօֆեսօրները և Շօպենհաուէրը. — 1850 թ. նա մօղերն գրող. — նրա հիւանդութիւնը, մահը և կտակը. . . . 9

2. ՇՊԵՆՀԱՌԻԷՐԻ ՊԵՍՍԻՄԻՍՏԿԱՆ ՓԻԼԻՍՕՓԱՅՈՒԹԻՒՆԸ

I. ՆԵՐԱԾՈՒԹԻՒՆ, ԿԵՍԱՀԱՅԵՑՈՂՈՒԹԻՒՆ . . . 55

Կենսահայեցողութեան բնորոշումը. — իմացողճանաչող և զգացող մարդը. — իմացաբանը և կենսափիլիսոփան. — զրանց տարբերութիւնը. — Սօկրատէս և Տօլստօյ, Բրիստոս և Բուդդա կն. — Շօպենհաուէրն որպէս կենսափիլիսոփա: 73

II. ՇՊԵՆՀԱՌԻԷՐԻ ՊԵՍՍԻՄԻԶՄԸ

Պեսիմիզմն ընդհանրապէս. — բուդդայականութիւնը և նրա սրբազան ճշմարտութիւնը. — տրամադրութեան և փիլիսոփայական պեսիմիզմ. — Շօպենհաուէրի պեսիմիզմը և կամքի մետաֆիզիկան. —

Կեանքի կամեցողութեան թէօրիան.— կամքը տան-
ջանքի աղբիւր.— տանջանքը տիեզերական.— նա
ապացուցում է պետտիմիզմը ապրիօրի հիմունքնեով.—
ներկայի ոչնչութիւնը և բաւականութեան բացակա-
յութիւնը:

III. ԿԱՐԵԿՅՈՒԹԵԱՆ ՄՕՐԱԼԸ 99

Կարեկցութեան մօրալը.— ազատագրման մօ-
բալ.— կամքի ժխտումը.— բարոյական արժէք ունե-
ցող գործողութեան չափը.— նա մերժում է էգօրիզմը.—
ինչ է լացը, մեռելի վրա արտասուելը.— կարեկցու-
թիւնը սրանց հիմքը:

IV. ԿԱՄՔԻ ԺԽՏՄԱՆ ԹԷՕՐԻԱՆ 115

Ո՞րն է տանջանք-կեանքի պատճառը.— ան-
յազուրդ կամքը.— բուզգայականութիւնը և քրիս-
տոնէութիւնը որպէս ազատագրման կրօններ.— Շօ-
պկենատէր և կամքի ժխտում.— Տօլստօյ և ինքնա-
սպանութեանն հարցը.— Շօպկենատէրը դէմ է ին-
քնասպանութեան.— ինչո՞ւ.— նրա թէօրիան.— մար-
դը երբ է դիմում ինքնասպանման.— Նիրվանան և
նրա էութիւնը:

V. ՇՕՊԵՆՀԱՌԻԷՐԻ ՊԵՍՍԻՄԻԶՄԻ ՊԱՏՃԱՌ-

ՆԵՐԸ 137

Պետտիմիզմի պատճառներն ընդհանրապէս.—
մարդը պետտիստ է.— պետտիմիզմը ժողովուրդների
և անհատի կեանքում.— Շօպկենատէրի պետտիմիզմի
պատճառները.— նրա պետտիմիզմի ամենավերաւոր
կողմը.— պատմութիւն և զարգացում:

3. Գրականութիւն 160

ՀԵՂԻՆԱԿԻ ԳՐԻԱԾՔՆԵՐԸ

1. Աւարատական, ուսումնասիր. 1 ր. 50 կ.
2. Պատմափիլիսոփայութիւն, համբող . . . 30 կ.
3. «Մխոր», գիտական-փիլիսոփայա-
կան ժողովածու 1 ր. 50 կ.
4. Նիցշէ և նրա փիլիսոփայութիւնը . . . 20 կ.
5. Պետրոսեւոսի փիլիսոփայան 50 կ.

Պատրաստ է և շատ մասիկ ապագայում լոյս
կտեսնի թէ հայերէն և թէ գերմաներէն
նոյն հեղինակի մի ընդարձակ գրածքը

ՄԻՆԱՅԼՈՒՍԿԻՆ

ՈՐՊԷՍ ՓԻԼԻՍՕՓԱ-ՍՕՑԻՕԼՕԳ

ԳԻՆՆ Է 50 ԿՈՊ.

Հեղինակի հասցէն՝

Эривань, Армянская Семинарія,

Ервандъ Францязъ

« Ազգային գրադարան »



NL0146401

